


Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL 1.7.77









Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL 1.7.77






Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.7.77



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.7.77








BOS VIII

BOS

CENTVRIA  
SELECTARVM

SENATV MEDIO LANENSIS  
Dian C Q







HIERONYMI  
BOSSII  
TICINENSIS.  
Artis Oratoriæ apud Mediolanenses  
in Palatina Academia  
Interpretis,  
CENTVRIA  
SELECTARVM  
EPISTOLARVM;  
Excellentissimo  
SENATVI MEDIOLANENSI  
Dicata C. Q.



TICINI REGII;  
Iacobus Ardizzonius Excudebat Ann. clc cl c x x]





# APPROBATIO.

Ego D. Augustinus Valerius Papiensis Congregationis Somaſchæ Clericus Regularis, Theologus, Conſultorq; ſancti Officij Papiæ, de mandato Reuerendiſſimi Patris Inquiſitoris hanc Sceleſtarum Epiſtolarum Centuriam Doctiſſimi, Clariſſimiq; Viri HIERONYMI BOSSII TICINENSIS, in Palatina Academia Artjs Oratoriæ Interpretis Regij accuratiſſimè legi, attentaq; mente ponderaui, & diligentiffime recognoui, nihilq; in ea deprehendi, quod aut moribus bonis, aut Catholicæ veritati aduerſetur; imò dignam Typis eſſe iudico, cùm ex ea non ſolum Philoſophi iuuenes vtilitatem, ſed ipſi etiam PHILOLOGI homines delectationem ſint habituri, hauſturiq; maximam.

IMPRIMATUR.

Fr. Michael Sax, de Tabia Vic. Inquiſitionis Papiæ;





ILLVSTRISSIMO  
PRÆSIDI IVLIO ARESIO,  
AMPLISSIMISQ. VIRIS,

EVDOVICO MADIO,  
PAPYRIO GATTANEO,  
TRVSSO TRVSSIO,  
HIERONYMO PARAVICINO,  
NICOLAO LEYZALDO,  
IO. BAPTISTAE TROTTO,  
IO. BAPTISTAE VICECOMITI,

ALOYSIO MELTIO COMITI,  
MATTHÆO CAYR. MALDONATO,  
VALERIO CONFALLONERIO,  
PAVLO BELLONIO,  
DON. FERDIN. QVINTANADVEGNAS;  
PETRO FRANCISCO CORIO,  
PRINCIVALLI MONTIO,

Excellentissimi Senatus Mediolani

PATRIBVS CONSCRIPTIS

HIERONYMVS BOSSIVS

Felix, Faustum, Fortunatumq; Precatur Imperium.



Estum beneficium est, PATRES amplissimi, quod  
in Palatina Academia Rhetoricum munus fuerim  
ego abhinc annum auspicatus. Id quod mihi pro-  
fecto multis, ac ijsdem magnis nominibus accidit  
non iucundum minus, quam honorificum. Etenim cum meo  
quodam Genio ad MVSAS ferar mansuetiores, atque ad ip-  
sam in-primis ducar PHILOLOGIAM, nunc me me pror-  
sus, ut cum poeta loquar,

— — — *sequi natura semina letor;*

& ita quidem letor, ut & quæ ingenij, & quæ animi cultus spe-  
ctatur, verè possim cum Plautino dicere Periplectomeno:

*Nunc bene vivo, & fortunatè, atque ut volo, atque ut lubet.*

Praesertim cum vos sperem hoc alterum mihi propediem hu-  
manitate, benignitateq; vestra prestituros, ut quæ etiam rei fa-  
miliaris ratio habetur, meum istud gaudiū integrum sit. Nam-  
que, ut ait Symmachus, *Specimen est florentis Reipub. ut Discipuli-*

† 2

*narum*



narum *PROFESSORIBVS* premia opulenta pendantur: vestra gloria, vt Respub floreat. Sed vt ad propositum reuertar, non exiguam laudem esse vñquam putavi, earum quamlibet artium, quæ liberales appellantur, de publico, & superiore loco interpretari. Præter quam quod summam in eo semper gloriam positam arbitratus sum, quod eadem omnino prouincia mihi decreta fuerit, quam *Parrasius*, *Maioresius*, *Marchesonius*, *CICEREIVS*, *PVTEANVS*, *COPPINIVS*, & alij quam plurimi inuidia maiores viri, Virtute, Fama, & Factis clarissimi, tanta cum dignitate sustinuerunt, vt eisdem

----- *hæc via sola superbum*

*Ad decus, & summas laudum perduxerit arces*

Cui quidem rei nō vulgare ab eo accedit ornamentum, quod *Mediolani* hoc munere perfungar, vbi *Facunda Virorum Ingenia* eiusmodi florent *ELOQVENTIÆ* laude, vt difficillimum quiddam sit in hac Ciuitate dicere; sed ipsam in primis docere artem benè dicendi longè sit difficilior. Quamquam, vt numero dicam, quod res est, illud à me tantum præter cætera præcipuum censetur, quod vestra approbatione, vestroq; Senatus Consulto existimatus ego fuerim non indignus, qui in publico SVADÆ theatro versarer. Vos me in lucem ex umbra euocastis: vos hominem è *lare secreto* in publicum eduxistis, vtq; viam Publicæ FAMÆ ingrederer, effecistis. Itaque quidquid vtilitatis, & commodi: quidquid splendoris, & gloriæ hæc mihi Palatina prouincia sit olim vñquam allatura, id vobis omne acceptum referre mihi est planè constitutum. Adeo quidem me amplissimo isti Ordini non honore solum præsentis beneficii; sed spe etiam futurorum, deuixistis, vt quæcunque à gratissimo proficisci animo possunt, me debere confitear simul, & profitear. Quamobrem, Sapientissimi PATRES, hanc vobis Selectarum Epistolarum Centuriam mente, & manu dicatum, consecratumq; venio, vt quæ

à vobis



à vobis accepi recordari; quæque ab iisdem sperare possum,  
non tam intelligere, quam plurimi facere videar. Interim  
autem epistolam votis claudō, &

*Deum O. M. Veneror,*

*Vti Sopites Vos, Incolumesque Præset,*

*Quia Vos Rempub. Ex Cōmuni Omnium Utilitate Geritis:*

*Vt Eosdem Florentes Seruet,*

*Quia Per Vos Florent Ingenia:*

*Vt Denique Ad Multos Annos Conseruet,*

*Quia Publica Salus Vestra Continetur Incolumitate.*

Annuet, annuet meis præcibus, votumque meum ille Rex  
Regum firmabit, à quo omnis HONOR, & POTESTAS;  
quique SALVS, ac VITA est mortalium. Ex Musæo.



Ad Clarissimum Virum,  
**HIERONYMVM BOSSIVM**  
**TICINENSEM,**

IN PALATINA ACADEMIA  
Artis Oratoriae apud Mediolanenses REGIVM INTERPRETEM,

O D E

Augustini Gorrinij Iriensis, eximij I.C. & Theologi.

**Q**uod te Pierides bonae  
Pauerunt dulci nectare, & ambrosia,  
Quod vaturn pater aureus  
Te docuit culta psallere Apollo Lyra,  
Quod Pallas quoque; & adala  
Ingenij larga messe valere dedit,  
Quod gratas Veneres pede  
Alerno terram dum quatit ipsa Charis,  
Iccirco superas chely  
Vatem, cui licuit flectere iura Stygae:  
Et quae Romuleos patres  
Detinuit latij fama superba fori.  
Vates barbite de ingis  
Si quercus altis eruit aérias  
Atque; vrsos, Tigrides, leas  
Mulcendo placida reddidit instar ouis,  
Deduxitque polo genus  
Quod penna aetherias verberat oë plagas,  
Moti Hebriv rapidos nimis  
Cursus, & tenuit flamina saena Noti  
Ditis praeterea canem  
L'enij, amissam dum petit Euridicen;  
Romanum Cicero forum  
Dum superas Pylum voce tonante senem:  
Tu omnes attonitos facis  
Dū prona Aonium spargis in aure melos;  
Tu pectus rapis omnium  
Dum fluit ingenij vena benigna tui.  
Tu praecordia possides  
Pieriam docta dum feris arte lyram,  
Succo Cecropio madens  
Et Latio, latium sustinuisse potis.

Felix ergo ter, & quater,  
Qui numeros apto pronocat oretnos;  
Qui cultum eloquium bibit  
Quod pluit, et magni fluminis instar agis;  
Nam si concinis, illico  
Mulcendo, cartis sydera celsa graui  
Votiuo ore superbiens  
Pegased nimum messe beatus abie  
Nam si fulgura detonas  
Bellaque, compescis fulmine vocis abie  
Votiuo ore superbiens  
Palladij pleno pectore diuitijs.  
Felix verum ego maxime,  
Si quisquam felix vixit in orbe magis;  
Plena qui aure bibo melos  
Palladium, quod me nocte dieque; beat:  
Cui semper melicis modis,  
Et datur Aonijs me recreare sonis,  
Necnon in latio foro.  
Voce sonante frui, voce tonante frui.  
Nostro stychudias lare  
Deuoro non segnis nocte dieque; tuas;  
Praesertim Aonijs rosam  
Quae dicat affigens culta tabella tholis;  
Musæ ut stichidys modò  
Ex BOSSI neclent florida ferta sibi.  
Sed praefiscine, pallidam  
diuaso pellunt quae mihi melle famam.  
Ipso & nectare perpluunt  
Quod siccam arenti detrahbit ore sitim.  
Sic pascor bene quod mihi  
Inuidet Etus, inuides Hesperius.



In Centuriam Epistolatum  
CLARISSIMI VIRI  
HIERONYMI BOSSII TICINENSIS,  
IN PALATINA ACADEMIA

Apud Mediolanenses ELOQVENTIÆ PROFESSORIS,  
EPIGRAMMA  
BENEDICTI SOCIACI,

Poetæ, ac Theologi Præstantissimi.

**C**ENTURIAM nouus ecce nouam conscribit, agitque  
CENTURIQ, iriſtem vincat di inuidiam.

Nec luce armorum, verborum at fulgure doctos

Perstringit visu, vertit & ora virum:

Non cadem, aut furias spirat, sed vbiq; lepores,

Non Mars ense tonat, ridet vbiq; Venu.

Est telum calamus bellator, pagina campus,

Pagina pro multo sanguine melle mader.

Nec quærantur opes, aut regnum, at fama superflës:

Non hostes victor, sed fera faia domat.

TYPOGRAPHVS LECTORI.

Rogo, & obsecrote, QVISQVIS ES, vt ne prius hanc Epistolarum Centuriam legas, quàm expungenda deleueris, & suo ista quæque loco repofueris, quæ hic ego subijcio, indicatis ERRORVM pagellis.

Pag. 5. ac verius. 19. quia in te illa. 20. dandum putau: litteris suis. 26 Cornelij. 30. in eis libra: rij 35 Solon: Rosci: ad imaginem. 44. propius accessisse. eruditissime 48 proficiscatur: 51 cum his ad te 61. tartas te & as: percussit. 63. ad vnum. 68. ait. 72. hetrusca lingua: nox dirimeret. 81 Rhamusia 83. certè diligetia: tua efficies. 84. e selectorum iudicum: musas frequentius. 85. rus meum: liber animus: nemo poterat 86. regit patrijs: exemplo ciues ad; sed eisdem. 81. humanum præditus; spe non dubia. 89. pictorium cimerialchium 90. quò festos; Senatus excudat. 91. pal-liatæ; compendij. 94. Roma missas. 95. noxa erit. 96. digitum porrigeret 97. Saulij.

Hoc AMPLIVS animaduerte, & ignosce A manuensi. quòd litterarū is geminauerit exemplum quæ paginis 58. & 91 bis excusæ perleguntur, omiſſa alia epistola, quæ pag. 91. erat alioqui typis imprimenda.



# Syllabus eorum, ad quos sunt missæ Epistolæ.

Alexander Grassus QUÆSTOR epist. 55	10. Baptista Costa I. C.	31
Alexan. Lodouisius CARDINALIS. 34. 64	10. Baptista Pronera' Bellingerius Senat.	
Aloysius Bologninus 100	Mediolan. à SECRETIS	92
Aloysius Cagnolius 74	10. Baptista Resia	73
Aloysius Melius Com. SENATOR. 70. 89	10. Baptista Saccus Senat. à SECRETIS. 11	
Annibal Guasus 26	10. Bapt. Solarius, Agens Polon. REGIS 16	
Antonius Fridericius I. C. 23	10. Baptista Sormanus I. C.	30
Antonius Olgiatus 20	10. Baptista Trotius SENATOR	65
Ant. Querægus utr. signat. REFEREN. 40	10. Baptista Vicecomes SENATOR	67
Antonius Serbellonus Comes 79	10. Caulichinus I. C.	82
Aquilinus Coppinus 36	10. Francif. Landria Sen. à SECRETIS 78	
Augustinus Guasus 44	10. Thomas Gallaratus SENATOR	18
Aurelius Lusolus 84	Iulius Aresius PRÆSES 5. 27. 37. 69	
Bartholomæus Maluetius 35	Iulius Cæsar Reginus I. C.	95
Bartholomæus Pisonus I. C. 81	Iulius Negronius	43
Bartholomæus Zucchi I. C. 90	Iulius Turrianus Scal. Tem. Præpositus 15	
Bassianus Catenagus 88	Lælius Bisciola	49
Benedictus Sociacus 25	Ludouicus Acerbus SENATOR, nunc	
Cæsar Vbertus 41	Ord. Magist. PRÆSES	53
Carolus Antonius Belcredius I. C. 97	Ludouicus Madius SENATOR	47
Carolus Madrucius CARDINALIS 66	Ludouicus Septalius	52
Claudius Achillinus I. C. 21	M. Ant. Bonciarius	46
Cosmus Alemannus 33	Matthæ. Cayra, Maldonat <sup>s</sup> SENATOR	72
Didacus Millianus I. C. 63	Matthæus Valerius	96
Erycius Puteanus 19	Nicolaus Leyzaldus SENATOR 62. 93	
Fabricius Landrianus EPISCOPVS 59	Octavianus Picenardus I. C.	58
Federicus Borromæus, CARDIN. 2. 54. 94	Papyrius Cattaneus SENATOR	50
Ferdinã. Quintanaduegnas SENATOR 85	Paulus Belloinus SENATOR	12. 80
Flaminius Platus CARDINALIS 7	Paulus Sfondratus CARDINALIS	6
Franciscus Cagnolius I. C. 13. 34	Petrus Cantonius I. C.	29
Franciscus Bosius 32	Petrus Franciscus Corius SENATOR	83
Gaspar Saluianus 71	Philippus Massinius I. C.	10
Gaspar Scioppius 75	Pius Mutius ABBAS	9
Henricus Arjagus I. C. 86	Placidus Carminatus Brambilla	22
Hercules Tassus 14	Pompeius Cornazzanus EPISCOPVS 61	
Hieronymus Carandinus 24	Princiualis Montius SENATOR. 68. 87	
Hieronymus Paravicinus SENATOR 60	Robertus Titius	42
Hieronymus Prætus I. C. 56	Scipio Bargalius	45
Hierony. Xauerius CARDINALIS. 451	Scipio Borgbesius CARDINALIS 1. 48	
HYMORISTI Academici 17	Thomas Sciglianus	28
INSENSATI Academici 3	Trussus Trussius SENATOR	57. 91
Io. Angelus Cornazzanus I. C. 77	Valerius Confallonerius SENATOR	76
Io. Baptista Bigonius 98	Vincentius Gallus	99
Io. Baptista Bilus EPISCOPVS 8	Vitalianus Vicecomes ARCHIEPISC. 39	



HIERONYMI  
BOSSII TICINENSIS  
CENTVRIA  
SELECTARVM  
EPISTOLARVM.

HIERONIMVS BOSSIVS  
SCIPIONI BVRGHESIO

Sanctæ Romanæ Ecclesiæ CARDINALI,

S. P. D.

Epist. 1. Romanæ.



*Er*e Ciuitas Romana nunc temporis digna est, Cardina-  
lis Amplissime, SCIPIO BVRGHESI, ut Mar-  
cellini verbis Virtutum omnium domicilium appel-  
letur. Etenim his præcipue temporibus, PAULO U.  
omnium Optimo, omnium Maximo Pontifice, Auunculo tuo, sic  
emittitur, quod ait Poeta,

..... sola virtute potestas,  
nihil ut opus sit, aut ad largitiones tollendas, aut ad ambitum coer-  
cendum, lege Calpurnia. Quandoquidem viris probis tantum, &  
ijs, qui prudentia, & ceteris id genus animi dotibus conspicui sunt,  
Dignitates, & Sacerdotia deferuntur. Id quod exemplis, ut in-  
quit ille meus, præsentibus, viuisque, fieri quotidie magis sua cum  
Voluptate perspiciunt, quotquot in ista Vrbe, in ista luce versantur  
orbis terrarum. Neque verò nos hoc ipsum, quantumlibet magno lo-  
corum intervallo disuncti, ignorare possumus, cum vir sine exce-  
ptione probatissimus, Urbis nostræ Episcopus, co iure, quo qui  
optimo, fuerit nunc nuper creatus. Quoniam honore isto auctus non  
antea fuit, quàm in Varys Prouinciary gubernationibus ita se gesserit, ut

A

lices



2 HIERONYMI BOSSII TICINENSIS

licet magnum quiddam sit, quod consecutus est, ab hominibus tamen plus mereri, enucleato suffragio, iudicetur. Itaque, si dignitas, dum ad incognitum venit, donum est, cum ad expertum, compensatio meritorum, populares mei Summi Pontificis Iudicio, & testimonio freti, liberè possunt, ac potius debent, prisco ritu adclamare: hunc Præsulem, hunc imitari omnes volumus, qui nobilis est sanguine, emendatus vita, doctrina clarus, moribus singularis, exemplum antiquitatis. Ea re ab optimi civis officio, quem suæ patriæ siue ornamenta, siue augmenta delectent, discedere mihi viderer, nisi maximas, & immortales haberem tibi gratias, qui ore tuo, quasi Delphico Apollinis Oraculo, non hominem solum apud Aunculum commendare, sed ad Episcopatum etiam promovere, hoc est, ut ego interpreter, nos summo bono afficere, voluisti. Neque satis profecto verbis indicare possem, ne dum apertius declarare, quantum ego ob eiusmodi beneficium, publicè acceptum, priuatim debeam. Cui cum alterum illud accedat, quod author fueris eidem Antistiti, ut Fratrem in suis Cancellarijs habere velit, totis te animi sensibus amare, & observare compellor, si modo is compellitur, qui libenter aliquid, & studiosè facit. Et ne homo essem mente viduus omnino, illud si non intelligerem, quale, & quantum sit, quod tua apud me humanitate posuisti: & cum intelligam, si meum libens merito nomen in tuis Censualibus libris non adscribe rem. Quid igitur? iam mea sponte, nulla prætoris intercedente autoritate, me tibi do, dico, addico. Præsertim cum non ignorem, quod non minus propter ampliudinem dignitatis, quam propter magnitudinem animi tui, quæ, in dando, mutuum nec respicit, nec recipit umquam, nulla aut industria tibi, aut officio meo possim redhostire. Hoc potius Fratrem curaturum affirmatè promitto, ut, liceat mihi hoc verbo vii, nec te Favoris, nec ipsum Episcopum pæniteat Obsequij. Quod si, cum Plinio dicam, sollicitius custodiendus est Honor, in quo etiam beneficium amici tuendum est, multò magis, in quo Principis tui similis: cui vel de nomine tantum innotescere, laus est non vulgaris. Fide certe, quæ in Ingenio est, & Sedulitate, quæ in Manu, afficiet, quoad



quoad eius poterit, ut sua opera in isto munere Graphico nec desiderari, nec accusari ullo modo possit. Interim autem Bonas Preces Te Precor, atque per Summi Pontificis Avunculi tui Genium rogo venerabilundus, ut, iterata apud hominem opera, Tuo isti Beneficio, siue mihi, siue Fratri delato, Solidam Addas Perpetuitatem. Ticino Regio, Prid. Nonas Augustas.

HIERONYMVS BOSSIVS

FEDERICO BORROMEO

Archiepiscopo Mediol. &amp; S. R. E. CARDINALI.

S. P. D.

Epist. 2. Mediolanum.



Recordatio singularis illius benignitatis, quam ex eruditissimis sermonibus tuis perspexi, me quotidie, fateor, ex quo Mediolano profectus sum, admonuit officij mei. Sed mihi plane accidit quod Aeschino Terentiano, cuius dum nimis sacras nuptias

Student facere, in apparando consumunt diem.

Ecce tibi, Cardinalis Amplissime, dum expecto, ut in mentem aliquid veniat, quod in eam epistolam, quam ad te cum opusculo meo recepi me daturum, confirmata, si minus aucta, de me opinione, conijcerem, duo ipsi menses abierunt. Ne me igitur, quod iam tempore lapsa fides sit, referas in parum idoneis nominibus, hac cum libro ad te mitto litteras, ut ut licuit scripias in multis, ac magnis occupationibus meis. Quas tamen, ut tamquam indices obseruantie erga te mea libens accipias, rogo te per eorum lucubrationes hominum, quorum ingenia, ut Plinius ait, rem publicam fecisti in Ambrosiana Bibliotheca. De qua profecto, si quando mihi Deus otium fecerit, aliquod conari animus est, ex quo facile intelligas me fortasse non indignum esse omnino, quem in tuam clientelam recipias. Vale splendidiissime litterarum, ac litteratorum in Italia. Maecenas, &

De nostris annis tibi Iuppiter augeat annos.

Ticino Regio. XVI II. Kalendas Septembris.

A 2 HIE-



HIERONIMVS BOSSIVS

## ACADEMICIS INSENSATIS

S. P. D. Epist. 3. Perusiam Augustam.

**C**ommuni profecto sensu, nobilissimi INSENSATI, carere mihi ipse viderer, illud si minus intelligerem, quanti sit, quod in vestram me familiam cooptastis. Etenim quantum ceteris animantibus homo ratione præstat, tantum ij ceteros antecellunt homines, quorum vitam, ut Poeta inquit summa prudentia Prudentius,

----- sibi temperat, atque gubernat.

Viuida Mens.

Vos autem ita Platonicum animi Tetrachordum temperatis, ut rationis nervus cum nervo concordans intellectus, Homophonum creet, nec ulla planè sensuum Emmeles in vobis exaudiat: adeo vitam, & mores, vestrorum nemo.

----- ficto componere tentat

Memborum Genio.

Cum itaque sitis non re ipsa minus, quam appellatione, ut hoc verbum dicar, INSENSATI, maxima certelans, ac potius gloria est, eiusmodi nomine vobiscum nominari. Quamobrem gratias & ago, & habeo immortales, quod me vestra Academia donatum ab illecebris sensus, deliciisque, isto nomine reuocetis: qui quidem, vere dicam, dum INSENSATIVS vocor, impositam mihi video necessitatem, ut prorsus effugiens corporis sensus, animi tantum, & ingenij sensa, Menti, ac Musis operando, & sequar, & amplectar. Valete Apollinis Corculi. Ticino Regio.

HIERONYMVS BOSSIVS

## HIERONYMO XAVIERO.

Sanctæ Romanæ Ecclesiæ CARDINALI,

S. P. D.

Epist. 4. Madritum.

**I**psius Seruatoris nostri Palmalibus, Cardinalis Amplissime, litteras tuas accepimus. Quæ quidem, si vera dicenda sunt, non mihi magis



# SELECTARVM EPIST. CENTVRIA 5

magis honorifica ab ista purpura, quam ab tua ipsius humanitate iucunda acciderunt. Etenim non prater solum expectationem, sed contra potius omnem opinionem fuit, ut protantula totant gratias ageres, haberesque: ac verius etiam referres, proluxa adeo pollicitatione clientele tue ad mea omnia paratissima. Atqui maximas ego tibi potius debeo gratias, quod nec Vir Amplissimus humilitatem nostram fueris aspernatus, & mea tamen, quae paucula, & parua dedi, exceperis libentissime. Quo facto, vix, certe credas quanti studij quantus cumulus accesserit voluntati, & obseruantiae erga te mea. Interim Deus te seruet Hispanae genti, ac eundem in primis orbi conseruet Christiano.

HIERONYMVS BOSSIUS

IVLIO ARESIO

Senatus. PRÆSIDI, & Regio à Secretis CONSILIARIO.

S. P. D. Epist. 5. Mediolanum.

V Erè possum de te, sapientissime Praeses, IVLI ARESI, cum Lyrico poeta dicere.

micat inter omnes

IVLIVM sydus, velut inter ignes

Luna minores.

Non tantum enim, quod vulgus hominum solet, pulchrum esse existimas ceteros aut dignitatibus, aut diuitijs superare, quantum singularibus, ac ingenuis animi dotibus esse, quod de Atride inquit Homerus.

Valde præstantem inter multos, & eximium heroas.

Ego quidem, ut prudens sciens reliquas mittam virtutes tuas, admirabilem quamdam in te vno suspicio erga omnes humanitatem, & erga bonarum artium studiosos liberalitatem: duo scilicet animi ornamenta, quae te faciunt. Ea re nec facile tibi dicere, neque mecum vllò statuere modo possum, virum gratius mihi acciderit aureumne numisma, quod ad me dono misisti, an epistola, quam illi adiunxisti, amantissime, & honorificentissime scriptam. Altera

A 3 ad



ad eximiam spem erigis cogitationes meas: altero vero tantum me or-  
nas, ut nisi in eodem tuam potius humanitatem, & prolixam natu-  
ram, quam meritum ullum erga te meum agnoscerem, homo essem  
aut omnino expers iudicii, aut omnium superbissimus. Quo vitio si  
laborarem, ne me ipse, qui modestie amantiſſimus es, ex tuorum albo  
eximeres, in quibus cum me numerari & antea multis, ac magnis be-  
neficijs significaveris, & nunc maxime istoc munere declaraveris, non  
possum, præter quidem ingenium, ac genium meum, qui homo sum  
Aphilodoxos, non incumbere ad ambitionem. Namque ab ijs omnibus,  
qui in tuam me fidem receptum esse non ignorant, aliquis habeor tua  
causa, qui nullus pene mea haberet humilitate. Et quidem.

Totum muneris hoc tui est,

Quod monstror digito prætereuntium.

Quare tibi gratias ago maximas, & habeo immortales, de aureo isto  
numismate, quod medius fidius longè mihi fuit gratius, quam Her-  
mathena Atici M. Tullio. Ut autem ista etiam in re imiter homi-  
nem, quem pro Virili authorem sequor, Solis donum hoc tuum di-  
cam, cum in ipso numismate imago sit expressa magni Marchionis,  
**IOANNIS MENDOTIÆ**. Quippe non minus Republicam  
bonus Gubernator suo exhilarat, ornat, & constituit ad spectu, atque  
exemplo, quam Sol mundum radijs illustrat suis. Quod aut nun-  
quam verè de quopiam fuit prolatum, aut verissime nunc possumus,  
& debemus affirmare de Principe isto prudentissimo, optimo, fortissi-  
mo. Quem virum Bellica Aneam facit sæculi nostri, & ciuica  
Augustum, ac Musagetam. Belle adeo, quod tu omnium ma-  
ximè nosti,

vacuum duellis

Ianum Quirini clausit, & ordinem

Rectum, & vaganti frenâ licentis

Iniecit, amouitque culpas,

Et veteres reuocauit artes.

Quem cum mihi non liceat, ut ardentissime cupio, cominus venerari ef-  
fectum isto in numismate perpetuo contemplanor. Atque omnem do-  
luptatum



cupratem, quam in eo contemplando percipiam, cum tui ipsius coniungam recordatione. Tu interim, Amplissime ARESI, fac valeas, & me sic ames amore illo tuo singulari, ut omnia tibi fausta, felicia Fratri, ac Filij tuis fortunata, precor. Ticino Regio.

HIERONIMUS BOSSIVS

PAVLO SFONDRATO

Sanctæ Romanæ Ecclesiæ CARDINALI,

S. P. D.

Epist. 6. Fulginium.

**N**unc primum, Cardinalis Amplissime, ego tibi de facie homo ignotus omnino, ac de nomine etiam vix notus, litteris te meis appello. Sed neque tamen opus esse arbitror longo tecum apparatu verborum in ipso scribendi principio uti, quo tua mihi benevolentia concilietur. Illa profecto singulari benignitate, qua tu quidam mihi videris esse Humanitatis Genius, sine emulo, sine exemplo effecisti, ut prius tibi Gratias Merito Magnas deberem, quam ut me, ac Fratrem, in tuam ipsius gratiam, & clientelam, receptum esse intelligerem. Preoccupasti inquam, ac potius præuertisti, beneficus tuis officium meum. Porro nobilissimus, & præstantissimus Vir, IO. BAPTISTA SOLARIVS, Agens POLONIÆ REGIS in Insabria, ab hinc mensem significavit, quanto opere Fratri tua autoritate in eo commodare volueris, ad quod unum discupit votis omnibus peruenire. Atque adeo cum epistolam, ad hominem nunc temporis per publicum tabellariū à te missam, oculis arbitrarer, in certam spem veni futurum, ut ductu, & auspicio tuo, ad Cancellarij munus, in Ticinensis Episcopi foro, inuitaretur is potius, quam administeretur. Hancque meam perbellè opinionem litteræ confirmarunt, quas sapientissimus, idemque optimus nostræ Urbis Episcopus, ad te Roma dedit, ac mox in Fulginio Mediolanum, ut à nobis legerentur, ad SOLARIVM perferendas tradidisti. Ex ijs certe patet, quantum nos illi non suspensa manu commendaueris: in quo tuam amo singulariter humanitatem, & quantum apud eundem.

Fratri



8 HIERONYMI BOSSII TICINENSIS

Fratri ipsi ornamento simul, atque adiumento fueris: in quo ampli-  
tudinem agnosco, & veneror istius dignitatis iue. Vt enim Cardi-  
nalis Felicitatis est, in orbe Christiano, quantum velis posse,  
sic magnitudinis, velle quantum possis. Tua igitur fretus clien-  
tela hoc iam non amplius spero, sed mihi certo polliceor de Episcopo no-  
stro, ut statim, atque fuerit ex Aeterna Urbe Roma, ad nos profectus,  
hanc homini scriptoriam provinciam decernat: modòne tamen

..... eius oculi sententiam mutent, ubi istum viderint.

Causas quidem de hac re dubitandi nec pauciores, & fortasse maiores  
habeo, quam de suo amatore Plautina Acroteleutium. Sed illa me cau-  
se magis, ac magis commouent, quæ in non-nullorum perfidia maleuo-  
lorum posita sunt. Atqui Nostræ Urbis Pontifici ad inuidiam hoc in-  
susurrabunt, quod Musis nunc tantum operetur Mansuetioribus, quasi  
nihil Astree cum Phæbo commune sit: & illud alterum, scientes ne-  
scientes, silentio præteribunt, quod ab ineunte adolescentia in pulvere  
isto forensi fuerit per septem ipsos annos versatus. Nec dubium est, quin  
suum sermonem fingant ad Antiphonis illius Terentiani imitationem, qui  
..... quod boni est excerpit: dicit quod mali est.

Sed neque propterea animis cadam, fore sperans, ut omnia facile vin-  
cantur, ac superentur autoritate patrocini tui. De quo se eas tibi age-  
re gratias velim, quas semper, dum viuam, sum maximas habitu-  
rus, plus omnino, quam ferre possit, ingenio imperarem meo. Mul-  
tò autem minus cogitabo de referenda gratia, cum æqua ratio mihi nunc  
tecum sit, atque olim Ausonio poeta fuit cum optimo Romanorum  
Cæsarum, Traiano. Quippe nec tua fortuna desiderat remu-  
nerandi vicem: nec nostra suggerit restituendi facultatem. Ita-  
que ne omnibus partibus videar ingratus, me totum, ac Fratrem in ære  
tuo esse non profiteor solum, sed gaudemus etiam quàm maxime. In  
quo fortasse tuis istis erga nos meritis, satis pro Virium nostrarum tenui-  
tate, respondisse existimabimur. Reddit enim, ut ait Seneca, beneficiū  
qui libenter debet. Cæterum ego iugiter à Deo precibus contendam, ut  
det tibi, SFONDRATE Amplissime, ætatem, quam mereris,  
seruetque animum, quem dedit, ad omnium scilicet commoda promp-  
tissimum, paratissimum. Ticino Regio, Prid. Nonas Septembre is



HIERONYMVS BOSSIVS

## FLAMINIO PLATO.

Sanctæ Romanæ Ecclesiæ CARDINALI,

S. P. D.

Epist. 7. Ferrariam.

**N**on vulgare illud profecto est, quod CÆSAR frater patruelis meus in causa Laumelensis Sacerdotij à Summo Pontifice obtinuit deprecatione tua. Ut igitur intelligas, Cardinalis Amplissime, FLAMINI PLATE, quod eiusmodi facto non hominem solum tibi obligaueris, sed gentem BOSSIAM vniversam deuinxeris, me tibi etiam istius beneficij debitorem constituo, profiteorque. Cum præsertim illud mihi CÆSAR narrauerit, quod ipsi auctoritate, ac gratia tua in eius petitione, mea præcipue causa, fueris adiumento. Sed eo tamen nexu tantum abest, ut velim dissolui, ut contra nimium quantum gaudeam, quod apud te in expensi tabulis meum nomen descriptum iaceat. Qui enim in tuis vllò merito meo haberi, aut esse, non possum; saltem haberi debitione cupio. Interim autem Ferrariensis Cœli Genius in isto tibi secessu sit adeo salutaris, ut, qui es B. R. P. N. Christiane,

Serus in cælum redeas: diuque

Lætus intersis populo Quirini.

Ticino Regio propriis Kalendas Quintileis.

HIERONYMVS BOSSIVS

## IO. BAPTISTÆ BILIO.

Ticinensium EPISCOPO,

S. P. D.

Epist. 8.

Romam.

**A**ccepimus hebdomada superiore nuntium, ut diu expectatum, ita expectatione ipsa incundiorem, feliciorem. Diem autem, quo iste ad nos perlatus est, debita omnino religione celebrauimus. Atque publicè nuncupatis votis, & indicta supplicatione pro tua ipsius Salute, in qua nostræ præcipue Urbis tranquillitatem, felicitatemq;

B

temq;



temq; non immerito positam existimamus, sumus authorem illum, ac  
 datorem Salutis, Deum Optimum Maximum obnixè Venera-  
 ri Intelleximus enim eum esse te, præstantissime BILLI, in quo  
 partes omnes, infulato siue Principe, siue Præsule dignæ, pereximie  
 & vigeant, & ad aliorum floreat exemplum. Sed hæc tantum au-  
 diuimus: præsentia Videre, habereq; desideramus. Itaq; ut tuum  
 matures aduentum, quo nihil magis est apud nos in expectatione, te ni-  
 mium quantum rogamus: te precamur. Quod si tu vicissim ad nos,  
 si Ticinum cogitas, iam libo, & pomo tua causa, ex prisco ritu,  
 Vibilia facio. Vale. Ticino Regio.

HIERONYMUS BOSSIVS  
 PIO MVTIO ABBATI.

& ad Galliarum Regem NVNTIO,

S.T.D.

Epist. 9.

Paranium.

Vitulam, PIE optime Herculi paro, qui te in itinere comi-  
 tetur: Suadæ autem bibentem Vouco, ut tibi adsit in le-  
 gatione. Audiui enim te unum fuisse à Generali Cassinensis fami-  
 lia Præsule oratorem designatum, qui ad Regem in Galliam eas.  
 Maxima quidem lætitiæ mihi fuit hic nuntius: illud præsertim con-  
 sideranti, quod ea & eloquentia, & prudentia floreas, qua facile posses  
 legationem cum Perfica renuntiare. Quamobrem in munere isto,  
 quod alioqui eximium est, non tibi positum honorem puto: sed gradum  
 potius ad honores, & dignitates. Quas quidem iam auguror ab am-  
 plissimo isto Præsule parari, ac decerni, ut cum redieris, Respub. Cas-  
 sinensis exornatum te illo maxime delit in præmium, & præmium siue  
 opera, siue virtutis tuæ. Eia igitur

I tua te virtus quò nunc vocat, i pede fausto.

Vade inquam orator, & exorator redi, ac Vale. Ticino Regio.

HIE.



SELECTARVM EPIST. CENTVRIA. II  
HIERONYMVS BOSSIVS  
PHILIPPO MASSINIO.

I. C. Equiti, Poetæ, & Primario ANTECESSORI,

S. P. D.

Epist. 10. Pisas.

**A**manter facis, quod elegantissima epistola tua me ad officium scribendi reuocas: iucundè, quod de ijs rebus omnibus, quas ad te **HYPPOLITVS MONTIVS**, vir certè

Antiqua probitate, moribusq;

Dignis Pythagora,

de me antea perscripsit, à me ipso vis iterum certior fieri. Quasi verò in eius tui litteris, quas fide optima & exarauit, & dedit, acquiescere non potueris. In quo te, **MASSINI**, V. C. libenter excuso, quod amoris hoc proprium esse non ignorem, ut amicorum voluptates, licet sint iucundissimæ, si quid de ijs ab alijs intelligamus, multo tamen videantur esse iucundiores, si ab ipsis admoneamur. Nunc igitur tibi, quando ita rogas, ac potius iubes, ea narrare haud verebor, quæ antea dix potuissim significare, quin grauius illam modestiam offendiissem, quam ipse, tua utar formula, in me dicis peculatum facere: omnia inquam, ut ut acta sunt, recensebo, fore sperans, ut imperium tuum me ab omni superbiæ liberet suspicione. Quamquam, ut Princeps ait Academicorum, Nihil quod modestè, & legitime fit, vituperare decet. Hortantibus amicis aliquot, ac in primis **PAULO BELLONIO**, I. C. eloquentissimo, **IACOBO RESTA**, **HYPPOLITO CERBONIO**, & **AVRELIO VALERIO**, doctissimis viris, collegi, non enim dicam selegi, nonnullas epistolas meas, partim in ipsa adolescentia, partim conscriptas hac mea ineunte iuuentute. Illas autem, quæ (ut latius hoc verbum, quam Tulliani volunt, cum Lipsio transferam) ultra centuriam excurrebant, in V. Libros dissipari, atque in vnum volumen congeffi. Octobris itaque Florentialibus vnâ cum **PLACIDO CARMINATO BRAMBILLA** profectus sum Mediolanum, ut illud ipse mea manu darem, cui dicatum erat, **PRÆSIDI** Amplissimo,

B 2 ac



ac sapientissimo PHILIPPI REGIS CONSILIARIO, IV-  
LIO ARESIO; viro scilicet ea virtute, ac prudentia exornato,  
ut verissime de Agellij sententia possemus cum poetis Iouis filium ap-  
pellare. Sed vide quàm omnia cecidere mihi feliciter, & fortunatè. Vix  
eò perueni, cum Generalis IESUATORVM Præfectus IO. AN-  
DREAS QUAGLIINIUS à DRV BACCHIO monitus de ad-  
uentu meo in Diui Hieronymi cænobium ad se vocari me iussit. Neq;  
ad amicos, quos illic habeo non paucos, quamdiu Mediolani fui, fui au-  
tem ipsum iriduū, me vnquam diuertere passus est. Tantaq; mecum  
usus est humanitate, ut præ illo Megarenses, Corinthios, & Lucanos,  
qui aduersus inhospitales actionē dabāt Caco xeniaz, ius omne hospi-  
tij existimē contēpisse. Ipsius verò Præfecti humanitatē mirificè subse-  
cuta sunt eorum adolescentiū officia, qui ad B. IOANNIS COLUM-  
BINI præscriptum illic summa viuunt cum religione, ac pietate. Alij  
me abeuntem prosequēbantur: alij domū redeuntē excipiebant: alij in  
cænaculo, ut suauius pranderē, mecum colloquebantur: nonnulli in hortis  
disputabant, ut amēniūs deambulare. Itaq; mihi ipse videbar esse  
modò in conuiuiō cū Platone, modò ad Platonis statuam cum Bruto  
in hortis M. Tullij mei: Tantum illi,

Pierijs pollent studijs, multoq; redundant  
Eloquio.

Sed quoniam, ut Petronianus dicit Ascylios, tardum est differre,  
quod placet, non te diutius suspensum tenebo, quin fideliter nar-  
rem, quame PRÆSES ARESIUS, complexus sit & beni-  
gnitate, & liberalitate. Cum is igitur ex Vernula quodam suo in-  
tellexisset, quòd ego pro ædium foribus adessē, in aulam, vbi  
cum BARTHOLOMÆO fratre, prudentissimo, humanissi-  
moque viro, atque cū BARTHOLOMÆO, & CARO-  
LO, filiolijs, & animulis suis, tunc temporis prandeat, rectā  
me duci voluit: introductum ea fronte, eoque vultu excepit, ut il-  
lum agere potius cum homine Urbis primario, quàm cum Bosso, tu-  
mi PHILIPPE, dixisses. Rogauit etiam, nec quidem, ut fieri  
solet temporibus nostris, vix exeuntibus verbis, rogauit inquam per  
sum.



SELECTARVM EPIST. CENTVRIA. 13

summam contentionem, ut apud se diuerem illud triduum, sed hac illi in re morem gerere, quod iam Generali IESVATORVM Pæfecto condixerem, non potui. De volumine autem mearum epistolarum, quod libens meritò illi ego dicaui, tantas gratias egit, quantas sine rubore nec tunc audire, nec nunc tibi (quamquam litteræ non erubescant) perscribere possum. Nec solum verbosa illius fuit humanitas, tanta me muneris affecit largitate, ut non minus verè, quàm de Therone Pindarus, ego de ARESIO meo Proferam iureiurando firmatum verbum veraci mente, peperisse nullam intra centum annos Ciuitatem beneuolo virum magis beneficū petitore largioremq; manu. Atque ut aliquid singulare audias de illius erga me liberalitate, non reticebo, quod ab eo donatus fuerim aureo numismate, siue, ut me dicere fortasse malles, toreumate, in quo arte nescio cuius Alcimedonis efficta probè fuit effigies Magni Marchionis, Magnique Principis, IOANNIS MENDOZAE, Mediolani Gubernatoris. In cuius orbe numismatis idem PRAESES ARESIVS, vir, ut optimè nosti, ingenio, & iudicio præstantissimus, ad veram tanti PRINCIPIS commendationem hoc imprimi dictum curauit quadratis litteris: VIRTVS BELLICA, ET CIVICA. Nulla enim est aut in pace optimi Gubernatoris laus, aut fortissimi Ducis in bello gloria, quæ Magno MENDOZÆ non debeatur. Nam is viroque Reipublicæ tempore, quasi Asteropæus aliter Homericus, Peridexios semper fuit; siue contra hostes Bellona; siue cum ciuibus Palladis hastam tractauerit. Enituit aliquis in bello, (cum Plinio dicam,) sed obsoleuit in pace: alium toga, sed non & arma honestarunt: reuerentiam ille terrore, alius amorem humanitate captauit. Ille quæsitam domi gloriam in publico; hic in publico partam domi perdidit. AT PRINCIPi NOSTRO quanta concordia, quantumque concentus omnium laudum, omnisque gloriæ contigit, ut nihil seueritatis eius hilaritate, nihil grauitati simplicitate, nihil maiestati humanitate detrahitur. Itaque, & olim, ut illud Claudiani vsurpem.

Diucr-



... diuersus erat fauor: æquior ille  
 Partibus inuisus plebi; popularibus illi  
 Munto studijs languebat gratia patrum.  
 Omnis in HOC VNO varijs discordia cessit  
 Ordinibus: lætatur æques, plauditq; Senator,  
 Votàque patritio certant plebea fauori.

*Et quidem, ut ad rem redeam, istud numisma mihi, qui auri splendore non capior, præterquam quod aureum sit, tribus nominibus gratissimum esse debet: quod signum sit PRINCIPIS: quod ab ALESSIO datum: quod denique (absit verbo inuidia) argumentum afferat non improbatopusculi mei. Cuius causa cum Mediolanum, ut suprà dixi, profectus essem, & omnia prout narraui, feliciter succederent, tum cælum mihi visus sum attingere, cum BENEDICTVS SOSSAGVS, Poeta ingeniosissimus, & cum antiquis facile comparandus, aditum mihi aperuit ad Illustrissimum, Amplissimumq; Cardinalem, magnum Heroem: FEDERICVM BORROMÆVM. Non facile dixerim, mi PHILIPPE, maiorem in primo illo congressu mihi fuerit voluptati eius comitas, & benignitas, an admirationi eiusdem eruditio, ac Principe digna sapientia. Quæ potissimum in causa fuit, verè dicam, ut tunc mirari desierim, quod scriptorum in omni genere, ac lingua selectorum libris, tanquam arcem Minervæ, atque, ut Boetius diceret, certissimam Philosophiæ sedem, BIBLIOTHECAM constituerit: quodque literatos homines tantum honoribus, ac pecunia ornauerit, ut non magis definitè, distinctèq; designet, qui CARDINALEM BORROMÆVM, quàm qui MVSARVM PATREM appellat. Quippè bonarum artium studia, quæ antea, sublato virtutis præmio, peribant veriùs, quàm languebant, spiritum, ac sanguinem, quod olim sub Traiano, nunc sub illo recipiunt. Cuius indicium rei, ac testimonium nunc faciunt, in diesque magis facient, volumina plane aurea, ac cedro dignissima, quorum non pauca, nec parua à RIPAMONTIO, SOSSAGO, SALMATIA, FERRARIO, GIGLIO, & ab alijs ex illius Ambrosiano Collegio felici ingenij*



genij hominibus, in publicum emissa fuerunt, & ad paucos annos emittentur. Sed ut alia persequar, quæ à me petis (petis enim totam rationem perfectionis meæ) ab Archiepiscopo ad ipsam me contuli BIBLIOTHECAM, in cuius limine inscriptionem, cum AMBROSIANAM potius, quam BORROMÆANAM vocaverit, legere non potui, quin etiam atque etiam suspicerem tanti Herois animi magnitudinem, qui nihil ad ostentationem, omnia ad conscientiam refert: rectèque facti non ex populi sermone mercedem, sed ex facto petit. Mox verò Bibliotheca Praefectus, vir humanitate præditus incredibili, ANTONIVS OLGLIATVS, singula me voluit propius intueri: forulos egregie doctos perspicere: Clarorum Virorum imagines contemplari: libros cum in charta, tum in arborum folijs manuscriptos euoluere: ac denique volumina ab omnium gentium typographis excusa peruolutare. Per horæ spatium integrè illo spectaculo delectatus in impluvium, ac potius peristylum exi, quod in aulam ducit, tantis certè refertam pictorum tabulis, ut locus mihi visus sit omnino dignus, in quo Bonarotus aliquis, aut Raphael Vrbinas, de arte sua Academicam instituat. Ascendi etiam per scalas marmoreas in quasdam cellas, quæ sedibus, mensis, & Sanctorum imaginibus ornatae, ijs parere solent, qui studiorum causa cum libris ex Bibliotheca petitis illuc secedunt, ut ab arbitris concedant, & ne ab aliquo interpellentur. Sunt & alia, mi PHILIPPE, quæ si oculis tuis scribendo subijcerem, non minùs tibi fortasse gratum esset perlegere, quàm mihi perlustrare iucundum fuit. Verùm quia epistolam, non Topographiam, scribere propositum mihi est, cæteris in aliud tempus reiectis, illud tantùm dicam, quod IO. BAPTISTA SACCVS, Vir certè doctissimus, eruditissimus, & si quis alius, in litterarum Republica Clarissimus, cuius amicitiam, ac benevolentiam non te fugit quàm ardentè desiderauerim; nunc ita me cum paucis amat, fouetq; nihil ut amplius desiderare possim. Etenim, ut ne tibi concedere videretur in me diligendo, paucis abhinc diebus conditionem, optimam sanè, atque ab ea, in quam annum iam ipsum



Ut vocarer operam omnem tuam, ac diligentiam intendebas, non valde dissimilem, ipse mihi detulit, & per litteras, ut acciperem, adhortatus est. Quam tamen non accepi, eadem pænè causa commotus, qua olim, mi MASSINI suauissime, recusavi tuam. Sed hac hætenus. Quod rogas, ut aliquid nouæ descriptionis ad te mittā, cum de meo in presentia, qui per dies aliquot otiosus fui, obsequi non possim, de alieno satis facere non verebor. Quod, more quidem meo, apertè, ac liberè profiteor, ne Plautinam Phronesium imitari videar, quæ alienam prolem, alienosq; sibi dolores supponebat. Ecce tibi huic epistolæ adiungo lepidissimam, elegantissimam, & ut verbo dicā, à SACCO factam, sclopuli rotati descriptionem. In qua, licet sit admodum brevis, scio tamen te longè maiorem voluptatem percepturum, quàm si mearum Iliadum, ac nugarum potius myriadas lectitares. Vale. AQUILINVS COPPINIVS meus, cruditissimus vir, & IO. BAPTISTA RESTA, adolescens moribus, ac ingenio præstantissimus te saluere iubent quamplurimum. Ticino. Pridie Nonas Iunij.

HIERONYMVS BOSSIVS

IO. BAPTISTÆ SACCO.

C. V. Mediolani SENATVI A SECRETIS,

S P. D.

Epist. 11. Mediolanum.

**I**psæ iam annus abiit, & quidem Arcadicus, non Solaris, ex quo nihil datum est aut à me tibi, aut à te mihi litterarum. Atque ita gratiam mihi tuam conferues CL. SACCE, ut nostrum uterque Trium mensium silentio numerum Gratiarum impleuimus. Quod ne Sympotica lege ad Musarum cenneada excurrat, prior ego ad offitium redeo scribendi, & salutandi tui. Sed neq; tamen ullam meam occupationem causor, ut tu prorsus fileas omnes excusationes. Non enim me fugit, quæ tibi Curia adferat quotidie curas: quam, quæ innumeros tibi ubique gentium cum Philanthropia, tum Philologia, amicos paraueris, ad quos, litteris provocatus, litteris quoque debes



debes respondere. Id quod sanè facis tuo quodam Epistolico genio nō eleganter minus, quā promptè: atque ita, ut id, quod ingenij impetus est, industria cultura esse videatur. Anemine itaque certior rem mihi, quā à te vno scriptoris vicissitudinem polliceor, à quo quidem certissimam habeo benevolentia. Nec verò ad hasce meas rescribes, ut de tuo statu, de salute, de Musis tuis nuncies, quin idem apertè declares, amorem erga me tuum non potuisse

per longa silentia solui.

Qui ut in nostra omni vita sit æternus non magis libet exoptare ad meum ornamentum, quā licet ab humanitate tua certissimè expectare. Interim vale Rosci litteratorum. Ticino Regio.

HIERONYMVS BOSSIVS

PAVLO BELLONIO.

A. C. Primario Antecessori, nunc Reg. Mediol. SENATORI,  
S. P. D. Epist. 12. ad Arcem.

**C**Aue putes, me ante coronam capere voluisse ut cœnaturus discumbere, quā operis tui caput LXVIII. semel iterum, ac tertio percurrerim. Haud enim ignoro scriptiones tuas esse eiusmodi, ut sobrijs tantum liceat cum fructu illas perlegere, quæ non madi- da memoria sunt ad verbum perpetuò cum retinenda, tum repetenda. Porro autem pro Quinctio locus, quem præcipuè hoc præcipuo capite illustrandum suscepisti, germano à te suo sensu explicatur: in quo exponendo non valde miror, quòd Syluius interpres pro luce tenebras dare, ac nus merum loqui tibi videatur, cum Syluius ille sit, tu verò Paulus, hoc est Iurisconsultorum eloquentissimus. Itaque libens adeò tuam ego sententiam amplector, ut si quisquam obsignare, vellet Aram tenens iuratem, non aliter omnino Ciceronem scripsisse, atque tu rescribendū arbitraris: videtur interuenire appellatio tribunorum, nō MORÆ, sed auxilij causa. Nec me quidem ab hac opinione Adrianus Turnebus umquam reuocabit, qui Aduers. lib. XLIX. cap. XXII. non MORE, sed auxilij causa legit. Quod ego tamen

C

non



non improbo, sed maxime potius laudo acumen hominis, qui pri-  
mus hunc locum animadvertit mendosum esse, cum vulgo ita olim con-  
ciperetur, ut nullam omnino haberet negationem. Sed haec haecenus.  
Tu folium hoc interim accipe, quod legi, & alterum fac mihi quam-  
primum cures. In quo cum argumentum huic non dissimile tractes,  
facile futurum credo, ut non minus in eo, quam in isto, tu mihi ora-  
tor aequè, ac Iureconsultus esse videaris, qui tam bellè, & erudite  
Ciceronem ipsum ex oratore iureconsultum facis. Vale haec rapitum  
scripsi ante lucem in Aresiano meo.

HIERONIMVS BOSSIVS  
FRANCISCO CAGNOLIO.

I. C. & in S. Ambrosij CANONICO,

S. P. D. Epist. 13. Mediolanum.

**T**V, puto, Furniusque tuus, in eorum me adscribitis centuriam, apud  
quos, ut ait Plinius, ita natura comparatum est, ut anti-  
quiora beneficia subvertas, nisi illa posterioribus cumules.  
Etenim liberalitas erga me vestra ad instar est Virgiliana Quercus,  
in qua ramus,

Primo auulso, non deficit alter,

Aureus, & simili frondescit virga metallo.

Tantis me certe ornatis, ac oneratis potius quotidie muneribus, vix  
ut ea sufferam, cum pro eisdem vel agendis, vel referendis gratijs  
nullo modo sufficiam. Quamquam CAGNOLI optime, suavis-  
sime, in meum, te locum sufficio, ut facundia illa tua Manutiana  
homini persuadeas efficaciter me perpetuas, & maximas habiturum  
gratias de hisce humanitatis, & liberalitatis fructibus, quibus me  
prolixè adeò muneratus est. Ad haec tu illi significabis Gasparem fi-  
lium ad paucos dies unum contra Auditores omnes pro suggesto esse  
de polioribus litteris in Academia disputaturum. Qui propterea,  
cum nunc, quam qui maxime sit occupatus, nihil ad ALOYSIVM  
PIRCIVM rescribit. Quare non eum solùm excusabis apud istum  
adole-



adolefcentem, sed à me etiam litteras expectabis nuntiantes, quod fuerit tamquam Periodo Victor contra omnes coronatus. Vale. Hec exaravi in Museo ad pulcherrimam PRÆSIDIS ARESII effigiem, quam longè pluris facio, quàm sexcenta Megarica signa, & totidem siue Tullij Hermathenas, siue Antici Hermeraclos. Ticino.

HIERONYMVS BOSSIVS

## HERCVLI TASSO

Poetæ, ac PHILOLOGO,

S. P. D. Epist. 14. Bergomum.

**F**acilitatem, ac felicitatem potiùs in scribendo tuam elegantissime TASSE de sum inter legendū admiratus, ita respondendo laudarem, se argumentum de quo scripsisti, scripsisti enim de me, non fidem abrogaret laudationi tue. Et quidem in tuis litteris ea mihi tribuis quæ cum singularia sint, & maxima, solum affirmanda sunt de tui similibus; Viris scilicet ingenio, & doctrina præstantissimis. Verum quia in illa non à me possunt reflecti, quin pro tua quadam potiùs officij compensatione, quàm pro veritate prolata videantur; nihil de te in præsentia dicam, quem tamen ijs laudibus, quibus me onerasti, & ijs longè maioribus, ornandum esse iudico. Itaque ad id veniā, quod me in ore, in oculis, in animo tibi esse scribendo narras: ardentè quidem ab amore, eleganter ab ingenio. Quorum in altero cum tibi respondere possim, in altero non possim, hoc scias volo, nunquam me passurum, ut plus diligar, quàm diligam. Namque vinci in amore turpissimum est, Quod si tibi ut debes persuaseris, nihil omnino erit, in quo meam operam, ac industriam, si usus aliquando ferat, atque vtiā sepius ferat, paratissimam fore non pollicearis. Vale.



HIERONYMVS BOSSIVS  
IVLIO TVRRIANO.

Scalensis Templi PRÆPOSITO,

S. P. D. Epist. 15. Mediolanum.

**E** Pistolas omnes, quas ad CL. SACCVMI per intervalla dedi  
argumentis diuersis, in vnum libellum coegi. In quo multi qui-  
dem honoris causa nominantur: amoris quam plurimi: tu cum paucis  
vtriusque, & amoris, & honoris. Itaque eius exemplum ab optimo,  
& elegantissimo CAGNOLLO, isto inquā in amicitia altero me, tibi  
dendum putavi. Nec verò, ut libens excipias librum, te rogo, cum  
non ignorem quanta cum humanitate me, ac mea omnia solitus sis tua  
sponte complecti. Vale, & faxit Deus, ut quod inquit Ausonius, sit  
Talis vita tibi, qualia vota mihi.

Rapism. Ticino Regio 12. Kal. Nouembreis.

HIERONIMVS BOSSIVS  
IO. BAPTISTÆ SOLARIO.

Poloniæ Regis, ut dicitur, AGENTI,

S. P. D. Epist. 17. Mediolanum.

**O** Mniò epistole tue, mi SOLARI, ad amplissimos Viros, il-  
los R. mea causa scripte, hanc ipsam anni inferunt atatem  
qua mixta leonis  
Sydera sunt Cancro, rabidos qua Syrius ignes  
Exerit.

Namque ut me Heroibus illis de meliore nota commendares, ita scribis  
cum amoris abundantia, ut ardentius nihil fieri posse videatur. Ad-  
rum ni idem ipsi tuarum absorbeantur litterarum astia, ac toi-  
tissim ad mea commodum sua velint incumbere auctoritate. Rarum  
certe, pen. q. dixerim singulare hoc est, quod tantas adhibeas fides  
vnius amicali causa. His præsertim temporibus, quibus ferè omnes, si  
paucos exceperis tui similes, in eiusmodi officio, sic nugantur, ut lit-  
teris tuis Neronianas thermas refrigerarent. Tantum abest, ut quæ-  
piam



SELECTARVM EPIST. CENTVRIA. 21

piam aut excitent, aut inflamment, ad ferendam illis opem, quos sibi commendandos suscipiunt. Itaque eo tibi maior à me gratia debetur, quò rarius exemplum est hominum amicis suis tanto studio cupientium commodare. Vale RADAELIO, & CAGNOLIO nostris. P. Ticino pridie Eidus Iulias.

HIERONYMVS BOSSIVS  
ACADEMICIS HVMORISTIS.

S. P. D. Epist. 14. Romam

UT alia nulla re agri, qui nimia calorum vi exaruerent, ad suam facilius reuocantur viriditate, quàm si nubila ventis rarefcentia, & Solis superiecta calore.

Mittant HVMOREM PLVIVM;

sic ego diuturna admodum valetudinis, ac rerum gravitate labefactatus, & plane Scelepos, nec suavius exhilarari, nec vehementius excitari potui, quàm nuncio de eo proximè accepto, quòd in Vestra me Academiam, tanquam in Apollinis, & Musarum chorum, humanissime cooptastis. Etenim HVMORIS istius Vestri, qui acerrima Urbis, atque adeo vniuersi Orbis, ingenia quotidie magis, ac magis fecundat; non minus inquam HVMORISTÆ Academici communicatione iam sentio ingenium meum, quòd est per se tardum, & agreste, mirabilem in modum, praefiscini hoc dixero, omnem ferme vernaculam suam deponere tarditatem. Atque vobiscum vinam in isto doctrinarum omnium, & bonarum artium theatro versarer, vobiscum essem aliquando, vobiscum loquerer, vos ego differentes audirem: id profecto longe pluri à me fieret, quàm triumphantem Consulem videre, quàm in Auentino, aut Quirinali colle signa omnia, quibus alioqui tamen maximè delector, ROMANÆ recognoscere Antiquitatis. Sperare vique me euasurum consuetudine, & usu Vestro, si minus citharadum, quòd de Graecis dictum est artificibus, saltem aulædum, hoc est

Man.



*Mansuetiorum Musarum cultorem aliqua ex parte tolerabilem. Tā sedula, & diligens (latine hoc, & fortiter dicam, quia verè) mea esset ratio in ijs observandis, quæ vos Reipublicæ literariæ Consulares Viri diceretis. Verum cum istud, PRINCEPS Illustrissime, nobilissimi AC ADEMICI, quod me facturum, si isthic essem, polliceri possum, exequi rerum mearum conditio non quiescit; eo fructu contentus viam, quem ex HUMORISTÆ à vobis mihi dato nomine iam nunc, quamlibet absens, abundè satis percipio. Itaque ne longum faciam, non minùs commodi, & utilitatis, quòd fama, & exemplo vestro, ad præclara studia inuitabor, & erudiar, quàm laudis, & ornamenti, quòd eorundem doctissimorum virorum cognominis dicar, & habebor; isto in beneficio mihi positum existimo. De quo tantas vobis gratiarum res debeo, quantas, eius magnitudine perterritus, referre me posse despero, ac ne quidem, mea dicendi inopia impeditus, agere possum: habere verò, ut animo sum non ita fortasse angusto, certissime possum. Quamquam in isto genere, ut iam occupata sunt omnia, nihil dici non à me solùm, sed ne à disertissimo quoque, potest, quod non pertritum, non vulgare, nonque sexcenties in gratiarum actionibus repetitum sit. Illud tamen votis omnibus opto, & cupio, ut mihi siue publicè scribenti, siue privatim disputanti, liceat officijs meis istud vobis beneficium vestrum iucundius facere, ne malè posuisse videamini. Interim bene valete, & curate, obsecro vos pro singulari illa, quæ me complecti cœpistis, humanitate, ut sterilem Bossij*

----- ne deserat HUMOR arenam.

Ticino. xjv. Kalendas Augustas.

HIERONYMVS BOSSIVS  
IO. THOMÆ GALLARATO.

Regio Mediolani SENATORI,

S. P. D. Epist. 18. Mediolanum.

[A]mpla quidem Mediolani, sed parum expedita negotia habet  
ASCANIUS meus. Pro quorum procuratione virum  
isthuc



SELECTARVM EPIST. CENTVRIA. 13

isthuc nunc temporis allegat pragmaticum. Huic autem ego oblatum magis, quàm rogatus deprecator litteras ad te dedi commendatitias. At qui res omnes, & causas, ad hominem pertinentes, sic velim tua suscipias auctoritate tuendas, ut ex ipsa rerum difficultate, quæ tua sit erga me voluntas, & in ipso Senatu gratia, facile ASCANIVS perspiciat. Non enim exigua laudi mihi duco futurum, si vulgò sciatur, quòd patronos habeam tui Similes: viros scilicet qui ad mea, & amicorum commoda, sint ad instar Herculis, ut ait Euripides, potius rebus scrijs, quàm leuibus idonei. Tu fac valeas.

HIERONYMVS BOSSIVS

ERYCIO PVTEANO.

AA.PP. Consiliario, & Regio Artis Orat. INTERPRETI,  
S. P. D. Epist. 19. Louanium

AUDIO te in Italiam reuocari, & quidem Bononiam; in ipsam scilicet Academiæ Academiæ. Nobile sanè, ac honorificum postliminium: præcipuè cum illud accedas, quòd magnum adeò stipendium sit tibi dictum, ut par numquam fuerit datum, aut Louanij LIPSI O tuo, aut Bononiæ TITIO meo. Agnosce, præstantissime PVTEANE, agnosce iudicia Itatorum de te Qui enim cuiusquam secundò operam vtuntur, eo ipso, quod vtantur, eiusdem certè studium, officia, ac industriam probant, & sibi olim testantur perplacuisse. Nos quidem eiusmodi vocationem primum tibi gratulamur; mox verò ut eadem benè, ac feliciter eueniat Reip. siue Bononiensi, siue litterariæ, auguramur, vouemus. Sed illud in primis nobis ipsimet plaudimus, quod eò sis profecturus, unde alternis faciliè quatrividuis mutua scriptione poterimus fructum capere suauissimæ colloquutionis tuæ, ac singularis etiam eruditionis. Interim fac valeas. Hæc scripsi in Musæo ad tuam ipsius imaginem sedens, quæ inter CL. SACCI, & DS. BONICARII tabulas perbellè posita est. Ticino Regio.

HIE



HIERONYMVS BOSSIVS

ANTONIO OLGATO.

Ambrosianæ Bibliothecæ PRÆFECTO.

S. P. D. Epist. 20. Mediolanum.

PRimum salutem tibi tuam per eruditissimum Arsagum à te mihi delatam, mi OLGATE, reddo; ac gratias etiam maximas ago de honorifica, quam tu de me apud hominem fecisti, commemoratione. Mox verò per ego te Musas istas Borromæianas rogo, ut unum atque alterum versiculum, qui in Bayphio legitur de Tunica Lati clavi, bona fide in Chirographo descriptum mittas. Cum enim sub prelo sint meæ de Senatorum Latoclaus Nouæ antiquæ observationes, nollem in his temerè Bayphy testimonium laudare, quod in Commentariolo quodam meo M. S. & littera, & littera etiam vacillantes, suspectum mihi reddiderunt. Tu tamen si commodare hac in re amico mihi volueris, curabis, ut eiusmodi Bayphy scheda, cù loci, libri, & capitis adnotatione crastino die, aut summum perendie ad nos veniat. Nos certè vicissim operam dabimus, ut ipse ad te propediem mittantur observationes, in quibus tu quidem singulariter, & cum laudatione nominaris. Vale. SALMATIÆ, FERRARIO, & GIGIO, coreulis istis Aonidum, Apollinisq; S. P. adscribo. Raptim Ticino Regio.

HIERONYMVS BOSSIVS

CLAUDIO ACHILINIO.

I. C. Poetæ, Philosopho, &amp; Primario ANTECESSORI.

S. P. D. Epist. 1. Ferrariam.

ME tibi Valere significo, præstantissime CLAVDI: non tamen omnino rectè, sed quantum finit afflictus animus, ac pœnè fractus à curis. Cuius tu profectò agriiudinem leuabis maxima  
ex



SELECTARVM EPIST. CENTVRIA. 25

ex parte, filia, qualia scilicet speramus, vouemus, auguramur, de te, tuoque statu nuntiaueris. Id quod te amica facturum tua sponte mihi ipse persuaferam in tuo discessu. Scitum enim Symmachi est, ijs, qui peregrè proficiscuntur, priores partes scribendi relinqui. Sed quando nimis longum files, literas ego auspico ad te dare, ut te prouocem: ut eliciam tuas. Vale, Ticino Regio.

HIERONYMVS BOSSIVS

PLACIDO CARMINATO

BRAMBILLÆ, Iesuato, & S. Bartholamæi PRÆSIDI,

S. P. D. Epist. 22. Vercellas.

**O**Mnium sanè maximum amoris argumentū damus, cū eorum, quos viuos dileximus, famā, ac facta Posteritati studemus, & conamur propagare. Quæ enim officia amicis adhuc viucentibus præstamus, negotiationis speciem habere possunt; quæ mortuis, non possunt. Itaque tuum mihi etiā atque etiā probatur consilium de statua PAVLO MORIGIO, qui te vnus adolescentem præclare incensum pietatis studio, ac religionis, in Iesuatorum familiam cooprauit, honorificentissime collocanda: laudādū verò summopere mihi videris, quod eandem elogio exornare velis. Namque scio, quod de Capitone ait Plinius, ipsum plurimis virtutibus abundare, qui alienas sic amat. Illud tamen non mihi probatur, quod tanti viri elogium me iusseris conscribere, qui ab ingenio parum, & ab arte minimū in hoc genere valeo. Quamquam inscriptionem istam, quam, me dictante, Cæsar noster excepit, ad te, mi BRAMBILLA hac conditione mitto, ut si quid delendum, addendum, immutandumue animaduertaris, me libere monas: nec de eo solum, quod ad exprimendos tuos sensus pertinet; sed de hoc etiā, quod spectat ad tuendam contra pseudo-criticos dignitatem meam. Vale. Elegantissimum adolescentem, ANGELUM MARIAM CALVUM, à me saluere vides quamplurimum.

D

HIE.



## ANTONIO FRIDERICIO:

I. C. Theologo, ac PHILOSOPHO,

S. P. D.

Epist. 23.

**N**on ante hunc diem, quod tu foras desiderasses, & ego cer-  
te voluissem, ad eam quaestionem, quam mihi in Viani Biblio-  
theca dissoluendam posuisti, verbum aliquod scripsi per triduum ip-  
sum dolore affectus dentium intollerabili, Et quidem si illud dolor  
natura hominis dimouet à suo statu, hic certe, qui vel de CO-  
NELII CELSI, medicorum Ciceronis sententia, maximis tor-  
mentis annumerari potest, sic dimouet, ut qui eo premitur, se pene  
deportatum existimet in sceleratam illam sedem, quam circum

----- flumina nigra sonant,

Tisiphoneq; impexa feros procrinibus angues.

Sæuit, & huc, illuc impia turba fugit.

Itaque excusationem attuli cunctationis meae longe iustiores, quam  
volui. Nunc vero cum mihi aliquantum bene à dentibus esse incipiat,  
in eo, quod me facturum promisi ingenij potius causa exercendi mei,  
quam alterius cuiquam erudiendi, fidem meam liberabo. Publi-  
ca opera plurima extruxit E quibus vel præcipua forum cum  
æde Martis vltoris, templum Apollinis in palatio, ædem ro-  
nantis Iouis in Capitolio. Fori extruendi causa fuit, homi-  
num, & iudiciorum multitudo, quæ videbatur non sufficien-  
tibus duobus, etiam tertio indigere. Locus est, quod te non præte-  
rit, Suetonij e lib. 11. de vita D. Octau. Caf. Aug. cap. 19. de operibus  
publicis per eum instructis. Quem doctissimus Beroaldus sic explicat:  
tertio indigere) Romæ antiquitus fuerat forum Romanum,  
de quo Martialis

Romanum propius, diuitiusque forum est.

Quod olim totum Caesar dictator intexit velis: quod Cato  
Censorius sternendum muricibus censuerat, ut ita litigantes  
eijcerentur. Hæc autem extrema Beroaldi verba non leuem tibi

reli-



reliquere dubitationem, quidnam illud esse posset, quamobrem strato muricibus foro, id genus hominum inde abigeretur. Quod cum apud Vianum ex me tu quareret, id ego quod in mentem, ac potius in buccam venit, respondi ex tempore; atque id factum arbitrari me dixi, ut reuerentia muricis, hoc est, ut tunc verbum interpretabar, purpura, litigantes non tam ab alijs prohiberentur, quam sua ipsi sponte procul absterent. Sed cum in hac tu mea responsione non valde acquiesceres, rogasti, ac contendisti, ut tua causa Antiquariorum libros peruolutarem, donec aliquid inuenirem, quod apud Romanos id in usu fuisse comprobaret. In quam quidem curam libenter admodum, & maxima incubui cum voluptate. Quamquam nihil omnino apud maiorum, minorumue gentium scriptores legerim, quod opinioni responderet meae. Illud tamen asequutus sum, aut certe me asequutum puto, ut facile hunc nodum, qui mihi, addo etiam tibi homini ingeniosissimo, Gordianus videbatur, explicare possim. Cum igitur Beoraldus Muricibus sternendum forum dixit, non murices posuit pro aliquo opere serico eius coloris, qui ex Muricis marini piscis humore; & de quo Virg. lib. 4. Aeneidos,

----- Tyrioque ardebat muricè lana

Demissa ex humeris;

sed per murices acutos lapides intellexit, de quibus sic idem poetarum princeps lib. 3.

Concussæ cautes, & acuto in murice remi

Obnixi crepuere, illisæque prora pependit.

Quare non possum non laudare Catonis Censorij ingenium, qui eiuscemodi fuerit usus artificio ad arcendos à Romano foro litigatores. Fie enim natura, ut quisque ab eis locis libenter absit, in quibus cum faxis strati sint, ut cum Plinio dicam, muricatis, facile pedes offendat. Responsum habes, mi FRIDERICI, ad ea, quæ petisti, si minus pro expectatione tua, pro mea quidē certe intelligendi, & de his rebus iudicandi facultate. Quam tamen nisi tu homo probaueris in hoc genere præstantissimus, nec ratā esse apud me, nec firmā volo. Interim cura quā potes diligentissimè, ut valeas ANTONIVM BLAGVAZZONVM mihi salutabis quam poteris officiosissimè.

D 2 HIE



HIERONYMVS BOSSIVS  
HIERONYMO CARANDINO,

Poetae, Theologo, & Lateranensi CANONICO,

S. P. D. Epist. 24. Mutinam.

**V**ersus tuos, CARANDINE praestantissime, quos mihi Theodosius dedit, nec semel, nec sine cura perlegi. Digni planè visi sunt & ingenio tuo, quod à me plurimum suauitate sua exosculatur; & argumento, quod totum de viro est laudatione, quantumvis maxima, exornando. Itaque mea haec erit de te, tuisque carminibus censura, ut non ipsum magis qui laudatur. BASILIVM SERENIVM, vocem, quàm te, qui laudas Sirenem dicam. Vale raptem ex Arcifiano meo.

HIERONIMVS BOSSIVS  
BENEDICTO SOCIACO.

Theologo, & POETAE,

S. P. D. Epist. 25. Mediolanum.

**P**roperante ad finem typographo, qui CL. V. BELLONI nostri librū excudit, monere te omnino debeo, ut carmen tuum siue confectum mittas, siue promissum facias. Etenim cum promissorum certa debitor sit, Vereor ne optimus iste Iuris Consultorum, ubi primum venerit dies, qui cepit ab hinc mensem cedere, aut tibi dicam scribat, qui stipulanti spondidisti, aut mihi, qui praes datus sum, iudicium denuntiet. Quippe tanti facit scriptiones tuas, ut librum, aliqui suis ornamentis ornatiissimum, mordicus nolit, praecise neget, in vulgus emitte, nisi si prius tuo adscripto nomine, tuoque adiuncto carmine, quasi censura ad probationis, in ipsolimine, & vestibulo. suum istud volumen commendetur. Porro autem mi SOCIACE elegan-



SELECTARVM EPIST. CENTVRIA. 27

gantisſime id laudi nō minus tibi, quā ipſi **BELLONIO** futurum  
perſuadebis. Cuius rei cauſa, ut verbo viar Plautino, in mundo eſt.  
Namque cum nemo neſciat Anteceſſorem hunc noſtrum æque Philo-  
logia, atque iuris prudentia cum eſſe, ut facile cum **Briffonijs**, **Cui-  
cijs**, **Ræuendis**, **Præcijs**, **Alciatis**, magnis illi nominibus, conferri poſſit;  
multas iam habet multorum, ac illuſtrium quidem, Virorum lauda-  
tiones, quas homini ſua ipſi ſpontē obtulerunt nouo operi præfigendas.  
Sed tuam tamen imprimis Muſam, quæ laudantium Poetarum fa-  
miliam ducat, operiri mihi videtur. Videtur autem? Tanta po-  
tius cupiditate cupis, ut omnino ſeruitate Catonis depoſita ambiret, niſi  
ambitum tolleret promiſſio tua, ac potius noſtra. Cuius nexu ut fidem  
actutum liberes, te iterum moneo: te primum rogo: tantum certe non  
urgeo. Quamquam Auſonianum illud libet tibi occinere:

Si bene quid facias, facias citò, nam citò factum

Gratum erit, ingratum gratia tarda facit.

Cætera tuæ noſti. Præterquam quod ipſa operis inſcriptio, proxima  
& continenti quadam ratione hortatur, ut ne id **Spilius** à te fiat,  
quod celeriter homini præſertim cupido, & amanti, præſtandum eſt.  
Vale. **GASPERI SCIOPIO V.** quidem ingenio, ac iudicio  
ſupra humanum prædito, ſalutem plurimam. *Ticino Regio.*

**HIERONIMVS BOSSIUS**

**ANNIBALI GVASCO**

Oratori, Poetæ, & PHILOSOPHO,

S. P. D. Epist. 26. Alexandriam

**L**ongè ſum occupatior, quā anima **Pithagorica**, quas  
vbi mille rotam voluere per annos,  
Læthæum ad fluvium Deus euocat agmine magno,  
Scilicet immemores ſupera ut conuexa reuiſant  
Rurſus, & incipiant in corpora velle reuerti;

hoc



hoc est nullum de Inquam habeant tempus, aut locum requiescendi. Sed volo tamen mea potius abicere, quam in eo tibi, studio omni, ac diligentia, non satisfacere, in quo quidem, quod mea opera uti volueris, singulare mihi ornamentum positum existimo. Itaque hoc tibi per sanctissima nostrae amicitiae iura, polliceor, quod aeneis characteribus nullum plane verbum, ne dum versiculum, libelli tui patiar ante excudi, quam optime fuerint omnia cum archetypo reuocata. Et si quae in eis errant, aut opera peccauerint suo nitore restituta. Neque vero

Lucina, dolentibus

Iuno dicta puerperis

Terentiana Glycerio magis maiorem dum eniueretur, opem tulit, quam ipse adero praesto typographis opusculum istud quasi ingenij tui factum, edentibus, parturientibus. Quod si in meis descriptionibus recognoscendis, dum proferentur in apertum, errores aliquando me legentem fugerunt; id certe accidit, quia recentiorum scriptarum memoria falsus, ea mihi videbar in charta oculis usurpare, quae erant in animo. In tuis autem euenire nihil tale potest, cum eas, non antea unquam lectas, nunc primum videam. Adde his quod summa erga te mea beneuolentia Argum me faciet ex Talpa: ex coelice oculum. Amor certe, quo te vnicè diligo vnicis ornatum virtutibus, non aliam ob causam caecus poterit appellari, quam quod oculos ab eo accipiam ipse commodatò, ut vniuersa obseruem, & notem acutius: certius corrigam, & emendem. Tu interim vale. Ticino Regio.

HIERONYMVS BOSSIVS

I V L I O A R E S I O

Regio Consiliario, & Senatu Mediolani PRÆSIDI,

S. P. D. Epiſt. 27. Mediolanum.

EX his litteris, quas ad me non ita pridem dedisti, Praeses amplissimi me, nonnullas tibi cum chiroagra, si minus cum podagra, inducias esse cognoui. Tuam enim ipsius manum agnoui in subscriptione. Id quod sane fuit non exigua mihi voluptati. Sed nos tamen cupientes in-

tegro



SELECTARVM EPIST. CENTVRIA. 31

tegro gaudio perfrui de integra valetudine tua certiore nuntium de-  
sideramus. Cum igitur ALOYSIVS CAGNOLIUS meus  
Mediolanum proficiscatur Epistolam homini ad te trado perferendā,  
qua te sic volo salutatū, ut vel ipsa Higeia sanior fias. Spero  
autem de te in CAGNOLII reditu ea intelligere, pro quibus Soteria  
sim ego facile debiturus. Quae quidem iam paro ex Musarum, &  
Themidis penu. Tu interim fac, quod facis, ut me diligas, teque  
amari à me tibi persuadeas vehementissime. Ticino.

HIERONIMVS BOSSIVS

THOMÆ STIGLIANO.

Equiti, & POETÆ,

S. P. D. Epist. 28. Parmiam.

NOŭā tibi de nouo Mundo tui poematis editionē, STIGLIANE  
optime, præstantissime, non possum non etiam atque etiam vehe-  
menter gratulari. Etenim hoc vno præcipue opere non minore ingenio,  
& vena, quàm studio, & arte, à te conscripto, admodum præclare  
& eximie tuum nomen ab omni adseruisti Mortalitate. Porro au-  
tem, si præter scriptoris doctrinam, & eruditionem,

Victurus genium debet habere liber;  
in tuo isto poemate nihil eorum profectò,  
quæ donant sæcula chartis.

omnino desideratur. Itaque tu facile vitabis Libitiam, & legeris  
laudaberisq; donec erunt in terra homines, qui studia colant bonarum  
artium: qui musis operentur. Mihi, quidem, qui, licet plurimum non  
videam in litteris, Plautini tamen ad instar Sceledri

Meos oculos habeo, nec rogo vtendos foris.  
omnia visa sunt prudenter excogitata, ingeniosè disposita, elegan-  
ter expressa, atque inter se, quod primum est in omni scriptionis  
genere, mirabiliter connexa. Quandoquidem nullum centonem ad-  
suisisti præter rem: nihilq; ob eam tantum causam, ut rimas ex-  
pleret, posuisti. Id quod familiare est quibusdam nostri æui carmi-

uum



num factoribus potius, quam poetis: quibusdam inquam Musarum  
Eetromasi. Demum nihil fabula tua ista, nihil episodica habent,  
quo stare non possent pulcherrime. Ego certe de ea re ita censeo, at-  
que ita inter legendum de tuo libro iudicavi. Neque enim, ut ait  
Plinius, soli iudicant, qui malignè legunt. Tu interim vale,  
& vive, ac eam in primis fac mihi benevolentiam conserues, quam  
verbi mihi tuis VALERIANUS CASTILLIONÆVS  
in suo reditu Parmensi denuntiavit. Hæc scripsi, ac verius exa-  
raui, in Museo ad imaginem sedens magni LIPSI. Ticino Re-  
gio ipse Nonis Septembribus.

HIERONYMVS BOSSIVS

PETRO CANTONIO.

Antiquario, Philologo, &amp; IVRECONSULTO.

S. P. D. Epist. 29. Mediolanum.

S Epulchrorum elogia, quæ mihi æneis typis descripta, cum isthic  
esset Mediolani, dedisti, tantum certe habent antiquitatis, siue  
ratio Orthographiæ, siue animi cogitata, siue voces denique ipse auen-  
dantur, ut facile possent quemlibet fallere Antiquarium. Et quidem  
si in eis pro I. ANT. ZERBIO Ti. Sempronius Ti. F. Ti. N. aut pro  
Callent. C. Sulpitius aliquis reponeretur, nemo esset omnium, qui priscis  
illis temporibus facta esse non existimaret. Sed non ego tamen in eis  
perlegendis, quod nonnulli ceca ducti quadam superstitione de epita-  
phijs arbitrabantur, memoriam perdidi: hoc illud est, CANTO-  
NE V. CL. quod me monere alioqui potuisset, elogia esse recentio-  
ra; quamquam temporibus Ciceronianis, & ijs longè antiquioribus,  
litteris consignata viderentur. Tantum abest, ut eorum lectio meam  
mihi memoriam extinxerit, ut magis ac magis renovarit. Quippe  
cum illa repeterem legendo, mihi venit in mentem binas illas inscri-  
ptiones à te petere, de quibus mecum fecisti in Museo tuo comme-  
morationem: alteram festam: funestam alteram. Itaque rogo te,  
id modo



SELECTARVM EPIST. CENTVRIA. 33

id modo tua patitur humanitas, exemplū des mihi inscriptionis, quam  
tu nomine S. P. Q. Mediolanensis ad festa porta exornationem conse-  
cisti, quo tempore sanctorum corpora, ita iubente FEDERICO BOR-  
ROMEO Cardinali amplissimo, per Urbem circumlata fuerunt in  
pompa, & supplicatione. Cui etiam adiungas velim BENEDICTI  
SOCCIACI nostri inscriptionem (cum de poeta loquar verba ut ar-  
poeta) sepulchralem, quam sibi ipse parauit, ut in sepulchro (sed Di-  
meliora ferant) incidatur. Illam enim ut cupiam videre, atque etiam  
cum sanctioribus quibusque scriptis habere in Hermathena mea, si cau-  
sam quaris, facit, præter religionem, ac pietatem, doctrina, & eruditio  
tua: hanc vero desidero, tum quia mea singularis, ac planè fraterna  
in SOCIACVM beneuolentia ita postulat, tum quia hominis lepores  
in ea perlegenda non vulgarem scio mihi allaturas voluptatem: exce-  
pro, quod in ipsa de morte amici agatur, qui ut annos Nestoreos viuat,  
si quis alius, dignissimus est. Interim vale, & IOSEPHVM RIPA-  
MONTIVM Mediolanensem Thucydidem, fac, quaeso te, mihi sa-  
lutes. Ticino

HIERONYMVS BOSSIVS  
IO. BAPTISTÆ SORMANO.  
I. C. & apud Ticinen. Criminum Iudici, ac PROPRÆTORI,  
S. P. D. Epist. 30. Ticinum.

Hæc mea gratiarum actio, quamuis admodum sera, reprehendi  
nullo modo aut potest, aut debet, cum tu beneficiū in me contuleris  
absentem, non petentem, non cogitantem. Hodie primum, SORMA-  
NE præstantissime, ex fratris epistola cognoui, quanta cum humani-  
tate illum semper audieris, quoties pro me in G. B. de spertilionem  
diceret: quantaque cum liberalitate honorariam mercedem, quæ tibi  
pro iudicato, ac iudicati subscriptione, debebatur, mihi fueris elargitus.  
Cum nunc itaque statim, accepto hac de re nuntio, litteras mittam,  
quibus eiusmodi officium persequor, omnis omnino ut arbitror, pe-

E riji



rii culpa tarditatis. Quamquam huic affinis crimini apud te nemo esse potest, qui illud unum spectas, ut beneficium bene ponas, non autem, ut gratia tibi augentur, quod homines vani desiderant: aut referantur, quod avari, et faeneratores volunt: aut habeantur, quod superbi, et alienae tyranni libertatis, exoptant. Ita est neminem iuvas, quamquam iuues quā plurimos, aut quæstus, aut dicis causa. Sed illud tamen admonet me, ut gratias agā tibi singulares, quod cum ex illorum tu numero haud sis, qui sine dædulo beneficium, ut motem suo morbo gerant, proijciunt: mei dignum censueris iudicio tuo, de quo vel absente, ac nesciente quidem, bene merearis. Quod cum raro admodum accidat, id mihi vel in seipso longè grātius fuisse, quā ut verbis declarare possem. Neque tu propterea ignorabis me, qui beneficium dare, quā accipere, malo, nulli mortaliū, quā mihi tibi, libentius debere, qui mihi omnium commodasti libentissimè. Eodem enim animo, ut ait Seneca, beneficium debetur, quo datur. vale. Mediolano.

HIERONYMVS BOSSIVS

IO. BAPTISTÆ COSTÆ.

I. C. &amp; Primario Ticini ANTECESSORI.

S. P. D.

Epist. 31.

Ticinum.

**V**ox est Astræi Valis, COSTA iuris ac legum peritissime, ut ne quis mutilum si quando larem struit, inue politum  
Deserat

Quæ me vox quidem ipso meridie noctis superioris legentem monuit, ut qui Museolum meum instrui CL. VV. imaginibus exornare signa omnia, quæ huius loci esse possent, multo posthac diligentius anquirerem: quamquam id fecerim diligentissimè. Non cerè ita pridem

LIPSIO PVTEANVM Laconica

virtus cui contigit omnis,  
atque MANVTIO, & MVRETO SACCVM

Quem



SELECTARVM EPIST. CENTVRIA. 35

Quem pluris faciunt nouem sorores  
 Quam cunctos alios  
 Adiunxi: quare mihi **ANDREAS ALCIATVS**, atque etiam  
**PHILIPPVS MASSINIVS** meus, delictum Astrae & Apollinisq;  
 te vnum videntur desiderare, qui  
 Quod ius pontificum veterum, quid scira Quiritum  
 Quae consulta patrum, quid, Draco quidue Solori  
 Sanxeit  
 melius, quam sua quisquam somnia, noſſit. Mites igitur ſi me amas  
 tuum exemplum effigiei, in aſ probe à GALLO incide, quam mox colo-  
 ribus, me indicante, ab aliquo Mediolanenſi **APELLE** in tabula  
 linea expreſſam figere poſſim. Mitteſ autem repeto ſi me amas, ac quia  
 potiùs amas nec me viſ ea voluptate priuare, quam ſingularem, &  
 maximam percipio, cum aliquo huius generis ornamento facultas mi-  
 hi datur Muſeolum meum locupletandi. Vale Roſci iure- conſultorum  
 Hec ſcripſi in Hermathena mea ad indagineſ ſedens DSS. Maiora-  
 gy.

HIERONYMVS BOSSIVS

FRANCISCO BOSSIO.

Ticinenſi Collegio, & Caſareo Scrib. FRATRISVO,  
 S. P. D. Epist. 32. Ticinum.

**M**agnam mihi voluptatem narras, quod domeſtici omnes va-  
 leant. Sed illud imprimis iucundum fuit intelligere, quod **LVDO**  
**VICA** vxor, ſi minus omnem ex patris ſoceri mei obitu ſuſceptum  
 maerorem abiecerit, aliqua ſaltem ex parte doloreſ fuerit conſolata  
 Verebar enim maxime ne in morbum, ac in aliquam præcipue atram  
 bilem incideret, quod luctui, ac lachrymæ nullus ab ea modus poneret-  
 tur. Sed verba ſolantiū apud ſe frigere voluit, vt intelligeremus,  
 quam pulchrè ſciat prudentia illa ſua ſingulari (praſciſcini hoc dixerim  
 de coniuge) qua ſexum facile ſuperat, animi egritudines mitigare.

E 2 Itaque



Itaque maximas tibi gratias ago, habeoque, suavisime frater, quod illam mihi suspensionem, qua perculsus nullam requiem animo inuenire poteram, isto nuntio depuleris. De G. B. autem, quod scribis pecunie reliquum, mihi abhinc annos duos debita, nondum patri numerasse, teque illi propterea dicam scripsisse, ægrè admodum fero. Pecuniarias enim causas, ut inquit Symmachus, usque, ad detrimentum amicitiarum non oportet extendi. Itaque, verè dicam, si abundarem, profectò uti retinerem amicum, nummulos istos, quos homini mutuo dedi, gratis dono remitterem. Sed ego tamen in posterum isto facto cautiùs factus curabo, ut ne, ò tempora? ò mores? beneficijs inimicos parem. Vale. Mediolano.

HIERONYMVS BOSSIVS

COSMO ALAMANNIO.

Theologo è Societate IESV,

S. P. D.

Epist. 33. Ticinum.

GRate, ac iucunda adeò mihi acciderunt litteræ tuæ, ut inter legendum oscula eis dederim Catulliana. Et quidem Marianus, cuius causa ad me scripsisti, opera cuiusquam vii non poterat, qui me vel autoritate, vel testimonio suo, magis commoueret. Sed cum Marinus in cuius locum Marianus, affabrè una littera litteratior, sufficere vellet, dixi ipsum quatrimum è nostro Collegio per honesta missione abierit, non adhuc integrum mihi est, in eo tibi, quod petis, morem gerere. Præsertim cum numerus conuictorum non ita magnus sit, ut valde Præfectum desideret: unus quippe ad eorum curam sufficit Hippodidasclus. Illud tamen me ceriò facturum polliceor, ut quo primò tempore III Viri mecum de Præfecto renuntiando communicauerint, adolescens iste intelligat tuam commendationem non vulgarem, sed sibi maximo adiumento fuisse. Curabo inquam, ut in comitijs huius vi, reiectis cæteris competitoribus, qui iam pensare ceperunt, provin-



cia ista deferatur. Interim Vale, & saluta mihi TANIVM iuvm,  
& AVILINVM meum. Ex Mediolanensi Calchorum collegio:

HIERONYMVS BOSSIVS

FRANCISCO CAGNOLIO.

I. C. & in S. Ambrosij CANONICO,

S. P. D.

Epist. 34. Mediolanum.

Vide, obsecro te, mi CAGNOLI, quàm bellè, & opportune  
ceciderit, ut COLLEGIUM CALCHII ADMINISTRATO-  
RES IUVIRI, nonnullis amicis deprecantibus, missionem mi-  
hi, siue honestam, siue causariam, exente Augusto dederint, quàm  
summa contentione antea petitam, semel, ac iterum præcisè denegarant.  
Etenim meam nunc operam illis, quod anno superiore feci pro Virili  
sedulo, ac diligenter, vel si maxime vellem, præstare tamen minime  
possem. Quid ita rogas? malè narro: acribili correptus in eam fe-  
brim, quàm Medicorum Cicero Saturni filiam vocat, incidi, atque  
ipso bimestris spatio quarto quoque die iacui: & quod tibi, puto, ZER-  
BIUS noster dixit, adhuc iaceo. Nec tantulum quidem auxilia-  
ria, quod ait ille Græcus, Asclepij medicamenta, esse auxilia sen-  
tio. Quare, ut cum Homero loquar, in genua cor mihi decidit, peris-  
mescenti, ne me fonticus iste morbus vertente hanc hyemem lecto me  
defixum teneat. Hoc autem, ut Deus idem optimus, idem maximus  
avertat, tu, qui me oculis amas, pura mente sacrificabis, ut mea caus-  
sa lites, ut valeam, ut vivam. Sed ad rem quaeso reuertamur. Facul-  
tatem profectò in urbem patriam redeundi, quàm partim difficili re-  
rum mearum statu coactus, partim celi MEDIOLANENSIS, qui  
cum mihi æstivo tempore non benè conveniebat, temperatione commotus,  
perij, si minus ego obtinuisssem, aut ipsa facile impetrasset agrotatio, aut  
Collegium ab Academicis, & litterarijs exercitationibus, me mei of-  
ficij munus non obeunte, omnino refrixisset cum non vulgari incom-  
modo iuvenitur. Quod vellem primum nobilissimis, ac præstantissimis

Viris,

ibuois



Viris, ROMULO SOLÆ, & PAULO AMBROSIO GERARDINO, atque etiam, si lubet, & vacat, Romanae probitatis sen-  
ni, BIVMIO significes, ne diutius eos pigeat, quod sapius rogati nun-  
cium remiserint, ut res mihi meas haberem. Deinde verò cuperem, ut  
meo nomine eisdem gratuleris, & bonum factum dicas, quod homi-  
nem in mea provincia succedere voluerint, qui maxime omnium, aut  
quidem certe quam qui maxime, eorum ingenijs, ac genijs satisfaciet.  
Quod sibi cum certò futurum polliceantur, nec temere profectò, & scien-  
ter admodum faciunt, illum passim in cælum ferentes omnibus laudi-  
bus doctrinae, & eruditionis: vite, ac morum integritatis. Quae lau-  
des quam veræ sint, encomia facile declarant, quibus eundem ab ipsis-  
met viris, cum eandem Spuriham relinqueret, affectum, & or-  
natum fuisse intellexi: nec quidem aut per nebulam, aut in strepitum,  
quod ait ille tuus. Ex quo sine ulla dubitatione fiet, ut ADMINI-  
STRATORIBUS cum Augusto, ac clamantibus: contenti su-  
mus hoc Catone, undique confluant, & concurrant, qui filios suos  
Artito isti viro operam dare velint. Quare cum propius absint, ac iam  
potius adsint, Calendæ Novembres, quibus de more Conuictores, tan-  
quam Musarum exercitibus ad arma, & signa, ad politicorum lite-  
rarum studia repetenda, is oratione aliqua est adhortaturus, ut in  
concionem mea causa eas, rogo te, si modo harum rerum cupidissimus  
rogandus es. Sed fortasse tibi per Claustricium cognominem meum,  
qui nunquam ita libenter est Admissionalis, ire agere licebit. Quod  
si contra accideret, ut à sua discedens consuetudine, fores tibi recludat,  
HOC AGE: hominiquè de superiore loco diserenti aures attentissi-  
mas præbe, quò mihi aliquid, cum huc veneris Ticinum una cum  
GASPARE oculissimo iuo, bona fide, ac memoria narrare possis.  
Namque si is, tantusque orator est, qui, & quamvis apud viros audis,  
audis autem sine controuersia eloquentissimus; neque tamen, arbitror,  
ut apud Agellij Iulianum adulescens ille; argumentum sibi, de quo  
agat, proponet doctorum, hoc est iui similium, auribus, & confessu di-  
gnum: ac verba decemuiralia, duodecim tabulas, & latinitate pu-  
ram puram loquetur. Præ quibus cum verear, ne sensus, & formulæ  
dicendi



dicendi Orationis meae, quam ut in manibus hominum esse patiar, quotidie magis vrget, mortuaria glossaria, ruta caesa, & vitrea fracta videantur, de illa vel ad te danda, vel in apertum proferenda, nihil admodum libet mihi in praesentia deliberare: Atque adeo, verè dicam, cum legis illius, quae apud Romanos tumultuaria theatra esse non perpetua iubebat, in mentem venerit; ad instar cunei, & orchestrae spectaculorum scriptionem istam meam, quam ut inseruirem scenae tunc praesenti, stylo feci plane tumultuario, quasi indicta si reus mihi lex sit, obliuioni dari omnino deliberatum est. Vale CAGNO-  
LI suauissime,

omnibus è meis amicis,  
Antistes mihi millibus trecentis.  
Vale inquam, & C. V. IO. BAPTISTAM SACCVM, Senatus à secretis, vrbes vestrae decus, ac seculi, & Musarum delictum, mihi saluta quam potes officiosissime. Hec prima face scripti in Museo nostro ad Illustrissimi, Amplissimique Praesidis ALESSII imaginem, cuius mihi gratiam, ut conseruet repetita identidem iustificatione voluntatis erga illum meae, rogabis MALVETIVM tuum. Ticino 4. Kal. Nouemb.

HIERONYMVS BOSSIVS  
BARTHOLOMÆO MALVETIO,

V. Amiciss. & PHILOMVS O,

S. P. D.

Epist. 35. Mediolanum.

Pace dictum sit tuae gentis: non te amplius MALVETIVM, sed Euangelum nominabo. Non debet enim inauspicato nomine vocari, qui auspiciatissima nunciat. Porro autem magnam rem voluptatum, magnum gaudium narraisti in epistola tua. Cum ego quidem ex illa intellexerim, quod filiolum nuperrius Maccenas meus suscepit, latinis incesse maximis, incredibilibus. Quas tu ta-

men



*Men non leuiter cumularis, si minus patieris à me ignorari, qui dies Nominalium fuerit: quod nomen puello infanti impositum. Adde etiam, si libet, quæ lustratrice: quolustratore. Interim vale.*

HIERONYMVS BOSSIVS

AQUILINO COPPINIO.

Regio Artis Oratoriae INTERPRETI,

S. P. D.

Epist. 31.

Ticini.

**E**Cce tibi quæ legere desideras BONCIARII Apologiam ad Aeneam Spennactium, ac potius in Spennactium, scriptam. Mississem citius ex promisso, si nocte superiori adeo me animi perturbationes non affecissent, ut nec somnum de more tunc videre potuerim, & ad hanc usque horam, præter quidem consuetudinem meam, obdormiuerim, eo ipso temporis momento consopitus, quo

*Pellebat somnos Tithoni roscida coniux.*

Itaque tibi eò citius perlegenda, ac deuoranda est, quo seriùs hanc ego tradidi perferendam. Etenim vix experectus sum, cum in lecto mihi iacenti, & adhuc somniculoso, tabellarius litteras pertulit CL. S. AC. EL, à quo librum commodato accepi, & Apologiam repetentis. Quas quidem litteras ad te mitto cum meis complicatas, ut postquæ BONCIARIVM legeris, homo tu mirè cupidus in hisce tuis vacationibus res novas intelligendi, aliquid habeas etiam, quod legas. Vale ex adibus.

HIERONYMVS BOSSIVS

IVLIO ARESIO.

Regio a Secretis CONSILIARIO, &amp; Senatus PRÆSIDI,

S. P. D.

Epist. 37. Mediolanum.

**E**T tibi gratulor, & verò etiam ex prisco ritu gratias ago, Præses Amplissime, quod tibi natus sit filius, mihi patronus. Sed illud in primis



SELECTARVM EPIST. CENTVRIA.

41

primis, quod is regia sit forma praeclara, quodque integra sanitate,  
ac valetudine. Quamobrem ex lege Servia nec tu pater pro filio,  
nec ipse cliens pro patrono Iunoni Lucinae numum dependere  
recusabimus. Quem tu tamen ex Pluticenso depromis aureum: ego  
ex Apollinis & Musarum, chartaeum; qualis scilicet harum, eiusque se-  
ctatoribus census est fere omnis, & suppellex. Accipies igitur cum  
hisce litteris carmen, quo non magis puero nascendi nos plaudimus, quam  
ipsam MARGARITAM uxorem tuam nobilissimam, optimam, le-  
tissimam laudamus. Cui quidem, cum scitulum adeo puerum in lucem  
ediderit, tanquam Lucinae, est persolvendum quicquid hoc est, quod  
ad te mitto carminis. Vale, & vive cum Vituno propitio eta-  
tem Nestoris. **BELLONIVS, & PICENARDVS** S. tibi  
P. adscribunt. Ticino Regio.

HIERONYMVS BOSSIVS

ALEXANDRO LODOVISIO

Archiepiscopo Bononiensi, & S. R. E. CARDINALI,

S. P. D.

Epist. 38. Bononiam.

Oportune omnino, ac cum Rhamnusia propitia hesterno ego die red-  
didi Praefidi SQUARCIAFICO, Cardinalis Amplissime,  
litteras tuas. Etenim & hodie Senatus habendus est, & omnia se-  
iste facturum ostendit, ut contra omnes copellitores unus ego victoria  
potiar: dicam prisco, & scenico ritu, ut coroner. Quoniam vero non  
me fugit, quanto opere me ornatum cupias, nunc has ad te mitto, eius epi-  
stole praeunias, quam propediem, nisi fallor, ac potius ut spero, ab  
homine accipies laureatam. Nec certe minoris iucunditatis, volupta-  
tisque tibi, quam mihi dignitatis & commodi, praepersuadeo, si ea conse-  
quar, quae tua mihi procurantur commendatione. Interim Vale, Prin-  
ceps immortalitate dignissime, ac me ut cepisti ama, & conserva in-  
tuis. Mediolano.

E

HIE



HIERONYMVS BOSSIVS

## VITALIANO VICECOMITI

BORROMÆO, Adrianopolit. Archiep &amp; Pontificio

ad Cæsarem NVNTIO,

S. P. D. Epist. 39. Pragm.

**E**X voto, & vero loquar. Legatio tua ita ista, Amplissime VICECOMES, maximum quiddam certe habet in se dignitatis quòd à summo Pontifice sit, quòd ad Cæsarem. Horum enim utroq; in terris

Minor est quisquis maximus est hominum.

Sed eam tibi tamen, quòd alij, puto, faciunt omnes, vni ego non gratulor. Tantum quidem, iudicio meo, iusta gratulationis causa affertur, cum premia, & dignitates, quæ virtuti cuiusquam deferuntur, hanc sua equant magnitudine. Tu verò quamvis Adrianopolitani Archiepiscopi thiara, & pontificio isto legationis munere fueris exornatus, longè maiora tamen mereri ut videris, ita iudicaris, addo etiam predicaris. Ex eo ipso igitur, quod tibi reliqui gratulantur, auspiciū ipse non vitio factum eius dignitatis capio, quæ maximis meritis tuis inter illos S. R. E. purpuratos patres maxima debetur. Cuius causa, uti auis addixit, tum incredibile gaudium me gausum ire certissime spero, cum legationem renunciaueris. Quo quidem tempore fiet, ut ego non vltimus aut ab officio scribendi, aut ab obseruantia, meam tibi offeram gratulationem. Interim te ihs Deus conseruet, quæ tibi vouemus cupimusq;. Ticino Regio.

HIERONYMVS BOSSIVS

## ANTONIO QVERENGO.

Vtriusq; Signaturæ, ut dicitur, REFERENDARIO,

S. P. D. Epist. 40. Romam.

**M**Aior numquam temporis fuit, QVERENGHE præstantissime, quam nostra hac ætate poetarum copia, qui versus suæ italicæ,



lice, siue *Heirusco* conscribant. Vix certe quisquam adolescens, ut *Eumolpus* inquit, versum pedibus instruxit, cum fonte statim *Caballino* labra sibi proluisse, atque in monte *Aonio* se somniasse arbitrat.

ut repente sic poeta prodiret

Eamque ob rem quotidie magis tot, ac tanta eiusmodi carminum volumina in vulgus emittuntur, ut iam ipsa mihi poesis non minus, quam *Emilio* iuris prudentia, multorum *Camelorum* onus esse videbatur. Verum in hac poetarum turba pauci admodum sunt, qui *Vni* *Petrarcham* sibi imitandum proponant. Quemadmodum enim, *Atticis* maximum sibi decus facundia comparantibus, *Lacones* metu collationis in diuersum studia destinarunt, ita bona pars neotericorum, qui praeclaram istam, ac planè masculam carminum conficiendorum rationem, à *Florentino* vate propositam, se assequi posse desperarunt, versum sine sensu cœperunt contexere epithetis, antithetis, sinonismisq;: ac verbis etiam in eisdem ludere lasciuientibus, luxuriantibus. Quamquam horum poemata ab ijs tantum leguntur, qui in formosa muliere nihil præter vestem & tunicam: aut folium in arbore, aut pampinum in vite amant: hoc est, ut ego interpretor, qui in poesim aliud nihil querunt, quam puerilia quedam, & ludicra verborum scitamenta. Contra verò ij, qui versum cum *Petrarcha* scribunt, amatores, ac laudatores habent optimè catos, & cordatos viros, quibus maxime omnium ius est in *Mularum* Senatu pronuntiandi, Siquis autem nostræ ætatis homo in suis scriptionibus eum exprimet poetam, quem supra honoris causa nominavi, id tu certè facis, ad eò, ut, quod *Sceledrus* inquit *Plautinus*,

è summo puteo similior nunquam possit.

Aquæ aquæ fumi,

quàm tui sunt eius versibus similes. Tua enim carmina venusta sunt cum gravitate, & sunt cum venustate graui: nec suis carè leporibus, & amœnitatibus: liberalibus quidè illis, & ingenuis, non *Ciclicis*, & iocularibus, quales ferè sunt omnium tēporibus nostris suum nomen in lyricis vatribus profitentium delirationes. Atqui in tuo isto *Heirusco*.



rum poematum volumine, quod mihi GASPAR SALVI-  
 ANVS. Vir planè Romanæ probitatis, humanitatisq; istinc dono misit,  
 Vel de suo ere soluto tabelarijs portorio, propè adeò mihi videris ad  
 Petrarcham accedere, ut ipsum IOHANNEM CASAM, bo-  
 ne Deus qualem, ac quantum virum propius accessisset non putem. Sed  
 tamen laudem mereris, DSS. ac eruditissimo QUERENGHE  
 magis maiorem, quòd hoc genere studij, tamquam secundæ mensæ  
 bellarijs, ac potius tamquam condimento, non cibo, usus fueris, ad ma-  
 iora scilicet & grauiora destinans, & conferens curas, & cogitationes  
 tuas. Præterquam quòd operam cum versibus dares, eos interdum ma-  
 luisse, quàm italicos, Latinos facere. In quibus tantum te cum pau-  
 cis excellere significatum mihi est, ut sæculi instar singula monumen-  
 ta futura sint, cum istos videam. Ea re cum FLAVIVS QUE-  
 RENGHVS tuus, præclarum illud Patauinæ Academiæ lumen,  
 & Gratiarum ocellus, in ipsa epistola, qua magno heroi, RAN-  
 TIO FARNESIO, Parmensium Duci, Hetrusca tua poemata  
 dicatum it, ea omnia, quæ tu latinis coniuncta numeris elucubraſti, sub  
 prælo Germani Typographi esse iam profitearur, non potui non vehemē-  
 tissimè SALVIANVM meum per litteras rogare, ut eorum mihi  
 exemplum, quàm fieri citius, potest, curare velit. Tu interim fac va-  
 leas, Ticino.

HIERONYMVS BOSSIVS

CÆSARI VBERTO

Humaniorum Litterarum DOCTORI,

S. P. D.

Epist. 41. Taurinum.

Cum hesterno die animi causa, quod sæpè facio, ad S. Lafranchi  
 solus profisciscer extra Urbem, forte fortuna obuius factus sum  
 BAR.



BARTHOLOMÆO tuo, qui se mihi postea comitem in via præbuit. Is post longam de re litteraria disputationem, cepit nonnulla de suo statu recensere. Atque illud in primis dolebat, quod à suis omnibus, qui isthic viuunt Taurini, & à te præcipue, sit omnino desertus. Abierunt namq; anni, ex quo nec à te, nec de te à quopiam litteras accepit: ex quo vestrum neminem vidit. Vnde fit, ut mallet, quod inquit Iuuenalis,

--- fraterculus esse gigantum;

quàm consanguineos, & affines habere, qui non magis sint memores sui, quàm Calpurnius ille Sabinus apud Senecam Achilles, & Priamus, quorum nomina sepius obliuisceretur. Ego tamen, mi CÆSAR, à te vno dicebam, & homini persuadere totis viribus conabar, quod si minus venires, aut scriberes, id non fiebat, vel quia immutatus animus, vel quia amor tuus erga istum esset imminutus, sed quia te tui muneris impedirent occupationes. Quam excusationem tantum abest, ut acceperis, ut ne quidem audire volueris. Atque ut omnia tibi pro ea, qua te semper complexus sum, beneuolentia verissime narrem, quàm tum ex eiusdem sermonibus colligere, ac subodorari potui, nouas nuptias hæc vna de causa cogitat, quod suorum nemo præsens adsit, quem habeat secundis rebus lætitiæ socium: à quo solatium pariter aduersis reporter: quem consiliorum participem faciat, & in cuius denique senum cogitata effundat animi sui. Homini certe, qui in suis est numeris, neque sine censu, hoc vnum deest, præterea nihil. Ne itaq; tua culpa poscit dicere cum de mea Terentiano:

Duxi Vxorem: quam ibi miseriam vidi?

rogote, ut, statim acceptis hisce litterulis meis, ad hominem scribas: huc te ostendas profecturum; atque etiam, si vacat, re ipsa proficiscaris. Secus autem per proximum tabellarium eodem exemplo epistolam mites, ut eum spe tui aduentus producere, ac lætare possimus donèc, Hilaribus exeuntibus, que instant, & nuptijs dicta sunt, Cineralia veniant. Quo tempore inter nos per litteras de re ista colloquemur, & id consilij capiemus, quod hominis statui maximè, ac rationibus tuis conducere iudicabimus



iudicabimus. Quamquam illud modis omnibus providendum esse pu-  
ro, ut ne committas eum, spe omni procreationis desperata, uxorem du-  
cere: Qui cum sexagenarius sit, nuptias libitina potius pronuba, quam  
Iunone conficeret. Atqui vercor ne ita Pertunda hominem, habeat de  
Nethalamo tædisque iugalibus.

Invida mors rapiat

Ne mutetque thorum feretri vice.

Exequialis honor.

Tu nosti muliercularū ingenia, nosti salaces mores, nosti illecebras. Qua  
si adolescentibus, ipse cum sint præcipue iuvenes, in bona etate, ac vale-  
tudine sanguinem, succum, ac medullas ipsas exhauriunt, quid seni-  
bus eiuscemodi faciant hirudines iste Venereæ, tua sit, mi VBER-  
TE, cogitatio. Verissimum quidem illud Theophili Comici dictum est.

Non quadrat iuuenis seni foemina.

Præterquam quod hoc ego certissime scio, tenuioris fortunæ patres nul-  
li facilius, libentiusue indotatas filias obrudere, quam sponsis hisce  
Depontanis, à quibus aut isti in partem hereditatis vocentur, aut bo-  
norum usus fructus legetur filiabus suis, usque dum alteri viro nu-  
bant: hoc est usque dum sibi dotem iure iniuriaue illinc abraferint.  
Quod si fieret in rebus BARTHOLAMÆI nostri, nulli aequè de-  
trimento esset, ac tibi, fratribusq; tuis. Sed hæc alias & coram fortas-  
se commodius. Tu interim fac valeas, & IULIUM MAY-  
NUM, pictorem sua virtute nobilissimum, a me etiam atque etiam  
saluare iube. Ticino Regio.

HIERONYMVS BOSSIVS

ROBERTO TITIO

Artis Oratoriæ INTERPRETI,

S. P. D.

Epiſt. 43.

Bononiam.

Doctissimas tuas ad Georgica Virgilij Prælectiones IIII, doctis-  
sime TITI, hodie accepimus: hodie legimus; nec carptim  
aut persunctorie, sed auidè quidem, ac diligenter. Non nihil enim

me



me folio inuenerunt ab occupationibus meis ociosorem. Quamquam ego, cum tuæ aliquid ſcriptionis perfertur, vel ſi amplius ſim occupatus, ad eas animum, & oculos adicio ſtatim percurrendas. Porro autem tanta me ſæpè, ac ſæpius in tuis lectuandis voluptas cepit, ut, quemadmodum guſtus emptorem vocat, ita me ſolum ROBERTI nomen adſcriptum ſingulari quodam illicio lectorem ad omnia inuier. Quod quidem ſi qua mente, quoue conſilio in præſentia dicatur, intelligis; uti proſectò intelligis, tu crebrò in poſterum eiſcemo di munerum genere ornabis ſimul, & oblectabis. Vale.

HIERONYMVS BOSSIVS  
IVLIO NEGRONIO

Oratori, & Theologo è ſocietate I E S V,

S. P. D. Epist. 42. Genuam.

**L**Egimus, & perlegimus, NIGRONI doctiſſime, orationes tuas maxima certè cum animi voluptate, ſed longè tamen maiore cum fructu & animi, & ingenij. Nulla enim ferè periodus, ac ne quidem clauſula in illis eſt, quæ legentibus verborum delectu linguam non expoliat, & acuat: pectus verò ſententiarum grauitate non ornet, & inſtituat. Itaque poteram legenti mihi verè de tuis ſcriptis accinere, quod tu olim ex Petronio Arbitro tranſtulisti ad eloquentiæ, & philoſophiæ commendationem:

His animum luccinge bonis, ſic flumine largo

Plenus Pierio diffundes pectore verba.

Quod ſi de numero, & artificio, cum virunque planè oratorium ſit, aliquid hoc loco dicendum eſt: illud aſſeuerare non dubitabo, quod aures mirificè altero demulceas, ac delectes: quodque altero, in quamlibet partem velis, affectus moueas etiam atque etiam vehementer. Nec valde cerè, dum in illis eſſem totus peruoluendis, MAFFÆVM, PERPINIANVM, & BENCIVM, tria ſplendiſſima ſocietatis



tietatis vestra lumina desiderabam. Atque adeo, si tua me patitur modestia vera dicere, ut olim oratorum, qui causas in foro dicebant, princeps habebatur Cicero: sic eorum, qui in Christianis versantur Academijs, tu mihi Tullius alter videris. Quippe unus precipue, mi NEGRONI, prater ceteros Genuenses, facis ut Cassiodorus, cum dixit: mitteret & Liguria Tullios suos, diuinaret. Volumen enim orationum tuarum est eiusmodi, ut istud

... secula posterique possint

Arpinis quoque comparare chartis

Hoc ipsum certo scio Ticinenses mei omnes, qui tua desiderant, mecum affirmarent, si Piccaleus exemplaria orationum tuarum ad Sosios nostros transmitteret. Qui cum a quopiam de illis queruntur, NEGRONI orationes se quidem excusas vidisse fatemur, sed illas negant isthinc accepisse: nec sua magis, quam typographi istius negligentia. Nunc autem ab ipso Piccaleo nullum hi petunt volumen tuum, quod nescio quid subaudierint de libro tertium recudendo, a te facta non earum solum orationum, quae typis excusae leguntur, noua distributione: sed ceterarum etiam, quas habes manu scriptas elegantissime, nobili admodum additione. Quae res cum Bibliopolas primum, deinde harum etiam rerum studiosos spe cum locupletioris, tum emendationis impressionis ad emendum lentulos reddat, author tibi libenter essem, ut id publicae causa utilitatis aliquanto citius, quam tibi facendum persuasisti maturare velis. Quamquam, NEGRONIS nihil est cur diutius moreris, cum omne, quod a te proficiscitur, nullam habere possit acerbiter. Vale Ticino Regio.

HIERONYMVS BOSSIVS

AVGVSTINO GVASCO

V. A. Philologo, & Academico AFFIDATO,

S. P. D.

Epist. 44.

Ticinum.

Præses Apollo carminum fluentium

olim fortasse, mi GVASCE optime, suauissime, dignatus est inter



SELECTARVM EPIST. CENTVRIA. 49

----- inter amabiles

Vatum ponere me choros;

nunc verò non minus, quàm profanum vulgus arceat

----- vmbrosis Heliconis oris.

In quo tamen non cum culpo, aut incuso, sed me ipse accuso, qui ad alia sic studia meum studium contulerim, ut Musarum delicias, & oblectationes omnes susque deque habere viderer omnino. Nec mehercule gratis, aut sine fundo: quandoquidem, ut cum Eupolide dicam,

Si quis nostratium,

Agrediatur poësin desipere iudicatur,

Itaque cum præter propter carmina possim scribere, siquid scribo tamen, alia tibi quercus est excutienda, ut habeas epigrammata quæ de cõmuni amico confici volebas, nec ipse tua, ac mea et causa, nolebã. Et quidem me etiam atque etiam piget, ac tædet, quòd nunc, potissimum te rogante, nequeam versus conscribere

----- Musarum, & Apollinis expers.

Frangere fores, inquit? pœnas iudicij me tuo.

Vale Mediolano. Raptim ex ipso Senatus Grammatophilacio:  
XIV. Kalendas Octobreis.

HIERONYMVS BOSSIVS  
SCIPIONI BARGALIO

V.C. Equiti, & PHILOLOGO,

S. P. D.

Epist. 45. Senas.

A Te mihi PETRUCCIUS Theologus, & Orator Dominicanus, cui litteras per proximum tabellariũ dedisti elegantissimè scriptas, officiose adèd, & amanter salutem dixit, ut omnem facile agrestudinem, qua tuarum me affecerat diuturna nimis expectatio,

g

sedare,



# 11 HIERONYMI BOSSII TICINENSIS

Sedare, si minus leuare potuerit; Sed hoc tamen mei saluandi genus,  
 Ut familiare tibi faceres nullo modo vellem, qui in tuis epistolis,  
 Ut manum agnoscere, ita animum tuum exoculari solitus sum. Quod  
 si Verba tua omnibus, Ut inquit Lucretius,

... incutiunt blandum per pectora amorem;  
 in me certe litteræ tuæ, mihi crede, tantum amoris illius, quo te comple-  
 ctor, æstus commouent, Ut totus absorbear. In ipso tamen æstu dego in-  
 star Salamandre cum Voluptate: Et Ut ait ille Academicus, vror  
 sic vri. Itaque, mi Bargali, quid sis impoterum facturum, si sapias,  
 quantum profecto sapias, iam intellexisti. Scribes tu quidem non ad  
 alios de me, sed ad me potius de alijs; nec aliena, sed tua manu. Inte-  
 rim Vale bene, Ut Valeam. Ticino Regio.

## HIERONYMVS BOSSIVS M. ANTONIO BONCIARIO

V. C. & politiciorum litterarum DOCTORI,

S. P. D. Epist. 46. Perusiam Augustâ.

**N**on ignoro quod CL. SACCVS, ac alij quàm plurimi doctrina  
 tue intelligentes æstimatores, de eo, quod litteras nonnumquam  
 malis Italicas, quàm latinas dare ad te scripserint. Eare cùm epi-  
 stolam ad me vernaculis Perusinarum verbis confectam miseris, ni-  
 hil tecum expostulabo, ne id futurum videar mihi persuadere, Ut  
 plus ego impetrem, qui homo sum in Repub. litteraria postremi ordi-  
 nis, quàm illi, qui fasces tenent, & secures, consequi potuerint. Illud  
 tamen si minus apud te, mecum certe dolebo, quod omnem sic immor-  
 talitatis spem infringas, ac præcidas mihi, qui nomini meo in tuis li-  
 bris vitam pollicebar sempiternam. Quanquam si tibi aliquando in  
 animum induxeris, Ut quæ Hetrusca lingua elucubrasti, in vulgus  
 Velis emittere, in hoc ipso, quod nunc dolendum, puto singulare tuum  
 agnoscerem beneficium. Nam cùm latinè loquentium epistolarum,  
 quas



quas ad sexcentos misisti, volumina edideris bene magna, hoc ego cum paucis, & ijs fortasse, qui à te amantur, ornanturq; plus ceteris, commune haberem, ut legerem in tuis litteris, & latinis quas olim accepi, & Italicis, quas modò non vulgares dedisti, cum non vulgari testificatione amoris erga me tui. Sed hæc hætenus de ratione scribendi. Nunc ad id venio, quòd meum librum ad te scribis tandem aliquando peruenisse. Ex eo, mi BONCLAR! suauissime, fac quæras obsecro, num sit ex itinere defatigatus, qui vix ipso anno tantillum terrarum spatium emensus fuerit. Non enim in ijs regionibus Perusia est, ubi Antipodes aduersis vestigijs stant contra nostra vestigia. Atqui litteras tuas Alexio, qui Goæ apud Indos degebat, serius redditas fuisse non existimo. Sed omnem, quàm ex eius tarditate traxi, molestiam tu facile dilues, si per litteras significaueris, quid de eo tibi videatur. Antequam scribas tamen adnota, quæ minus latine, minusq; decorè, nec suo loco dicta fuisse putaueris. Ità enim, quòd ad Voconium inquit Plinius, magis credam cætera tibi placere, si quædam displicuisse cognouerò. Vale Mediolano scriptum, & statim post tuas acceptas.

HIERONYMVS BOSSIVS

LVDOVICO MADIO

Regio Mediolani SENATORI,

S. P. D. Epist. 47. Mediolanum.

Nihil dubium est, quin in populi, & ciuium is peccet commoda, qui vos Ampliss. Patres, Rempublicam, ut Varro inquit, aurigantes, rebus animum à Curia cura vel tantillum auocantibus interpellat. Ego quidem hanc vnam ob causam dubius animi per multos dies fui, an litterulis te meis appellarem, cum eis ad te librum daturus. Sed tandem prudentiam illam tuam, qua fori tedium, atq; ipsius Curia senium temperare solitus es, mente nonnihil reputans,

G 2 spem



*Spem mihi feci futurum, ut hæc tibi siue libri, siue litterarum missio nec omnino iniucunda, & aliquantum fortasse accideret opportuna. Etenim in eorum te numero censeo, qui sint cum Scipione Africano numquam minus ociosi, quam cum ociosi. Si modò igitur nostra sunt digna, quæ à te oculis aliquando usurpentur; habebis, quod horis legas successivis; in quo ipsa erit opportunitas; habebis etiam, quod Vir Lati-clauius de Lati-claui dignitate regestes perlegendo: in quo iucunditas. Hæc autem ut diuturna tibi sit, ad ætatem Nestoris te volo perennare. Ita optimus ille, & maximus*

----- *Votum secundet, qui potest, nostrum Deus.*

*Tu verò me fac quæso adscribas in tuis: hoc quidem ut calidissime cupiam, mea facis erga te observantia. Ticino Regio.*

HIERONYMVS BOSSIVS  
SCIPIONI BVRGHESIO.

Sanctæ Romanæ Ecclesiæ CARDINALI,

S. P. D. Epist. 48. Romam.

**N**Ouas iterum gratias, Cardinalis Ampliſſ agere tibi debet, qui benignè ad cō, & honorificè ad nos rescribis: qui prolixè notis etiam ornas beneficio. Etenim dum admittis officium meum, quod pro actione gratiarum sum exequutus, te tua authoritate ad mea commoda paratissimum offers simul, ac polliceris. Cui autem quæso te? nihil tale petenti, nihil merenti. Sed hæc Heroum tui similium natura est, hoc ingenium, ut quos semel in fidem ipsi receperint suam, eosdem velint iueri, & ornare constantissime. Quamobrem ego, qui nihil tibi pro tanta humanitate redhostire possum, me totum in ere tuo esse libens merito dicam: ex corde, & animo gaudeo. Atqui ego cum Aristotele sentio, & illud censeo verissimum, quod qui beneficium inuenit, compedes inuenit. Cum præferim

non



non opis nostræ sit, ut Menandrica gratiarum actio, à nobis agatur, quæ ipsa est gratiæ remuneratio. Id quod tu fortasse hostimenti loco reputabis, cum apud Principes *U. U.* is omnino, ut ait Seneca, magnam debiti partem exoluit, qui lubens se debere proficitur.

HIERONYMVS BOSSIVS

LÆLIO BISCIO LÆ.

Philologo, & Theologo è Societate IESV,

S. P. D.

Epist. 49. *Novum Comum.*

**Q**uod Plautinus ille Pyrgopolynices suam ipsius formam admirans, quàm pars est gloriosius exclamat:

Nimia est miseria *PVLCHRVM* esse hominem nimis; id ego à te arbitror, mutata vovula, de tua eruditione posse verissime dici;

Nimia est miseria *DOCTVM* esse hominem nimis.

Nec quidem Plautina aliqua Philocomasium, sed Philologi omnes, & Philomusi homines, cum de re aliqua literaria dubitatio est, te doctissimum Virum adeò frequenter consulunt,

Ut tuo non liceat dare operam negotio.

Cum igitur meum in hoc genere exemplum non sit tuis occupationibus intercedere, de re sententiam tuam exquirere non verebor, quæ mihi res de Sponsalibus, & Nuptijs opus conscribenti, negotium facit, quàm maximum. Porro Festus lib. de Verborum significatione ait: Facem in nuptijs in honorem *CERERIS* præferbant, aquaque spargebatur nova nupta; siue



siue ut casta, puraque ad virum veniret; siue ut ignem, atque aquam cum viro communicaret. Ego autem ab Agricolis inuocari soliam cum BACCHO CEREREM sepiissime legi, quod horum fructus, ut cum Varrone dicam, sint maxime necessarij ad victum: ab his enim CIBVS, & POTIO venit è fundo. Nonnumquam etiam scriptum inueni, quod eidem CERERI cum TELLVRE, veluti operum consortibus, preces ab antiquis conciperentur, ut Vellent, quod inquit Sulmonensis poeta,

Fructibus immensis auidos satiare colonos.

Quid autem iuris, quid numinis in Nuptias Ceres haberet, mihi profecto non liquet. Id odorans licet, quasi Venaticus Dolpōm, per non ita pauca Antiquitatis cubilia sim persecutus. Quamquam hoc ipsum in explicatum relinquere omnino erubescere, cum vel leuissima, & notissima quæque ad sponsalia, & Nuptias pertinet, sim in opere complexus meo. Etenim, ut verbis utar M. Tullij, ridiculum est, quod est dubium id relinquere incertum: quod nemini dubium esse potest, iudicare. Nec verò imitari Lucretianum volo Commentariographum, qui totus in eo est, ut ex iamina gemina in Cererem faciat; cur autem mammosa eadem Ceres vocetur, ne gry quidem dicit. Duplicem itaque nodum tibi Reipub. litteraria nouo Alexandro dissoluendum pono: Quare scilicet in nuptijs fax in honorem Cereris præferatur, & ab inanī philosophia poeta ipsa met Ceres mammosa nominetur. Illud autem tibi omnino persuadebis, me longè veriora existimaturum, quæ tu de hisce questionibus rescripseris, quàm quæ Delphicus proferi Apollo. Vale. Ticino Regio.

HIERONYMVS BOSSIVS

PAPYRIO CATTANEO

Regio Mediolani SENATORI,

S. P. D.

Epist. 50. Mediolanum.

**M** Unus ad te mitto, ac præmitto potius, max secuturus, ut me tibi sistam, ac tu dicissim de me ipso dicas: hic meus est. Hoc au-

tem



SELECTARVM EPIST. CENTVRIA. 41

tem quam validè, quàm calidè cupiam, indices tu quidem habes iam dudum litteras, nostrate lingua loquentes, testem verò pro sexcentis unum, pro millibus, **SFORTIAM ALEMANIUM** tuum. Optime enim optimus iste virorum novit, quantum amem te, ac admirer quia inter I. C. sis litteratissimus: quantum simul observem, ac venerer, quia Senator sis inter litteratos amplissimus, inter virosque humanissimus. Quamobrem nisi me faller, ut ceriè non faller, spes illa quam mihi à tua ipsius benignitate non indubitatam facio tu munus hoc meum pansis manibus accipies, me verò etiam recipies in tuis. Vale. Ticino Regio.

**HIERONYMVS BOSSIVS**  
**HIERONYMO XAVERIO**  
 Sanctæ Romanæ Ecclesiæ CARDINALI,  
 S. P. D. Epist. 51. Madritum.

**V**Enturus in Hispanias **ALONSUS CYSNERIVS** meus voluit à me tibi, Cardinalis Amplissime, commendari. Nec iste quidem me habuit ad sua vota difficilem, qui non ignoro, quæ tua in primis sit facilitas, benignitasque. **CYSNERII** autem ingenium, ac probitas, quæ hominem facile tibi ostendunt tua esse dignissimum clientela, omnino faciunt, ut parcius tecum agam ad commendationem. Hoc tantum igitur libere profitear, quod quacunque in re isti præsto fueris autoritate tua, me arctius tibi, quàm mancipio, & nexu, quàm ære, & libra, sis deincturus: modò tamen plus, quàm debeam, debere tibi, & obligari possim. Caterum quid illud sit, ad quod tuo cupiat in Aula Regia patrocínio uti, nihil adscribo. Id malo enim ex ipso plenius, quàm ex me, litterisque meis, intelligas. Vale. Ticino Regio.

**HIE**



HIERONYMVS BOSSIVS  
LVDOVICO SEPTALIO.

V. C. Archiatro, ac PHILOLOGO,

S. P. D. Epist. 52. Mediolanum.

**V**erus sum: nec id, quod re ipsa est, negare volo: Plautinos sales amari semper, ex quo

----- Pieræ tenero sub pectore curæ

Discendique vires, & amor,

esse mihi cœpit adolescenti. Nec verò umquam in me Plauti libido ista deferbuit; cum ipsa potius atate quotidie magis crevit. Itaq; in uno præcipue Plauto perlegendo meæ sunt omnes deliciae. Quæ profecto mihi nunc accidunt eo iucundiores, quòd occasione afferant te literis compellendi. Non usque adeò enim Quinquatribus Minervæ sunt ipsius Plauti actores interdicti, ut non aliquando philosophentur. Euclyonis certè in Aulularia hæc sunt verba senis:

Non temerè est quod coruos cantat mihi nunc ab  
leua manu,

Simul radebat pedibus terram, & voce crocibat sua,  
Continuò meum cor cœpit astem facere ludicram,

Atque in pectus emicare,

Quæ verba D. Lambinus meo iudicio veriùs interpretatur, cor trepidare, quòd cor saliat ob metum; quàm A. Turnebus exponat cor gellire, quod sit ob lætitiā. Quamquam & hoc Lambinus alibi ingenio è dixisset, cum tam ob lætitiā, & spem, quàm ob timorem, & desperationem cor palpitare animadvertatur. Verum ego in neutrius explicatione acquiesco, & Physicam huiusce effecti causam indagare cupio. Quod cum à me ipso non audeam iuxta, ac nequam facere, te eximium nostro sæculo indagatorem, ac venatorem naturæ mihi in subsidium, ac potius in præsidium aduoco. A qui du-

ctu



Et, & auspicio tuo, ad id agredior explicandum. Cor igitur exi-  
 stimo palpitare, siue ut Lambinus ait trepidare, siue ut Turne-  
 bus gestire, siue denique ut Plautinus ipse Euclio, artem ludicram  
 facere motus cuiusdam causa per animi Pathemata concitati. Ete-  
 nim vnus de ceteris animantibus homo metu, ac sperci futura mo-  
 uetur: atq; ut Peripateticorum Princeps statuit, in ipso corde fons est,  
 ac principium mouendi. Nemini autem dubium est, quin animi af-  
 fectus per quarundam partium corporis affectiones, quasi per indices,  
 manifestentur. Ego quidem D. E. R. I. C. Sed hec tamen, cum à  
 Philosophis petita videantur, atque ipse in Philologorum castris tan-  
 tum verser, ac meream, nec rata, nec firma esse volo, si minus te assera-  
 torem habuero huius sententiae meae. Vale Aesculapi etatis nostrae  
 Ticino Regio.

HIERONYMVS BOSSIVS  
 LVDOVICO ACERBO.

Regio Mediolani SENATORI,

S. P. D. Epist. 53. Mediolanum.

Observantiam erga te meam singularem, quam declarare nullo  
 modo possum, significare quidem abhinc annos quàm plurimos.  
 Et in dies magis, ac magis cupio. Sed nullam Ostenda mihi oppor-  
 tunitatem, qua id commodè facerem, ante hunc diem ostendit. Qua  
 tamen cum nunc temporis ab ipso mihi Thæbo, & Musis oblata sit,  
 hanc ipse ut libens amplector, ita avidissimè arripio. Scripsi igitur  
 de Latoclaudio opusculum, & quæ fuerit Romani Senatus Maiestas,  
 ac dignitas in isto explicauit: cum Romano SENATVM etiam  
 contuli MEDIOLANENSEM, vtrique illi certè si quid ego in-  
 dico, supparem. Te verò cum cæteris Patribus in Amplissimo isto or-  
 dine Conscriptis nominari & honoris ergò, & obseruantiae Itaque om-  
 nino inconsulitè, & imprudenter factum arbitrarer, si quod publicè in-  
 H publi.



publicum emisso libro, omnes iam norunt, id ego paterer, ut unus ipse ignorares, qui omnium primus, aut quidem certe cum primis istud ipsum scire debueras. Nunc profecto, Senator Amplissime, opusculum ad te do Latitauit, ut equè perpetuum, ac sincerum habeas eius monumentum voluntatis, quā de fero tibi ex bono, & interiore animo studioffimam tui. Vale. Ticino Regio.

HIERONYMVS BOSSIVS  
FEDERICO BORROMÆO.

Mediolanensium Archiep. & S.R.E. CARDINALI,

S. P. D. Epist. 54. Aronam.

N<sup>U</sup>lla fortasse in homines frequentius peccant, quàm in muneribus deferendis. Cuius erroris causam hanc esse puto, quòd ferè remò, ut nunc t. merè, & inconsulte viuunt,

Reddere personæ scit convenientia cuique;

Quis enim vel tantillum consideratus litterato viro Martis frameam, aut contra militi, & bellatori Lyrām daret Apollinis? Ego quidem licet in omni re alia parum iudicio valeam, in hoc tamen genere, præfiscini dixerim, & antea valde semper, & nunc quàm maxime, illud studeo, ut ne munus afferam alicui, sine delectu, ut ne inquam mihi ipsi eam gratiam, quam donando quero, imprudens extinguam, aut quidem certè debilem. Ex quo factum, Cardinalis amplissime, ut qui nihil habeo te dignum Principe litteratissimo, non ego ad te audeam de meo quicquam transmittere. Cum igitur IULIUS CÆSAR MADIUS, V. in iure, ac legibus haud parum versatus, ac tu, maximi nominis magnus cultor, opusculum de Sacris Ordinibus, doctum sanè, & eruditum, ediderit ad te dono mittendum putavi, ut te alienis munerer, qui meis non possum. Quā in sententia illud me singulariter, nec mediocriter confirmavit, quòd is quarto quoque versu ad suas assertiones confirmandas auctoritatem suscipiat

CL.



CL. I. C. Marij Antonini tui. In cuius ego laudes non ibo, cum nec sit hic locus, nec tu ignores, quàm praeclarè prudentia sua, & multarum rerum scientia Vicariam tibi operam naui in Archiepiscopij administratione. Quia, Verò, ut ad rem redeam, istud ipsum, quo te muneror, de re sacra est, non te rogabo Virum è Sacro Purpuratorum ordine cum paucis eximium, ut librum vel excipias libenter, vel diligenter legas. Cum præcipuè ea tua sit humanitas, nihil ut respuar, quod ab animo tibi dedito, proficiatur: ea doctrina, ut ad nullam rem aliam, quàm ad legendum, tua spontè feraris ardentius. Vale Princeps amplissime, vale litterarum, & litteratorum in Italia Mæcenaz. Hæc scripsi in Musæo ad S. Caroli imaginem, quæ inter cæteras indigetum, ac VV. illustrium tabulas, sic à me posita est, ut totus iste locus illustrari non nisi ab vno Carolo videatur. Ticino,

HIERONYMVS BOSSIVS  
ALEXANDRO GRASSO.

Regio Ordinariorum Redituum QVÆSTORI,

S. P. D. Epist. 55. Mediolanum.

Vix credas, optime, ac præstantissime GRASSE, quàm agrè tulerit BARTHOLOMÆVS PISONVS, Atrææ, ac Themidis delictum, quod prius de tuo discessu, quàm de aduentu ad hanc urbem nostram, monitus fuerit. Mirificè enim te ille discupiebat adire, te salutare. Apud quem in foro commodum eram, cum amplissimus Senator LETZALDVS ex suburbana villula in urbem redijt. Cui quidem de rheda desilienti opera dedita, ac studio adfui, ut quanta cum humanitate, ac quanto eundem etiam visendi cum desiderio, ad prætorium veneras significarem. Itaque salutationem tuam illam, ut cum Iureconsultis loquar, fiduciariam, quam apud me quodam modo deposueras, homini Bona fide reddidi.

H 2 46



ac officiosissime. Quam profecto salutationem, ut hilari, ac perius-  
cunda fronte excepit, ita in hisce litteris à me tibi redditam cupit suo  
nomine cum usura, & anatocismo. Quo in genere nolui operam  
meam vel tantillum desiderari, Eaque re diligentiae laudem non  
elegantia scriptionis, sed ipsa officij celeritate secutus omnino sum.  
Etenim statim post salutatum ipsum Senatorem hæc ad te currentis  
calamo exaravi. Tu vale, & vive maximæ illi Laticlavie digni-  
tati, quam tibi deferendam ut auguror, ita doneo. Ticino.

---

HIERONYMVS BOSSIVS

**HIERONYMO PRÆTO.**

Bononiensi Poetæ, & IURISCONSULTO,

S. P. D.

Epist. 56. Romam.

**N**on sum nescius officiorum, quæ tu, præstantissime PRÆTE,  
istic Romæ executus es. De omnibus namque erudiuit me ad-  
vnguem per litteras GASPAR SALVIANVS meus; Qui  
quidem non ea magis scripsit, quæ fecisti, quam te ipsum studio om-  
ni, & auctoritate pressantem descripsit. Itaque si antea plurimum  
non te dilexisssem virtute tua, addo etiam amicitia MASSINII  
mei hoc unum me facile impelleret, ut te cum paucis medullitis ama-  
rem. Tantas certe gratias me tibi debere profiteor, ut planè ingratis  
omnibus vivere mihi viderer, si minus eas voluntate, & animo  
haberem, quas referre nullo modo possum; agere autem vix possum.  
Tu fac valeas. Rapiim Ticino Regio.

---

HIERONYMVS BOSSIVS

**TRVSSO TRVSSIO.**

Regio Mediolani SENATORI,

S. P. D.

Epist. 57. Mediolani.

**N**on me fugit, Senator Amplissime, quam ingenio, & libe-  
rali otio intervalla negotiorum dispungas Historias scilicet  
legis.



# SELECTARVM EPIST. CENTVRIA

61

legis, nec scripta negligis Philosophica, ac Philologa in primis lectio-  
ne delectaris. Ex his autem non minus, quam ex iuris, & legum stu-  
dio Prudentiam illam Senatoriam, qua egregie adeo ab omni son-  
tum vi, ac dolo,

----- tabulas peccare vetantes,  
Quas bis quinque viri sanxerunt,  
tueri ipse, ac factas testas reddere solitum es. Quoniam Vero Quis  
ritum Virtus, duce præcipue gloria annorum matre, omnium gen-  
tium famam, ac facta superavit, hoc Vno te tua ora arbitror oble-  
tare, &

Ignora æternæ ne sint tibi tempora Romæ.  
Quod cum verissimum mihi persuadeam, nihil certe opportunius a  
me tibi in signum observantia erga te meæ deferri potest, quam hoc  
ipsum, quod cum hisce coniunctum litteris accipies, de Lactantio  
opusculum meum. In quo lectitando non solum quæ, & quanta suc-  
rin Romani Senatus decora, & ornamenta recognoscas, de ijs optimè  
historiarum lectione edoctus, sed quam ad Vnguem etiam vos am-  
plissimi Mediolani Senatores, ubi imaginem referatis, facillime  
agnoscas. Interim Vale

HIERONYMVS BOSSIVS  
OCTAVIANO PICENARDO.

I. C. Equiti, Comiti, & Primario ANTECESSORI,  
S. P. D. Epist. 58. Ticini.

Graviter quidem, sed animo rament amico V. amicissimus, CO-  
SMVS ZERBIVS, percussit me, verius dicam ipse mihi  
ad hominis verba famur percussit, & frontem ferit. Etenim signifi-  
cavit me illas adhuc de Lactantio observationes meas accepisse Quid  
hoc est? illas cerè ad te ego misi abhinc mensem, sed mastigia, & vi-  
deo, non reddidit, cui dedi. Ne huius igitur culpa in me, mea nulla  
culpa



culpa transferatur, amissis ijs prioribus, exemplum ad te alterum mis-  
so cum hac coniunctum epistola. Quam quidem non veritus sum tu-  
multuarijs verbis exarare, ut in ipso Styli contemptu, meam facile  
agnoscas contra istum trifurem, ut cum Plauto dicam, verberabi-  
lissimum indignationem. Qui quidem, cum meas litteras passus sit  
perire, dignus est, ut in penam siue culpa, siue negligentia, litteram  
vnam ex se longam faciat. Tu interim fac valeas, & me in  
primis redames ex corde amantem, ac aeternum, & perpetuo amatu-  
rum. Rapiam ex edibus.

HIERONYMVS BOSSIVS  
FABRITIO LANDRIANO.

Ticinensium EPISCOPO,

S. P. D. Epist. 59. Romam.

**E**iuscemodi quidem est, vir Amplissime FABRICI LAN-  
DRIANE, Episcopi Ticinensis Sacerdotium, ut cum ip-  
sis facile possit Archiepiscopis conferri. Etenim siue Pallij usus, &  
dignitas, siue merum, ac mistum in suos imperium, attendamus, par  
ornamentum, nec dissimilem, ut legum vox est, tu is ditionem, esse  
omnino videmus. Quod si Episcopos isti ad sua iura non nunquam  
cogenda cogere suo iure possunt; nostra quoque Urbis Pontifici  
tanta est Diocesis amplitudo, ut in Conciliorum confessoribus eam ha-  
beat Sacrorum Praesulum coronam, qua potius quidem re ipsa Ar-  
chiepiscopus esse, quam huius tantum speciem occupare, videatur.  
Quamobrem Cives mei Ticinenses toto isto inter-pontificij tem-  
pore sunt Deum venerati, ut huius Ecclesiae administrationem vel-  
let demandari non nisi sapientissimo, & optimo Viro, qui nullius cu-  
iusquam censuræ obnoxius, famam simul, & conscientiam sua sponte  
vereretur; quiq; abstinendo vitijs, ut Insulatum Principem de-  
cet, ad virtutem, hoc est ad proprium hominis bonum, exemplis

alios



SELECTARVM EPIST. CENTVRIA. 63

alios inuitaret, & verbis adhortaretur: ac imperio etiam, ipse ab omni culpa vacuus, sine reprehensione coerceret. Id autem sui ex animi sententia sibi datum intellexerunt, cum te nostræ Urbis Episcopum renuntiatum fuisse, ad nos Roma nuncius allatus est. Ea enim te omnia ex amissum optime facturum, nemo est ad vnum, qui sibi ipse non polliceatur. Prasertim cum animo, & cogitatione hoc reputet, quod Maximo Pontificum, PAVLOV, ac Illustrissimo in primis Cardinali BVRGHESIO, multis antea, magnisq; in rebus, te sic probaueris, ut ab ijs tantæ viri integritatis, prudentiæ, ac doctrinæ, fueris iudicatus, qui Episcopi, sanè grauem in hac Ciuitate, personam sustinere posses. Atqui, ut ait Cassiodorus, non est maius meritum, quàm gratiam inuenisse regnantium. Nam quibus fas est, de cunctis optimos quærere, videntur semper meritos elegisse. Itaq; audi non nuncio tibi delati Episcopatus, Cives omnes, quotquot Felicitet cupiunt Reipublicæ Ticinensi, summis letitijs incesse-  
Sed tunc precipue adclamant illud ipsum,  
populus quod clamat Osyri

Inuento,  
cum te audierunt constantis ad id esse hominem ætatis, ut ad multos annos sis, CVM DEO BENEVOLENTE, perennaturus. Ut autem suas letitias, suaque gaudia in hoc, quod Plautus inquit, sine radio cumulata declarent, iam Flammæ cogitant Auspicales, & Arcus in Triumphi modum adornatos, meditantur. Ego tamen, Amplissime LANDRIANE, moræ omnis impatiens, dum ea nomina ciuium omnium parantur, singulariter istam per litteras tibi tuam gratulor dignitatem. Qua profecto, Sancum fidium testor, & priuatim letatus sum, quia Antistites tui similes, qui pauci admodum sunt, cum paucis obseruo: & publice etiam gestij, quia communibus patriæ bonis iuxta perfruor, ac prius meis. Vtraque certè causa Deum O. M. obsecro verbis Plinij, ut omnia, quæ facis, queque facies, prosperè cedant tibi, reipub. nobis: vel si breuius sit optandum, ut vai tibi: in quo respub & nos sumus. Vale, V. A. & sic Beniuolentiæ Tux Genio me fove, Clientem tuum religionis



ligionis causa Fiduciarium, ut lubens merito ipse tibi me ipsum,  
ac mea omnia eternam Dico, Aeternum Voueo. Ticino Regio, Pri-  
die Idus Iunias.

HIERONYMVS BOSSIVS

HIERON. PARA VICINO.

Regio Mediolani SENATORI,

S. P. D. Epist. 60. Mediolanum.

**V**T tu in primis, Senator amplissime, intelligas, quam feliciter  
omnia CORNAZZANO ceaserint, hanc ad te mitto Pa-  
negyrion. Etenim suas de iure, ac legibus Quaestiones, quas Ex-  
cellentiſſimo Senatui deditavit, in alteram partem dicentibus pro-  
lyti, cum maximo omnium plausu, & admiratione ipso triduo pu-  
blice dissoluit. Eaque re fuit omnino dignus, quem nostrae Acade-  
miae Antecessores nullo facto, de more, priuatum periculo de eius  
doctrina, & eruditione, iuris consultum renuntiarent. Et quoniam  
tunc temporis comitiorum Aula patuit promiscuo omnibus, ad eam  
actionem ordines fere omnes concurrerunt nostrae Ciuitatis. Nec ve-  
ro tanta frequentia defuerunt, qui homini Epinicion canerent.  
Vt ne tamen eiusmodi celebritas esset tantum temporaria; quam ul-  
tiplaudentes adclamarunt per Symbola, ego vnus collegi, ac in vnum.  
etiam, ut vides, libellum coegi ad perpetuitatem. Vale. Senator am-  
plissime, nostri saeculi delictum. Ticino Regio.

HIERONYMVS BOSSIVS

POMPEIO CORNAZZANO.

Parmensium EPISCOPO,

S. P. D. Epist. 61. Mediolanum.

**N**atura ipsa comparatum scio, amplissime Parmensium Pontifex,  
ut quos amemus, eorumdem quoque laudes & audiamus, &  
lega-



SELECTARVM EPIST. CENTVRIA. 63

Regamus cum voluptate. Quamobrem libellum istum, qui totus est de summa spei optimo ingenio, ac iudicio adolescere IO. ANGELO tuo, eo fidentiùs ad te mitto, quo certior sum de benevolentia, qua fratris filium medullitus complecteris. Nec ipsum verò argumentum non mihi persuasit, ut præsens præsenti tibi opusculum ego redderem potius, quàm per nuncios perferendum curarem. Tantum cerè disuasit, quæ me meam præter opinionem oppressere, multa, ac magnæ occupationes. Itaque nunc ad te hasce literas do meæ mentis interpres, & meæ etiam præsentiæ quasi vicarias: id quod sanè facio ut minime voluntarius, ita maxime iunctus. Etenim sperabam & meum studium in fratris filium, & erga te ipsum obseruantiam, me copiosius solo adpectu declaraturum, quàm ut sexcentis litteris bene longis significare possim. Tu fac valeas atque ad eos honores viue, qui tuis meritis debentur, qui à metibi optantur, propediem deferendi. Ticino Regio.

HIERONYMVS BOSSIUS  
NICOLAO LEYZALDO.

Regio Mediolani SENATORI,

S. P. D. Epist. 53. Mediolanum.

Scandebat roseo medij fastigia cœli.

Luna Virgo, totis vbi somnus interior alis

Defluit in terras, mediumq; amplectitur orbem,

cùm in Ardizoniana delitescerem officina ad typos cum manu scripto recensendos. Parum cerè abfuit, quin omnino desperarem me tibi posse absolutum opus in præscriptum diem curare. Quamobrem Edictorum, Rescriptorumq; exempla nihil exornata stylo, sed adhuc potius, ut vides, typographico humefacta atramento, ad te, Senator amplissime, nunc mitto. Porro autem fuit ita faciendum, ne Petiem frequentes ipsa vsus priuaremur opportunitate. Quod si spa-



66 HIERONYMI BOSSII TICINENSIS

ium ad expoliendum fuisset, ea profecto Sotiorum pumice monda-  
ri, ut maxime voluissem, ita curassem diligentissime. Tu cura ut  
valeas, & me, ut cepisti amare perge. Quod ut facias, rogo te & per  
Musas ANTONII mei, et per genium ac salutem LAVREN-  
TII pariter tui. Ticino Regio.

HIERONYMVS BOSSIVS  
DIDACO MILLIANO.

I. C., & Seguntino Primario ANTECESSORI,

S. P. D. Epist. 64. Ticini.

Veniant ad te, quae promisi, Schediasmata mea: & tantum cer-  
te decernunt, quia promisi. Aique refugiebat animus, ac reue-  
bat ista mittere: adeo ingenium suspicis, & iudicium veretur tuum.  
Etenim ego optime novi, quod tam acriter, scienterque ab Eloquen-  
tia de Mansuetioribus Musis, quam à turis prudentia de Seue-  
rioribus studiis & censeas, & pronunties. Non poterunt autem meae  
scriptiones, DIDACE praestantissime, non poterunt tantam ferre  
censuram. Sed una tamen ratione tu facile potes efficere, ut non me  
peniteat pollicis actionis, nec missionis meae, si quae Amici sunt, ami-  
ci legeris. Vale. LUDOVICUM VISMARIUM Iure con-  
sulum doctrina eximium eximie salutatum cupio. Ex adibus.

HIERONYMVS BOSSIVS  
ALEXANDRO LODOVISIO,

Archiepiscopo Bononiensi, & S. R. E. CARDINALI,

S. P. D. Epist. 65. Mediolanum.

Nihil unquam IO. ANGELO CORNAZZANO meo ac-  
cidit inuicundius, quam quod, Cardinalis Amplissime, pro-  
ximis



Amis superioribus diebus Ticino absueris: nec mihi vicissim quicquam ingratus, quam quod ego non esse istuc nunc possem Mediolani. Etenim ille, qui iriduo de legibus publice disputavit, & iuris etiam consultus fuit renunciatus, tuo in primis ad spectu plurimum suas illas actiones honestari discupiebat, ac simul, tua fieri humanitate, sperabat. Ipse autem quotidie magis, ac magis cupio togata salim opera, quando nulla alia re possum, me tibi gratum de eo officio praestare, quo paucis ab hinc mensibus per litteras mea causa apud Praesidem SQVARCIAFICVM perfunctus es. Quoniam tamen utriusque nostrum id quod maxime in votis erat, auersa Rhamnusia creptum fuit; ille suarum Quaestionum exempla tibi dedit, & ego nunc Panegyrim ad eundem mitto, ut nosmet ipsos quoquo modo licet consolemur, si libes volens oblata acceperis, in absentia tua. Quae quidem vix credas quantum non me solum, sed vniuersam Ticinensium etiam civitatem officiat. Ita velis Italici belli lano per te clauso, & pace feliciter constituta, prius, quam ad tuos Bononienses reuertaris, meorum civium Dultus, & pectora minimum semel exhilarare conspectu tuo. Interim det tibi Deus quae vis, quaeque mereris. Ticino Regio.

HIERONYMVS BOSSIVS  
IO. BAPTISTAE TROTTO.  
Regio Mediolani SENATORI,  
S. P. D. Epist. 66. Mediolanum.

Nonit profecto Persica, quantis laboribus, sudoribusque, observationes hasce meas Novas antiquas ad Umbilicum perduxerim. Sed me tamen satis amplum fecisse arbitror operae pretium, quod occasionem afferant tui li teris compellandi, ac mei etiam, qualiscumque sim, tibi eidem indicandi. Porro cum de Patrum CC. loquantur insigni, unus praecipue tuo iure istarum exemplum exposcere



scere videbaris, qui singulare ipsius Ordinis decus es, & ornamento amplissimi. Hinc igitur ego, qui ad te dudum scripturio, argumentum epistolae sumpsit contexenda: Verius dicam exaranda. Quis quidem libens merito & opusculum donatum, & me ipsum tibi, sapientiss. Senator, dicatum venio. Tu fac valeas.

HIERONYMVS BOSSIVS

CAROLO MADRVATIO.

Tridentinorum Episcopo, &amp; S. R. E. CARDINALI,

S. P. D. Epist. 67. Tridentum.

**N**on me fugit, Cardinalis Amplissime, quae tuorum sit meritorum cum magnitudo, tum multitudo. Non enim solum inter Praecipuos huius seculi Heroas adscriberis, quia CARDINALIS, sed quia etiam è genere natus es MADRVTIANA, itaque in tuas laudes non ita facile quisquam iret pro dignitate. Ego profecto vel earum minimam partem me dicendo complecti posse non sperarem, si mihi, ut ille ait.

----- cunctos Helicon indulgeat amnes,

Et superet Pymphaea litim.

Porro autem pauculos versus, quos eximij oratoris, & Theologi, CLEMENTIS VALENTII operi tibi dicato praefixos videbis, non magis à me scriptos existimabis, ut te, Cardinalis Amplissime, laudarem, quam ut me tibi indicarem, cultorem MADRVTIANI nominis studiosissimum, Vale. Ticino Regio.

HIERONYMVS BOSSIVS

IO. BAPT. VICECOMITI.

Regio Mediolani SENATORI,

S. P. D. Epist. 68. Mediolanum.

**V**nus tu mihi, Senator Ampliss. fuisti auctor consilij, quo commotus simul, ac communitus, ad opusculum de Latoelano conscribendum  
animum



animum ipse appulerim meum. Ea quere Calpar primiciarum editionis tibi ipsi omnino debebatur. Cum eas praesertim, dum hac Ticino pertransires in Laumelinum agrum proficiscens, ad te ego datum promiserim. Sed tanta me vis morbi cepit, ut memoriam pene rerum omnium extinxerit: & consequenter libelli istius mittendi attulerit oblivionem. Atqui per ipsos quattuor menses viuo videntique mihi funus ducebatur, & ad instar Pliniani Messallae eram factus mei nominis Amnimonis. Nunc igitur, salute nonnihil respiciete me, fidem meam libero, & promissionis memor, quod tibi recepi, tandem persoluo. Tu vero fac quae so & me absolvas tarditatis, & hoc ut verbo sacrificorum viar, inferium vinum qualecumque sit, libens accipias in signum observantiae erga te meae. Vale Ticino Regio.

HIERONYMVS BOSSIVS  
PRINCIVALLI MONTIO.

Regio Ord. Reddit. QVÆSTORI,

S. P. D. Epist. 69. Mediolanum.

NVllus apud nos tunc consultus renunciatur, ut optime nosti, sine publica, sed tamen temporaria, alicuius oratoris laudatione. Aeternam autem poetarum Panegyrim, quae typis committatur, perpauci merentur, aut non ita quidem certe multi consequuntur. Bonum factum igitur, quod non nullo abhinc menses CÆSAR & M. ANTONIVS tui, Suada, Musarum, & ABRÆE corculi, quia meruerint, fuerint consecuti: & quia consecuti fuerint meruisse ab omnibus fuerint etiam iudicati. Id quod repetere Bona Fide nos quidem possumus in eiusdem adolescentis, nostrae Urbis patritij commendationem, qui suarum de iure, ac legibus quaestionem ad te non ita pridem exemplum pertulit. Quod cum non ingratum tibi accidisse intellexerim, nec vicissim in iucundam fore tibi arbitror missionem Panegyrici, quem eidem à multis per Symbola dictum, atque à me uno editum, nunc ad te mitto. Vale. Ticino Regio.

HIE.



HIERONYMVS BOSSIVS  
**IVLIO ARESIO.**

Regio à Secretis Consiliario, & Senatus PRÆSIDI,  
 S. P. D. Epist. 70. Mediolanum.

**F**rensisbus quotidie magis occupationibus obrutor potius, quàm premor. Nec his quidem festorum dierum vacationibus mihi licet tantisper vacare, ut respirem. Itaque de eo, quòd me isthuc vocas Mediolanum, in tuis adibus verè prædianis hospitem futurum, ut agere gratias facile possum, ita nullo modo possum condicere. Vbi primum tamen dabitur aliquid otij, isthuc transcurram: ad te aduolabo. Etenim nihil mihi longius est, quàm ut tuo ipsius perfuar conspectu. Quo quidem quia iam dudum careo, vitam planè, ut græci dicunt, Autoton dego. Augetur autem meum isthuc proficiscendi desiderium altero desiderio, quoniam quantum incupio, BARTHOLOMÆ filij optimè patrizantis usus, ac eius delicias ingenij regustare. Quas quidem me scio regustaturum cum admiratione. Interim verò maximus iste Heros GOMEZ SVAREZ FRIGVERA, Dux Ferie, suam tibi cum gratijs volentibus gratiam conseruet: tu mihi tuam. Ticino Regio.

HIERONYMVS BOSSIVS  
**A LOYSIO MELTIO.**

Regio Mediolani SENATORI,  
 S. P. D. Epist. 71. Mediolanum.

**T**anilatitium hoc est, Senator Amplissime, ut qui in suprema aliene Præture tempestate apud nos Ticinenses Censorio munere funguntur, ijdem mox prætores ipsis noui anni calendis declarentur.



SELECTARVM EPIST. CENTVRIA. 71

tur. Ea re non possum tibi gratulari, quòd huc propediem Censor de-  
 turus sis quin illud alterum magis, ac magis later, te duos venientes  
 annos esse moderaturum civitatem hanc nostram prudentia tua. Iam  
 que mihi videor videre, ut cives mei, te Praetore, biennium agant  
 beatissimum: ac ea in primis felicitate perfruantur, quam in sua  
 Repub. summus ille philosophorum miserè nimis desideravit. Nec  
 verò quisquam hæc à me dicta putabit amoris potius præiudicio quo-  
 dam, quàm mentis iudicio; cum nemo ad unum nesciat hominem  
 esse te is moribus, ea vitæ integritate, eaq; animi prædium modera-  
 tione, ut non urbem modo unam, sed regna ipsa exemplo æquè, atque  
 imperio posses in officio continere. Quamquam ea sunt Ticinensium  
 ingenia ut ( præfiscini hoc dixero de popularibus meis ) exemplo ma-  
 gis indigeant, & moveantur, quàm hoc alio posteriore. Neque tam-  
 tum profecto suum verentur prætorem quòd ius habeat, si quid in le-  
 ges, & plebiscita commiserint, in se animadvertendi, quantum eun-  
 dem, si fuerit ipse vir edecumata probitatis, hoc est tui similis, de-  
 nerantur. Cum igitur hi mecum omnes præsumpto gaudio, te censo-  
 re designato, gaudeant, illud te summis precibus rogatum velim,  
 ut, maturato quantum maximè potes aduentu tuo, hanc nobis lei-  
 tuam solidam, ac quodam modo præsentem facias. Vale, Ticino Re-  
 gio 6. Kal. Decembreis.

HIERONYMVS BOSSIVS  
 GASPERI SALVIANO

V. A. Academico HVMORISTÆ,

S. P. D.

Epist. 72. Roman.

Tandem post bimestre intervallum unas à te litteras accepi.  
 Benefactum, quod cum auctario. Fastidia scilicet tam diu-  
 turni silentij deuorabo, dum vorabo lectione librum, quem misisti  
 cum epistola, clarissimi viri LEANDRI tui. De cuius poematibus

345



his hebruscelingua scriptis, quid ego sentiam, quid censeam, nihil in praesentia dico, abunde satis, & latine, hoc est sine furo, & fallacijs, more maiorum scripturus cum ea perlegero. Non enim antea solet pronunciari, quam optime de causa cognitum sit. Nunc autem, Verè dicam mihi maxime occupato non libet, ac potius summa religio, est, tanti viri monumenta, non vacuo animo perculare. Vbi tamen primum aliquid otij nactus fuero, ad id me conferam conficiendum, quod tu me rogas, & ego ingenij precipue causa validissime cupio. Atroxq; literas ad hominem dabo, non minus ingenium eius, & doctrinam laudantes, quam meam erga eundem proficentes benevolentiam. Sed de re mea scriptoria, quid istic agitur? quid speratur? ad Cardinales, ad Episcopum scripsi, ad te etiam exempla omnium literarum misi, neque illum, aut ab illis, aut à te ipso adhuc mihi offertur responsum. Quid hoc est? Habeo certè non pauca, quae in hunc sensum essent dicenda si non meam scriptionem, ut praelia solet, non dirimeret. Tu igitur fac valeas, Ticino Regio.

HIERONYMVS BOSSIVS  
MATTHÆO CAYRASCO

MALDONATO, Regio Mediolani SENATORI,

S. P. D. Epist. 73. Cremonam.

**P**urimum sanè Prætorium munus, quo apud Cremonenses persungeris, Senatoria honestatur dignitate. Hæc autem contrà nec paucis, nec parvis occupationum, & curarum, ut Plautus diceret, siue plaustris, siue thesauris ab ipsa oneratur Prætura. Itaque meae de Senatorum Latoclaudio observationes, quarum exempla ad ceteros collegas tuos dedi, tibi etiam, amplissime MALDONATE, dono debentur, cum sis Senator, & eidem subtimidè mittuntur, cum Prætor in ista Ciuitate

tot sustineas, & tanta negotia solus.

à quibus



à quibus mehercule sine publico in cōmodo auocari haud potes. Quamquam non ea est mearum obseruationum moles, ut in harum l. Etione sint ipsi dies insumendi. Atqui libro complectuntur, ut de re tania, breuissimo: & eo quique longè breuiori occupatis futuro, quod in decem, & nouem Syntagma a, quorum non nulla vix vnam paginam complent, tributus sit. Poteris tu quidem per interualla horis tantum subsecuis librum meum percuriendum sumere; & modò deponere quasi finientem, modò quasi iterum incipientem resumere. Caterum faxit Deus, ut te virum Bono Reipublica natum ad multos annos velut pereunare. Ticino Regio Idibus Iulij.

HIERONYMVS BOSSIVS

IO. BAPTISTÆ RESTÆ.

V. A. Prolitz, &amp; Academico AFFIDATO,

S. T. D. Epist. 73. In eius Nouillianis.

Cum duo ipsi menses abierint, ex quo in Nouillianum tuum, de hilaribus Hilaria celebrares, ab oculis ciuium concessisti; possent ego quidem cum Horatio dicere:

Ruris amatorem RESTAM saluere iubemus

Vrbis amatores, hac in re scilicet vna

Multum dissimiles, ad cætera penè gemelli.

Atqui vereor, ne tantam ex isto rure tuo percipias voluptatem, ut non vrbis solum, sed BOSSII etiam tui, obliuione capiaris. Cuius mihi suspicionis causam non mediocrem affert istud diuturnum silentium. Antea enim vix biduo desiderari patiaris, quin litteras ad nos mitteres bene longas, & lum nibus litas non minus ingenij, & iudicij, quàm amoris, & beneuolentia. Itaque si me diligis, atque adeò, mi RESTA, quia me cum paucis amas, redeundo, efficies, ut eam potius in alia omnia, quàm ut id credam, quod adhuc, leniter tamen, suspicatus sum. Veni, inquit? perplacet te ita dicere, sed ego tamen cum Plautina Gymnasio tibi occino.

— spissum istud amanti est verbum, veniam, nisi venias.  
Vale Ticino Regio. XVI. Kalendas Septembreis.

K

HIE.



HIERONYMVS BOSSIVS  
**ALOYSIO CAGNOLIO,**

V. A. è Societate IESV,

S. P. D. Epist. 74. In Braydense collegiū.

**M** Alè narro, Cagnoli optime: noua mihi exorta sunt malorum Illiades. Quae me quidem omnino auocant à Musis, Quod maximum Vocant merorem: adderem etiam, nisi aliquantum philosophari cum Seneca meo didicissem, ad lachrymas. Ne te tamen mecum paucis amantem quarelis enecem meis, abstinere tantas arumnas enarrare. Quas ne significatione quidem indicassem, si aliter potuissem apud te meam tarditatem in eo praestando excusare, ad quod ego fidei obligauī. Dum huius igitur liberanda otium mihi detur, in isto fac quaso acquiescas, quod de elogio promisso, quasi pecuniae debitionem constituam, meum nomen in tuis expensis tabulis iacere bona fide, optimoque iure profitear. Vale. Raptim ex aedibus.

HIERONYMVS BOSSIVS  
**GASPERI SCIOPPIO,**

V. C. Philologo, & Regio CONSILIARIO,

S. P. D. Epist. 75. Mantuan.

**G** Ermano tibi, CL. SCIOPPI, virum moribus, & eruditione sane elegantem, GEORGIUM VVALTHER satis ipsius patriae charitas posset commendare: est enim Germanus. Sed nolui tamen hominem isthuc sine meis litteris venire; Volui inquam ut qui eruditionis, & antiquitatis causa cognoscenda per Italiam peregrinatur, meo se tibi beneficio sisteret, in quo uno doctrina omnis, & anti-  
 quitas,



SELECTARVM EPIST. CENTVRIA. 75

quitas. Præterquam quod discupiebam me ipsum apud te purgare, quod superioribus diebus cum hic esses Ticini, te non adiuverim: te non salutauerim. Prius enim de tuo reddito Mediolanum, quam de aduentu ad hanc nostram Urbem ex DS. V. AQUILINO COPPINIO intellexi. Porro autem, qui te hic non potui cum MACRINONO meo inuifere, & meum omne obsequium offerre, isthuc certe aduolasse cum CAMPEGIO si minus fontico morbo factus essem planè Clinicus. Quo meo in infortunio, hæc una me res consolatur, quod humanissimus, idemque optimus VVALTHER in ipso amicitie tecum conciliandæ vestibulo, quanti ego te faciam, sit facile narraturus. Ex quo tu, nisi fallor, perspicies, quam mihi incundum accidisset præsentia tua vel ad horæ semissem potuisse frui. Vale seculi nostri Varro, ac Musarum decus, & præsidium singulare. Ticino Regio.

HIERONYMVS BOSSIVS

VALERIO CONFALLONERIO,

Regio Mediolani SENATORI,

S. P. D. Epist. 76. Mediolanum.

PRO virium mearum facultate, CONFALLONERI Amplissime, Regis beneficentiam sequor: quam imitari non possum. Is porò, qui te Senatorem creauit Latum Clauum dedit: ego autem, qui istam tibi dignitatem gratulor, ac benè, & feliciter euenire cupio, de Lato Clauo libellum mitto. Itaque non à Bossio minùs, quam ab ipso Rege, fortiter dicam, munus habes Laticlaniæ. Nec verò quicquam oportunius ad te posse mitti, aut quidem certè me posse mittere arbitratu sum. Quòd tamen hilari fronte accepisse te significabis, cum in tuam me fidem admittes, atq; accipies in clienelam. Pro cuius rei argumento, ac indicio auidissimè opperiar, ut tuis orner, ac honestè mandatis Vale V. A. maximo Senatui recens additum decus. Ticino.

K 2 HIE.



HIERONYMVS BOSSIVS  
IO. ANGELO CORNAZZANO,

L. C. è Ticinensi Collegio, & Duchessæ PRIORI,

S. P. D. Epist. 77. Romam.

**S**alutis augurium, quod mihi in ipsius anni vestibulo nuntias,  
Sic prorsum Sedens Capió, ut longè tibi felicius euenire cupiam.  
Tua quidem causa nõ minùs Perenne Auspicari mihi videor, quàm  
qui Amnem, Aut Aquam, Quæ Ex Sacro Oritur, Auspicatò  
Transit. Litteras autem, quas mihi ad Senatorem LETZAL-  
TVM dedisti, Bona fide reddidi. Ac istam in primis operam ti-  
bi industriè adco nauauí, ut planè litteras homini exhibuerim, ex tuo  
ipsius præscripto, Venerabundus, & cum summa reſtificatione obser-  
uantie erga illum tue. Cuius tibi diligentie argumento esse facile po-  
teſt, Senatoris responſum, quod hisce adiunctum ad te perferetur, Ete-  
nim præterquam quod humanitatis luminibus litum est, hoc ipſo die est  
etiã scriptum, quo tuas accepimus. Vale, & me ut facis, amare  
perge. Ticino Regio III. Non. Ianuarias.

HIERONYMVS BOSSIVS  
IO. FRANC. LANDRIANO,

Mediolani Senatui à SECRETIS,

S. P. D. Epist. 78. Mediolanum.

**F**actus sum tandem aliquando voti compos, LANDRIANE  
præstantiſſ. Ipsa enim abierunt sæcula, ex quo me tibi indicare,

ac



ac meam vicissim erga te voluntatem declarare discipio: Nunc autem cum Astræa propitia oblata nobis occasio est, qua facile possum preteritarum temporum desideria crebris siue scripturionibus, siue allocutionibus compensare. Porro hæc Sparta mihi non ita pridem suscepta, qua Ticinensium quaestionum summas ad Sanctissimum Mediolani Senatum habeo transmittere, & nunc ansam præbet meum erga te studium, quod utinam amæbæum sit, declarandi, & olim etiam dabit sepissimè salutandi tui. Cum igitur Inarcus O. T. heic in ergastulis Atreus, ab amplissimo Ordine Laticlauio rescriptum tua ipsius manu signatum impetrarit; Statum causæ non per alium quempiam ex VI Viris collegis tuis, quàm per te, volui Patribus Conscripitis reddi. Itaq; unà eademq; opera ad te mitto primitias & forensis meæ Themidis, & obseruantia erga te meæ. Hæc scripsi in Leyzaldie Musæ Cimiliarco. Ticino Regio XVI. Kalendas Decembreis. Vale vir humanitate, & prudentia eximie, ac præstantissime. Vale inquam, & me ama.

HIERONYMVS BOSSIVS

ANTONIO SERBELLONO.

V. A. &amp; COMITI,

S. P. D. Epist. 79. Mediolanum.

**V**alerij nostri oratio, quæ in funere habita fuit Præstantissimi Comitis IO. PETRI, fratris tui, sub prælo est typographico, ut excudatur: veriùs dicam, inibi est, ut excusa in manus hominū esse incipiat. Quia verò tanti viri casus me affecit ut singulariter, ita vehementer



menter, nolui omnino scriptionem hominis in vulgus emitti, quin illi meum quoque de tuo fratre elogium adiungeretur, cum ad meam erga Serbellonum genus obseruantiam declarandam, tum ad eius Herois facta atque famam cum laude, & bonis recordationibus prosequendam. Elogij autem ad te exemplum antea, quam Valerij oratio tibi reddatur, mitendum esse ideo putavi, ut facilius mei carminis lectionem ipse sustineas. Id quod certe ad Oenopolarum facio imitationem, qui prius ab emptoribus diluta vina degustari volunt, quam remeta, ac vina mera, ne horum sapore captis nequeant villa istis postea obtrudere. Atqui tanta est VALERII suauitas in dicendo, ut & sui omen facile cognominis impleat, & spem mihi auferat penitus futurum, ut perfecta eius oratione, duritiem, & infectias meorum carminum quisquam velit deuorare. Quamquam Vir amplissime, ANTONI SERBELLONE, eam esse tuam erga me voluntariam sepe, ac sepius multis in rebus perspexi, nihil de a me proficiatur, quin eo tibi saltem nomine probetur, quod meum sit. Vale Ticino.

HIERONYMVS BOSSIVS

PAVLO BELLONIO.

Regio Mediolani SENATORI,

S. P. D. Epist. 80. Mediolanum.

OMnibus profecto letitijs incesse, cum AV. IULIUM ARESIUM meum ex Quaestorum Praefide Senatus Principem renunciatum intellexi. Sed quo tamen tempore Senatorem te, praestantiss. BELLONI, ex Antecessore factum cognoui, gaudio plane exiliui. Atque adeo letitiae quodam morbo (non erubescam dicere ad meam erga te voluntatem declarandam) exini pæne de potestate. Cui quidem cum alio fontico morbo, quo pæne

Victima nil miserantis Orci.

sum



sum factus, aduersa occurrit Higeia. Mutò dictum, qui nullam omnino Higeiam agnosco, Supremus ille, siue rerum omnium moderator, siue modimperator mihi in tanta animi iucunditate, ut verbis utar Hispanorū egregiè adeò patronis fauentiū meīs, haquerido Dios aguar el contentamiento: Ex quo fit, ut togata operarte deducere cum ceteris deductoribus, trabeatis illis quidem, & annullo aureo insignitis, ego unus non queam. Officiorum quidem, salutationumque intermissio, quæ à me cliente tibi antea præstabantur, nunc debentur, facile inditio esse potest, quod langueam, quod iaceam. Hoc autem ego, ne secum quicquam de me suspiceris, per meas tibi litteras significandum putavi, tu verò si me in presentia tantum amas, quantum olim profectò amasti, non meam solum accipies excusationem, sed ipsam quoque excusationis causam dolebis, aduersam valetudinem meam. Quamquam si te tuam mihi gratiam conseruare intellexero, vel in maxima morbi vi, tua gratia fretum, me salute ipsa saniozem arbitabor. Vale ex adibus.

HIERONIMVS BOSSIVS  
BARTHOLOMÆO PISONO,

I. C. apud Ticinenses Criminum IVDICI,

S. P. D. Epist. 67. Ticinum:

Difficilem, adeò, & ut verbis comici utar, incommodificam viam, habui, ut non quidem cum Sole, sed vix cum prima face Mediolanum peruenerim. Sed cum tamen discendi, prius de tuis mandatis, quam de me ipso, deq; cibo capiendolicer adhuc ieiunius cogitavi. Atqui statim ad elegantissimum Virum, POMPEIVM fratrem tuum, me contuli: quæ mihi credideras narraui: de Senatoris LEYZALDI aduentu hominem monui. lamque illud quoque recensēbam, quod post me eras nuncium cum nonnullis scriptis missurus, cum ecce tibi, omni citius expectatione mea, IO. BAPTISTA



STA aduenit ea perferens cum literis tuis. Quibus visis ad præstan-  
tissimum Virum L. aduolauit, a quo id cerè mihi significatum fuit,  
quid crastino die, vi omnino esse tibi in optatis cognosci, de Fratris cau-  
sa Senatus habendus sit. Quidquid autem de ea pronunciatum fuerit,  
à me per alteram epistolam tibi ad vnguem perscribetur. Interim va-  
le, & me, ut facis, amare perge. PETRO FRANCISCO tuo  
Phœbi delicio, Musas benè volentes, & propitias cupio. Iterum vale.  
Mediolano.

HIERONYMVS BOSSIVS  
IOANNI CAVALCHINIO.

I. C. Ticinensium apud Mediol. Gubernat. ORATORI,  
S. P. D. Epist. 82. Mediolanum.

EX eo cerè, CAVALCHINI præstantissime, quod iugi littera-  
rum missione tantopere urgeas, vii Mediolanum proficiscar,  
Angularem tuam erga me humanitatem agnosco. Nec verò me isthuc  
tanto studio invitares, nisi iura religiose, ac sanctissime coleres nostræ  
amicitiæ, quæ ab ætate ipsa prætextata initium traxit, ad supremam  
vitæ tempestatem duratura. Quo in genere non me vngquam à te patiari  
superari, qui omnibus tamen ceteris in rebus tibi vni concedo libentissi-  
mè. Verum nihil, ut ad id redeam vnde diuertimus, me scito de  
profectione ista Mediolanensi adhuc cogitare, ne dum deliberare pos-  
se, cum nihil vicissim de re (tu quam dicam optimè nosti) aut secun-  
dum expectationem meam, aut in alteram partem, statutum fuerit.  
Vnus scilicet ex huius Prouinciæ administratoribus, qui in nescio quo  
rusculo suosive casu siue dedita opera, delitesci, n' causa est, quamob-  
rem commia non habeatur. Sed ea tamen in valde longum tempus pro-  
ductum iri non arbitror. De quibus vix cerè quicquam statuetur, cum  
se statim per litteras monebo, quid ego facturum sim Tu interim vale,  
& salue ab Antecessore Primario, BELLO NIO tuo. Ticino Regio,  
HIE.



HIERONYMVS BOSSIVS

PETRO FRAN.<sup>CO</sup> CORIO

Regio Mediolani Senatori.

S. P. D. Epist. 83. Mediolanum

**F**elix sit, faustum sit, U. Ampliff. PETRE FRANCISCE  
CORIE: tandem aliquando multis, ac magnis meritis tuis Rha-  
mus cessit, perpetua aliena laudis aduersaria. Quae quidem non se-  
mel, aut iterum, sed saepe, ac saepius, dum Senatoriae Nomenclaturae  
ad Regem in Hispanias tuo in eis adscripto nomine transmitterentur,  
in spe, ac votis hominum illusi, istam tibi latitauit dignitatem au-  
gurantium Nunc vero eadem ut dicta succumbit, ita herbam in de-  
ra porrigit Vincenti. Virtuti tuae.

Quemadmodum itaq; . . . . . altus olympi

Vertex, qui spatio ventos, hiemesq; reliquit,

Celsior exurgit pluuijs, auditq; ruentes

Sub pedibus nimbos, & caeca tonitrua calcat,

nunc tu potes tunica iure tuo exornatus plus quam palmata triumphare. Quamobrem tibi vniuersa siue Ciuitas, siue prouincia Medi-  
lensis tanquam Senatori, Optimo iure, & tanquam Victori lo Tri-  
umphe, adclamat. Ego tamen singulari tuorum collegarum LEL-  
ZALDI, & BELLONI testificatione commonitus, quorum  
virumque te iuris praesidio, ac legum tutela de Caelo delapsus predi-  
care non semel audiui, de publica via deflecto, Atqui non Senatoriam  
tibi dignitatem grauior, sed te potius & dignitatis, ac Reipublicae.

Nec erit, puto, qui meum hoc consilium non probet, cum virisque  
Bono tu natus omnino videare. Cura ut valeas, ac me tuorum clien-  
tum Albone dedignare: id quod mente animi veriùs, quam ioga creta,  
Candidatus peto. Iterumque vale.

Ticino Regio,

L

HIE-



HIRONYMVS BOSSIVS

## AVRELIO BVSSOLO

Philosopho, & Regio ac Ordinario Medicæ Praxis  
INTERPRETI.

S. P. D. Epist. 83. Ticinum.

**F**lgmentum Græci poetæ fuit, quod Phæbus Platonem, & Esculapium genuerit, ut ille corporibus, hic animis moderetur. Mera hæc autem veritas est, quod siue aliqua morbi ut corpus, siue affectione aliqua animus oblanguerit, tu mihi, quasi Plato Esculapius quidā, Virumque mirifice in pristinam salutem, & hilaritatem restitueris. Etenim tanta mecum semper in allocutionibus usus es humanitas, ac Arte Sophorum, ut mentis omnem facillimè dolorem, mœroremq; fueris consolatus: tanto verò studio ad curationem incubuisti, vitam de mihi idem potueris semel atque iterum

ratione medendi

Porrigere, &amp; fatis amplificare moras.

Itaque tibi plurimum debeo Viri Amico, quod amoris vicissitudine re-  
pendo: nec parum Viri Medico, quod non regero, id perpetuò debiturus:  
me tamen honorem, qui medicis habendus est, offerente; sed te illum  
ut ipse dicit Philij ac Phæbi causa recusante. Quibus ego te nomini-  
bus, & amo libens, & meritiò veneror, atque in primis, ut omnia fau-  
sta, & honorificentissima quæque accidant, exopto. Itaque vix cre-  
das, præstantissime BVSSOLE, quanto sim gavisus opere, cum te  
in florentissima ista Ticinensi Academia ex ordinario Theoricæ Me-  
dicæ doctore ordinarius Practicæ Interpretem fuisse renuntiatum in-  
tellexi. Sed illud non vulgariter meam auxilii lætitiā, quod D. S. V.  
IO. BAPTISTÆ SYLVATICI, Archisuri edui cum in Italia,  
tum in Gallia, & Germania operibus Clarissimi sis factus in isto

manere



munere collega. Quod tibi dum gratulor, hoc mente, & animo compre-  
hensum habeo, quod, cum pro labore honoris tui honorem alterum ha-  
bere merueris, honorifice admodum de illo priore sapientissimus Me-  
diolani SENATVS se sensisse honoris secundi accessione declarauit.  
Magnum sanè de te, ac tua virtute iudicium, cuius causæ amplissi-  
mo huic ordini plurimum debes. Et enim honor, & ut Cassiodorus ait,  
dignitas, dum ad incognitum venit, donum est, cum ad ex-  
pectatum, compensatio meritorum, quorum alter debitor iu-  
dicii, alter obnoxius est fauori. Nec vereor, quin aliquando etiā  
longè plura ipsi SENATV l debeas, cum pro tuorum meritorum magnitudo  
dine nouis te honorum, atq; etiā præmiorum augmentis exornabis. Tu  
certè diligenti, & industria, ac ipsi præcipue philiatricis probata opera  
tua efficiet, ut re bene ac feliciter gesta alia tibi maximo isto mu-  
nere longè maior Artis Medicæ tradenda provincia deferatur. Interim  
Vale. Hæc in Museo nostro exarant ad Agalma sedens Ioan. Pctri  
Imberti Medicorum sui temporis facile Principis.

HIERONIMVS BOSSIVS

FERDINANDO QVINTANA

D V E G N A S

Regio Mediolani Senatori.

SPD. Epist 85.

Mediolanum.

Tantum equidem Reipublica interest, ut ad eam administratio-  
nem viri promoueantur, qui & abundant, & plurimum sapiant,  
ut nihil magis utile, nihil æque sit necessarium. Hoc autem quisquis  
verum esse, uti verissimum est, persuasum habet, non potuit non ma-  
nus sustollere, cum te Senatorem designatum audiuit, qui ut Comi,  
& Pluci, ita diuinijs flores Bonæ mentis, & ingenij. Ego quidem  
Vialibus feci ut te sospitem ex Hispanijs in Italiam deducerent.  
Quod cum re ipsa effectum tuus declarauit aduentus, omnino dum has

L 2

Ticino



Ticino pertransires proximis superioribus diebus, ad te ire, & honoris, & gratulationis causa discupiebam. Sed, quando per tuum mihi repentinum discessum id coram exequi non licuit, nunc saltem per litteras etiam tuum cum salute aduentum, & speratum ab ista dignitate commodum aequè tibi, ac Reipublicæ gratulor. Vale Ticino Regio. Hæc scripsi in Prætorij ædibus ampliss. Leyzaldi collega tui, & patroni etiam mei.

HIERONYMVS BOSSIVS  
HENRICO ARSAGO

Electorum Iudicum Mediol. Coll. IVRIS CONSVL.

S. P. D. Epist. 86. Mediolanum.

ET gaudeo, & tibi etiam, atque etiam gratulor, V. præstantissime me HENRICE ARSAGE, quod vi audio,

Expers curarum, atque animum virtute quicquam  
Compositus, semperque tuus,

in tua te oblectes bibliotheca: cuius ransa à libris elegantiæ, & suauitas est, ut in istam Musæ frequentius ad te, quam olim ad Herodotum, nunc putem diuertere. Nec, quia tamen omnino quiete priuer, ut cum poeta loquar, tunicata, minus hæc vera est gratulatio. Etenim ingenium meum in hoc vno, si nulla alia in re, cum Plinij natura consentit, quod non ego, ut multi, inuideo alijs bonum, quo ipse careo; sed contra sensum quendam, voluptatemque percipio, si ea, quæ mihi denegantur, amicis video superesse.

Atqui versari, heu me miserum? quotidie cogor in pulvere hoc forensi, ubi ne voxula quidem ex auditur, quæ amantem sapiat. Mansucioris Musæ. De cælo inquam delapsus, & peius quam in insulas Cycladas deportatus mihi videor, ex quo fui, & igne Poetico, & aqua Aganipedum interdictus: tu autem, si quis alius, optime nosti quorum culpa. Quid igitur rogas? Obstreperunt auribus meis pro Tullijs, &

Flaccis



Flaccis Legulei quidam, & rabule: moratores quidam vulpiones,  
lucripeta, crumenimulgi. Quorū certē lingua grauius mihi olet, quā  
Augiæ stabula fatere dicantur. Ferendū profectō essent, si rus verum,  
& lapides tantum loquerentur, ut ille Catullianus. Etenim Arabi-  
cum unguentum est, præ horum luto, & sordibus annalium carta  
Volusianorum. Sed vereor, ne, si ulterius hoc argumento progre-  
diar, stomachum tibi faciam legenti. Quamquam, si vera dicenda  
sunt, hæc ideo ad te scripsi virum mei amantissimum, ut mea causa  
in eo magis, ac magis aduigiles, quod mihi te tuo in Ticinensi discessu  
ceraturum condixisti. Quod si iterum tuo beneficio illud mihi da-  
bitur orium, quod olim fuit, cum

liber animos, & sui iuris, mihi

Semper vacabat studia recolenti mea,  
plus ego tibi debebo, quā ipsis parentibus, quibus quidem, secundum  
Deum, ipsam vitam debeo. Vale. Ticino Regio.

## HIERONYMVS BOSSIVS PRINCIVALLI MONTIO

Regio Mediolani, SENATOR.

S. P. D. Epist. 87. Mediolanum.

Presumptum certe gaudium vel tunc ego gauisus sum, ampliss.  
Monti, quasi Senator fuisse creatur, cum inter Regios Quæsto-  
res annis proximis superioribus adscriptus fuisti. Etenim summus ille  
Regum Philippus, qui te laticlavia ornatum voluit dignitate, aliterius  
Philippi Regis & filius, & heres est, qui HIERONYMVM patrem  
tuum in amplissimum istum ordinem cooptauit. Tu verò in parentis  
hereditatem, non quā solum usus, & fructus, aut mancipium, &  
nexus prædiorum habetur, sed quā etiam nominis fama, integritas,  
doctrina, prudentia, & cætera id genus virtutes censentur, te tuo iure  
sempridem immisisti. Vique nemo non poterat non tibi Senatoris  
filio,



filio, Senatoriam ab eo Rege dignitatem polliceri, qui ut  
regit patris virtutibus orbem;

ita quoque in deferendis honoribus non nisi hominibus sine ulla exceptio-  
ne laudandis, paternum sequitur exemplum. Cum alij igitur omnes,  
quod ad ornatiſſimum in Republica Mediolanensi dignitatis gradum  
promotus fueris, tibi gratulantur, unus ego ab eiusmodi officio di-  
ſcedo gratulationis, ſequor tamen coniecturas meas, & præſumpta  
perfruor lætitia, dum aliud quiddam maius, quàm, quod nunc es con-  
ſecutus, tibi delatum iri auguror, polliceorquæ. Interim vale, & vive  
ad multos annos, ſuperſtes illi gloriæ, quæ c. **ÆSAR, & M. ANTO-**  
**NIVS** te patre digniſſimi filij, Iuriſconſultorum eloquentiſſimi, &  
eloquentium iuris peritiſſimi cū paucis præſtabunt, ac orebunt: Unus  
ſcilicet cū Romæ purpura ornabitur, alter cum Laſo Clauo Medio-  
lani iterum vale, & vive, ac me, ut facis, fouere perge.

HIERONYMVS BOSSIVS

## BASSIANO CATENAGO

Theologo, ac Reg. Lateranenſi CANONICO

S. P. D. Epist. 88. Genuam.

**E**A planè ad nos litteris, nuntijsque de te perferuntur, quæ certis  
ac clavis, & proſperis e cœlo datis ſignis, augurati ſumus  
in tuo diſceſſu. Tantam ſcilicet in concionibus te tibi audientiam face-  
re audimus, ut apud alios, qui iſthic Genuæ in Verbi Dei ſeſe exercent  
prædicatione, mira ſit infrequentia. Hoc ego quidem quam, qui ma-  
ximè, lætor, ac gaudeo. Quamquam illud me magis mouet, quod in  
ſummo Templo maximus iſtius Reipublicæ DVX tuorum aliquando  
orneret, ac illuſtreſ auditorum coronam. Nimirum unus intelligit, quan-  
ti referat, ut ſuo ipſius exemplo ad eum audiendum excitet, qui iſtos  
poſſit, & dictione, & vitæ in primis integritate non tantum in reli-  
gionis ſtudio continere, ad eoſdem etiam ad cœleſtium rerum contem-  
plationem inflammare. Atqui nemo non videt, non fatetur te illius

Hierois



SELECTARVM EPIST. CENTVRIA 81

*Herois munus perbelle sustinere, qui, ut dicitur à Prudentio elogium  
occinitur, doctor est Populorum,*

— & ore potens coruos mutare columbis.

*Ea re nec mihi nouum, nec miram est, quod ad te unum cum Duce  
ipso S. P. Q. Genuensis concurrat, & confluat, de quo quidem tibi  
gratulor vehementer, quia te non minus in ea agnoscere salutem Ani-  
morum, quam fructum te scio amare eloquentiae tuae Vale. Pæne  
præterieram, quod tibi futurum arbitror iucundissimum: ALOYSIVS  
TROTTUS a adolescens ingenio supra humanum prædicto in Bray-  
densi Collegio nudius tertius eleganti sanè, & accurata Oratione illud  
suasit, fortasseq; etiam persuasit, quod æstiuæ tempora sint, quàm  
hyberna Musarum studiis aptiora: ex illa autem actione eos plausus  
tulit, qui te quidem si adfuisse immensum quantum oblectassent, ut  
homo es amplissimi Senatoris IO. BAPTISTÆ TROTTI, eius  
patris studiosissimus, cupidissimusque. Interim vale, & me ut sa-  
cis ama. Mediolano postridie Idus Iulias.*

HIERONYMVS BOSSIVS

ALOYSIO MELTIO

Regio Mediolano SENATORI, & COMITI.

S. P. D. Epist. 89. Mediolanum.

*P*æclarum sanè argumentum est tuorum meritorum, amplissime  
vir ALOYSI MELTI, quod maximus regum Philippus non  
eo contentus, quod te Senatorem creauit, COMITEM etiam ornare  
doluert. Ego quidem, cum tibi MAZENTÆ municipium manci-  
pio, & nexu, ut ita dicam Regia liberalitate additum intellexi, ipse  
non dubia sperare cœpi, ut, qui prioribus posteriora beneficia adiunxit,  
beneficia ista velis tertio suæ liberalitatis munere cumulare. Hoc  
autem ut Bonus euentus curet, ac perficiat, iugibus precibus rogo.  
Tu interim cura ac valeas eximium curiæ lumen, & me ama  
pudissimum tui.

HIERO.



HIERONYMVS BOSSIVS

BARTHOLOMÆO ZUCCHIO

C. V. &amp; Præstantissimo PHILOLOGO,

S. P. D. Epist.

90. Modoetiam.

**I**Ncredibilem sanè, CL. V. Bartholomæe Zucchi, de tua humanitate Io. Baptista Solarius apud me excitatæ expectationem. Sed eam tamen, quanta quanta esset, longè officijs tuis superasti. Etenim non eo contentus, quod me tuis verbis communis hic amicus salutaris, litteras ad me etiam dare voluisti, in quibus prolixam voluntatem tuam non minus perspicerem, quàm ingenium suspicerem tuum. Atque non aliunde omnino benè conscribendarum epistolarum ratio, & **I D E A** petenda est, quam à tuis ipsius litteris elegantissimis, ingeniosissimis. Id quod profectò verissimum esse confirmant omnes, qui tua scripta perlegunt, quis autem non perlegit? sed unus in primis Valerianus Castillionius vir eruditione præstans, iudicio acutus, & censura verus, qui tuam ad me datam epistolam semel, iterum, ac tertio sibi voluit recitari, in te nostri seculi Italico tullio genium ipsum epistolarem agnoscebat simul, & admiratur. Cuius rei argumentum non vulgare habes, quod unius tui salutandi causa Modoetiam is cogitavit, atque etiam venerit. Hominem autem ut humaniter vel excipias, vel complectaris, nec te rogo, nec moneo. Eum enim esse te non ignoro natura virum, qui omnibus tua sponte sis facilis, & benignus ac vicissim non me fugit tot ac tanta esse in Valeriano meo virtutis merita, ut vel unico congressu omnium sibi facile conciliet amicitiam. Vale Mediolano pridie Nonas Maias.

HIERO.



HIRONYMVS BOSSIVS  
TRVSSO TRVSSIO

Regio Mediolani SENATORI

S. P. D. Epist. 91. Mediolanum.

**Q**ui hanc tibi meam, Senator Amplissime, epistolam reddet, natione Belga est, professione pictor: etate quidem, ut vides, adolescens; arte vero, & ingenio senex. Is Mediolanum venit, de Urbis istius opes, & opera videat simul, & admiretur. Quae sane ut cum Lipsio dicam, Admiranda sunt, & cum Romanis illis facile conferenda. Sed nec homini fuit ista omnino una perfectionis causa. Etenim signa etiam Bassanica, & Luuinica; Campina, & Titianea; addo etiam Figiniana, Cerranica, & Procaccinia, quibus Urbs ista vniuersa exornatur, mirè cupit videre videre autem? parum dixi de adolescentis cupiditate non amanda minus, quam predicanda. Cupit namque pro virili sua nobilium pictorum tabulas quodam modo transferre in tabulas suas. Quare cum apud Flauium Belcredium nostra vicinia delicias me saepe audierit celebrantem pictorum Cimeliarchium tuum, voluit omnino sic per meas litteras indicari tibi, ac simul commendari, ut ad istud admittatur inspiciendum. Hoc autem si homo à tua humanitate, ut spero, impetrauerit, & mihi erit pergratum, qui Ermanni Yterri causa (sic est nomen adolescenti) omnia cupio, & volo; nec tibi fortasse, amplissime SENATOR inuicundum erit, qui pictorum delectariis siue consuetudini, siue disputatione. Interim vale, & vive. Ticino Regio.

M HIE



HIERONYMVS BOSSIVS

## IO. BAPTISTÆ PROVERÆ

Bellingerio, Senatui Mediolanensi A SECRETIS,

S. P. D. Epist. 92. Mediolanum.

**R**egiam strenam, qua te auctum littera nunciarunt isthinc ad  
 amicos scripta, quancunque maxima potest, & animi, &  
 amoris tibi gratulor abundantia. Atqui peropportune accidisse puto,  
 ut munus istud Regium, quod ab hinc non paucos menses sperabatur,  
 nunc tantum temporis delatum sit, qui festos hosce dies transigeres læ-  
 tius, hilarius. Omnibus itaque lætijs videre te mihi incedentem  
 Videor, quia C. V. Sacco socero tuo, quem antea cognominem habuisti,  
 nouo isto munere nunc etiam factus sis collega. Vale. Ticino Regio  
 postridie Seruatoris natalem diem.

HIERONYMVS BOSSIVS

## NICOLAO LEYZALDO.

Regio Mediolani SENATORI,

S. P. D. Epist. 93. Mediolanum.

**M**onitum per antecessoris L. V. litteras die Veneris proximo de stu-  
 diorum inauratione Senatui habendum esse intellexi. Ego au-  
 tem perdifficile, ac verius dicam impossibile futurum arbitror vi Typo-  
 graphus ad tam breue tempus decreta omnia, & rescripta Principis, &  
 Senatus excludat. Quod ad te quidem Senator Amplissime significan-  
 dum putavi, ut de eis deliberes siue manuscripta mittenda sint; siue,  
 quoad opus absoluitur, expectandum. De qua tamen deliberatione

tua



qua velim à te ipso certior fieri per epistolam. Interea ego autem ur-  
gebo Andrezonij operas, ut quam fieri possit ardentissime ad impres-  
sionem incumbant. Tu fac valeas. Ticino ex Prætorij adibus tuis.

HIERONYMVS BOSSIVS

FEDERICO BORROMÆO.

Archiepiscopo Mediolani, &amp; S. R. E. CARDINALI,

S. P. D. Epist. 94. Mediolanum.

**N**ulla fortasse in re homines frequentius peccant, quàm in mune-  
ribus deferendis. Cuius erroris causam hanc esse puto, quòd se-  
rè nemo, ut nunc temerè, & inconsultè viuatur,

Reddere personæ sit convenientia cuique.

Quis enim vel tantillum consideratus litterato viro Martis frameam,  
aut contrà in lili, & bellatori Lyram daret Apollinis? Ego quidem li-  
cet in omni re alia parum iudicio valeam, in hoc tamen genere, præ-  
fiscini dixerim, & antea valde semper, & nunc quàm maximè, illud  
studeo, ut ne munus offeram alicui sine delectu: ut ne inquam mi-  
hi ipsi eam gratiam, quam donando quero, imprudens extinguam,  
aut quidem cerè debilem. Ex quo factum, Cardinalis amplissi-  
me, ut, qui nihil habeo te dignum Principe litteratissimo, non ego ad  
te audeam de meo quicquam transmittere. Cum igitur Iulius Cæ-  
sar Madius V. in iure, ac legibus haud parum versatus, ac tui ma-  
ximi nominis magnus cultor opusculum de sacris Ordinibus doctum  
sanctum, & eruditum ediderit, ad te dono mittendum putavi, ut te alie-  
nis munerer, qui meis non possum. Qua in sententia illud me singula-  
riter, nec mediocriter confirmavit, quòd is quarto quoque versu ad suas  
assertiones confirmandas auctoritatem suscipiat C. L. I. E. Marij An-  
tonini tui. In cuius ego laudes non ibo, cum nec sit hic locus, nec tu igno-  
res, quàm præclarè prudentia sua, & multarum rerum scientia Vi-  
cariam tibi operam naues in Archiepiscopij administratione. Quia

M 2 verò



Verò, ut ad id deam, istud ipsum, quo te muneror, de re sacræ est, non te rogat. Virum è Sacro Purpuratorum Ordine cum paucis eximium, ut librum vel excipias libenter, vel diligenter legas. Cum præcipue ea tua sit humanitas, nihil ut respuas, quod ab animo tibi dedito, proficiatur: ea doctrina, ut ad nullam rem aliam, quam ad legendum, tua sponte feraris ardentius. Vale Princeps amplissime: vale litterarum, & litteratorum in Italia Mæcenæ. Hæc scripsi in Musæo ad S. Caroli imaginem, qua inter ceteras indigentium, ac VV. illustrium tabulas, sic à me posita est, ut totus hic locus illustrari non nisi ab uno Carolo videatur. Ticino.

HIERONYMVS BOSSIVS  
IVLIO CAESARI REGIO

Todeschinio A. V. & IVRIS CONSVLTO

S. P. D.

Epist. 95. Mediolanum.

NOstrum planè omnium, qui tenui in re politionum studia complectimur litterarum, aqua ratio est, atque amatorum, qui, licet sit domi curia suppellex, muliebri allekti, ac potius decepti forma, uxores ducunt indotatas. Virique enim iucundas noctes habemus, nec iniucundè isti cum Venere, nos cum Musis vigilamus. Virique etiam suauiter esurimus, atque sæpissimè ut ille ait comædia palliate Roscius, Aphisæa celebramus. Nec verò sumus in hoc dissimiles: quod ydem, si fuerit ad conceptus sterilis coniux, ut suas sibi res habeat per diffareationem inbere, atque alias sibi nuptias parare possunt: nosque ratione pari, si nullam habeat Musa compendi fecunditatem

iure



iure illi nostro edicimus.

..... vt res suas procuret, ædibus facessat,

atque mox etiam in ea arte, quæ sua vbertate veracior esse videatur nostram ponimus industriam. Cum labores igitur literarij nobis frangi potius, quàm commodosint, hoc præcipue tempore, quo viri isti, heu quid proloquar? ad alia nos traducere animum cogitamus. Ad quæ tamen vellem proxeneta honorarij operam mihi naues. Eaque re cogitata mea omnia in tuum sinum liberè effundam. Cuperem igitur in S. vel M. C. L. ÆQ. munus sortiri. At istud fortasse inquires, non ita, est vt arbitramur, expeditum. V. Procuracionem, Cerealem Æ. non recusarem: minus dicam R. S. M. & A. aut etiam S. A. C. Q. aut Custos essem non inuitus. Quamobrem gratissimum mihi feceris, si vbi primum Aresius Præses in sermonibus meo tecum nomine vsurpauerit, ex illis bellè tu captaueris occasionem exprimendi formam quandam, & imaginem rerum mearum. Quæ adeo quidem cadunt infelicitè, vt nulla ex talorum iactu in meo ludo Venus appareat. Hoc autem cum Præses intellexerit, non vereor, vt tamquam Hercules Alexicacus malum omne, quod mihi ab euentu non bono excitatur, sua, & auctoritate, & benignitate sedet, ac depellat. Ex quo etiam, mi Regi, fiet, vt idem ipse, cuius ego ingenium, quale sit optimè noui, virumque nostrum multò quam antè ardentius amet: te, quia indicio fueris, vt apud clientem, quod semper fecit libentissimè, beneficium poneret: me, quia quantus quantus ero, esse omnino a se ipso cognosceret. Atque erga suum beneficium sic afficietur, vt artifices erga opus, Poetæ erga versus, & pictores erga tabulas suas. Vale.

H. E.



HIERONYMVS BOSSIVS

MATTHÆO VALERIO.

Carthusiæ Ticin. apud Mediol. PROCVRATORI,

S. P. D.

Epist. 96. Mediolanum.

Quam vellem VALERIO optime, ut te mihi prius, quam me tibi Soffagus indicasset. Non tu certe adeo humana, et prompta amoris erga me tui professione hoc officium significandi meam erga te voluntatem prauertisses. Etenim iste noster interpretis amicitia inter nos concilianda, dum me tibi officiosè quidem, ac peramanter salutauit, cum esse te in literis ostendit, quem omnino dignum iudicaui, ut ab omnibus, sed ab ijs præcipue, qui bonas litteras colunt, amaris potius, quam redameris. Itaque pro virili mea illud conabor efficere, ut quantum præoccupata saluatione vinctus, quantumque meritis ac doctrina vinctus sum, tantum par tibi sim amoris abundantia. Quam te officijs meis, non enim dicam beneficijs, aliquando perspectam, & cognitam habeas, me quam potero diligentissime curaturum polliceor. Interim vale. Ticino Regio.

HIERONYMVS BOSSIVS

CAROLO ANTONIO BELCREDIO

I. C. Acad. Affidato, &amp; Reipub. Ticinens. AGENTI

S. P. D.

Epist. 97. Romam.

Litteras tu quidem, BELCREDIO optime, non Romanenses solum, quia Roma missa, sed planè Romanas, quia candidè scriptas, ad me per florem illum Charitum Nicolaum Ritum dedisti. In quibus plusne tuam erga me beneuolentiam fuerim complexus, an ingenium, & ingenium suspexerim, omnino nescio. Quamquam illud certi scio, magnam te mihi curam, & animi sollicitudinem inieciisse,

cum



cum ista in Vrbe, in qua vel pueri ipsi, ut ait Poeta.

..... nasum Rhinocerotis habent.

nugas quisquiliasq; meas tantopere tua praedicatione desiderari significasti. Tantum abest, ut ad clarissimos istos viros tu mihi meos numeros siue Tuscos, siue Latinos mittendos esse persuadeas: qui alia tamen omnia persuadere facile posses. Non enim me adeo fugit ratio, non sic desipio, ut ignorem, quam ego anser Amuson sim inter olores; Itaque, nisi olim magis, quam antea ad versum pangendos Musas habuerim propitias, tibi ipsi, qui pro me spondidisti, praesto noxa erit: atque adeo ut nexum fugias, omnino aliquid de tuo supponendum erit pro meo. Vale.

HIERONYMVS BOSSIVS

IO. BAPTISTAE BIGONIO

In S. Iuuentij Canonico, & Ticin. Semin. RECTORI

S. P. D.

Epist. 98. Ticini.

**N**on Vereor quin, quo tempore fueris ab nouo Episcopo in Seminarium reuocatus ad iuuentutem erudiendam, cum Tyndaro Plantino dixeris:

Ex auspicaui ex vinculis, nunc intelligo

Redauspicandum esse in catenas denuo.

etenim munus est erumnis plenissimum, quae non minus animu, quam ipsu corpus afficiunt. Quia tamen eiusmodi facto declaratur, quam per iniuriam fueris ab hinc tres menses exauthoratus spartam istam litterariam, quantumuis laboriosam, puto gratam tibi, & iucundam accidisse. Etenim longe maius tibi eidem est ornamentum allatura, quam fraudem ij olim fecerint Interpontifices temporarij, qui successorem dederunt nihil tale merenti. Quamobrem ego, qui te semper ornatisimum volui, prouinciam istam tanta cum tua dignitate iterum delatam gratulari omnino debeo. Quae utinam meo voto atque

etiam



etiam ex tuo merito prosperè eueniat succedat, feliciter. Vale  
meum mel. Raptim ex adibus.

HIERONYMVS BOSSIVS  
VINCENTIO GALLO

V.R. in Arcimboldio Gymnasio Eloquentiæ Primario  
INTERPRETI.

S. P. D. Epist. 99. Mediolanum.

**N**on potui non ollæ osculum dare tabellario, qui tuam hodie  
VINCENTI GALLE, ad me pertulit epistolam. Etenim  
quod in eo tu Vir Reipub. litteraria Consularis mecum sentire scribas,  
in quo censor iste vitio creatus dissentit, omnibus omnino letitijs in-  
cedo. Præterquam, quod ea tuarum est litterarum suauitas, et lepores,  
ut in eis perlegendis non summa iucunditate perfundi, hominis esset  
prorsus discedentis ab omni, et morum, et ingenij humanitate. Por-  
rò autem de tua ego epistola sic existimaui, ut non in maximis gene-  
ralium tuæ Societatis Comitiorum occupationibus, sed per summum  
potius otium in ipso mundi umbilico Parnasso, dictantibus  
Musis, eam à te scriptam fuisse dixerim. Aque equidem, ut  
intelligas, quantum ea me delectauerit, ac me hercle etiam  
iuuerit, Bona Fide hoc vnum affirmo tibi, quod ab illa  
egomet fuerim ab omni stomacho, et indignatione ad magnam  
animi traductus tranquillitatem. Eaque re non paucos nunc ipsum  
iambos, quibus me rabies pæne Archiolochia armare cæperat, obli-  
uioni, ac Vulcani potius violentiæ trado. Quos profecto si vel tan-  
tùm M.S.S. in hominum manus ire fuisset passus, Burdo iste Sca-  
rabæis impurius nusquam esse posset, quin prætereunti puellus quisque  
quadrinuis.

digitum porigere medium.

Tu vale



Tu vale, & me ama. Religiosissimo viro Bartholom. Jauano, & elegantissimo Valentino nostro S. adscribo P. Hæc exaravi in Aresiano meo ad sanctissimi tue Societatis Indigetis, Alexandri Saulij imaginem. Ticino Regio.

HIERONIMVS BOSSIVS

ALOYSIO BOLOGNINO.

V. R. c Societate I E S V,

S. P. D.

Epist. 100. Ticini.

**N**æ diuinasti futurum, BOLOGNINE optime, elegantissime, ut aliquis Pseudo-Aristarchus qui solam agnosceret Panegyrim, CENSORIA NOTA MOVEKE Panegyricum vellet ex nostri libri inscriptione. Ecce tibi, ut sciolus quidam hoc mihi faciundum persuaderet, exemplum perbellè apposuit nouitij Panegyraftis, qui, prisco ritu per ceram, ac verius per suæ scriptionis cartam inducto calamo, Panegyricum oblitterauit. Sed non homo ego sum desultoria adeo sententiæ, ut ad cuiuslibet arbitrium aut factum, aut dictum commune meum. Cum præsertim authores habeam, quos sequar, classicos, probatissimos, ac tanta dignationis, ut ipsos Panegyricos ex litteratorum Orchestra, non ex cunctis, & dicant, & audiant. Porro etiam te possem ego testem citare, quod non imprudens, sed sciens volens, & de industria, usus fuerim hoc verbo; nec tamen ignorauerim, al eum illud à quàm plurimis usurpari. Recordaberis cerie, quod in tui. hortis, dum sub iopiaro spacia simul faceremus, eorum stultam in dicendo religionem deriderem

N

ridere



viderem, quod melius, quam canem, & anguem, Panegyricum vitandum putat. Ab isto igitur Censore vitio creato, qui solam Panegyrim dici sine reprehensione contendit, ad te mi BOLONIENSE, promoco. Aique omnis argumenti vis, quo nostram conuellere opinionem iste Sesqui Plinius conatur, in eo maxime nititur, quod πανηγυρικός ἀπὸ τῆς πανηγυρίας deriuetur, non rem sed ipsius rei adiunctum, hoc est non laudationem, sed laudatum quiddam significet. In quo quidem tantum meo iudicio fallitur, ut omnino deducendus sit ad eorum institutiones, qui docent, quid eclipsis, & quid enallage sit partium orationis. Quasi Verò Panegyraſtes Nouocomensis, qui Traiano Augusto laudationem dixit, ex diametro non huic opponatur. Adde, quod Quintilianus Institutionum Oratoriarum lib. II. cap. X. in hunc modum loqui non dubitauerit: in ijs actionibus, quæ in aliqua sine dubio veritate versantur, sed sunt ad popularem aptatæ delectationem, quales legimus Panegyricos. Earundem etiam Institutionum lib. III. cap. X. in Panegyricis, inquit, peratur audientium fauor. Sed quisquam fortasse negauerit, ut idem ait cap. IIII. Panegyricos enallagmaticos esse. Neget potius vocem esse latinam, & graecam affirmet. Hoc ego quidem feram non inuitur. Quamquam illud mox adscribam, fuisse donatam latinitate à summo illo Romanae eloquentiae Consule Fulio. Etenim his verbis M. Brutum alloquitur in Oratore: sunt orationum genera, eaque diuersa, neque in vnā formam cadunt, omnia laudationum, ſcriptionum, & historiarum, & alium ſuaſionum, qualem Iſocrates Panegyricum fecit. Itaque abunde ſatis, ut arbitror, non illud ſolum probaui, quod Panegyricus dici pro Panegyri poſſet, ſed hoc etiam oſtendi, quod dictio ſit Ciceroniana. Id quod proſectò contra eorum omnium opinionem me feciſſe exiſtimo, qui Ciceronem ipſum non ſibi familiarem habent, niſi in epiſtolis familiaribus. Tu modò vide quo iure, & quantorum hominum exemplo Panegyricum inſcripſerim libellum meum.

Palmarium



# SELECTARVM EPIST. CENT

99

*Palmarium ceriè factum putabo, si tu, præf. ne BOLO-  
GNINE, sententiam meam comprobaueris. Dignum autem cælum  
mihi videbor attingere, si doctissimus PRÆFECTVS,  
MALAVOLTA, ALEMANNIVS, ET CA-  
GNOLIVS, qui tecum in Societate Iesû viuunt ad religionis  
& bonarum artium decus, & ornamentum, suffragio suo volue-  
rint nobis subscribere. Tu interim fac, valeas. Ex adibus*

## FINIS.




SELECTARVM ERIST. CHNTHIEK

[illegible]

FINIS







IE

005644715



